

С(коми)

0-


35728

Алексей Одинцов

МЕДВОДДЗА КОСА ТУЙ



Коми
книжнӧй
издательство
1985



Алексей Одинцов

МЕДВОДДЗА КОСА ТУЙ


Челядьлы висьтъяс



Сыктывкар
Коми книжнӧй
издательство
1985

84.3КО
О 42

Рецензентъясыс А. А. Лыцов да С. М. Морозов



Одинцов А. С.

О 42 Медводдза коса туй. Висьтъяс.— Сыктывкар: Коми книжнӧй издательство, 1985.— 72 л. б.

Алексей Серафимович Одинцовлӧн тайӧ медводдза книга. Авторыс петкӧдлӧ война кадӧ да война бӧрын ичӧт грездын быдмысь челядьлысь кӧсйӧмсӧ, налысь тӧждлунсӧ.

Ичӧт зонкаяс да нывкаяс зӧлӧны пырӧдчыны ыджыд олӧмас, кыззи вермӧны отсасыӧны верстыӧ йӧзлы кыпӧдны да сӧвмӧдны ӧтувъя колхознӧй ӧвмӧс.

Гражданскӧй видӧдласа висьтъясыс велӧдӧны быдмысь войтырӧс радейтны чужан му, удж, кыв кутӧмӧн дӧзьбритны мортӧс кыталысь вӧр-ва.

О 0763 — 014 46 — 85 м
М 128(03) — 85

84.3КО

© Коми книжное издательство, 1985.

ВАЖ ПОРТФЕЛЬ

Кумысь, важ книгаяс видлалігөн, син улө веськаліс важ портфель. Рузумён чышкышті буссё, дыркодь нокси сімём томанъяснас. Портфельын куйлісны велөдчан кадся тетрадьяс. Важысла вижөдөмаось. Ломтывтём жырийн топыда дыр куйлөмысь шаньга ку моз вөснялөмаось.

Босьті киясө өтиөс. «Коми кыв кузя Шожымса начальной школын 4 класса велөдчысь...». Листышті чусмём коркасө. Тетрадьыс вощьё «Тадзи ме кольөді гожём» сочинениеөн. Лыдди. Морөс кудйө быттьө пöлыштіс шоньд төвру: «Гажа, муса челядьдырся олөмөй! Комын во сайө кольём серпасъяс!»

...Турун пуктан кадө ми, грездса зонкаяс да нывкаяс, мөд-коймөд классъяссянь нин, кызди вермим, отсасьлім колхозлы. Вөвъяс вылын ваялім зорөдьяс дорө турун юрьяс, сюртім, куртім юр туйяс. Эг вөлөй комаось и шойччөм-гажөдчөмысь, купайтчөмысь, ворсөм-гожйөдчөмысь.

Витөд классө вуджан воө — сэки мем эз на вөв тырөма дас куим арөс — тшөтшъяяс пөвстын медся водз куті отсасьны колхозлы. Гожеся каникулъяс вылө лэдзалөм бөрын, мөд луннас нин, пажын нопторъя локті колхозлөн правление дінө. Пöлышті.

«Аддзасны-ө ме кодь арлыдалы гөриг-көдзигөн кутшөмкө удж?— бергаліс юрын төждысяна мөвп.— Вермасны, дерт, ыстыны бөрийны картофель. Но лунтыр пукавны юр кольмөдан руа картофель гуын — абу ошйысянтор. Мөд делө, вөлі кө турун пуктан кад. Сэки и зонпосни — тшөт вылынөсь, колана войтыр. А кор на воасны сійө лунъясыс! Весиг со оз на лөсьөдчыны петны силос вылө. Көдзсьытөм на. Вөвъяснад да өти тракторнад тай ньөжйө жө пуктыльтсөны көдза муяс».

Ёна, вывті ёна көсьи, медем вичмис менлы кодь кутшөмкө лөсяланаджык удж. Дум вөлі најөвитчыштны. Аслам мөвпъяс серти, помкаыс та вылө вөлі ыджыд. Öд нель во ветлөдлі школаө сера дөра сумкаөн. Шарик Коль кодь ыджыдджык арлыда зонкаяс лыдылысны асьнысө Шожым кутысьясөн, выщитчисны: «Дөра сум-

каа Митерас! Дөра сумкаа Митерас!» — нимтысисны-дэльөдчисны найө. Көть асланыс портфель ни полевөй сумка эз жө вөвлы, но дөра сумкаон школаө эз ветлыны. Кысь нин книгаяс да чернила. Гежөда новлөдлісны ручканысө. Сапөг гөленьясас суйыштөмабсь тетрадыас да сідзи и воливлісны.

«Гөстьяс», — дивитөмпырысь шуливліс велөдысь, Нина Степановна, да ныр уланыс, парта ворйө пуктывліс пу воропа ручка либө карандаш. А лыддысигьясө ми сетывлім лишалана книга. Сэ-тшөм зонкаясыс пукавлісны быд классын кык воөн, но эз тай яндысьны. Чиршөдлісны миян кодьяссө, дэльөдчисны.

Чушис тайө меным. Локтан арын кута ветлыны Айкиноө, неполной средной школаө, и на тэныд — дөра сумкаон. Көть мый, а колө нббны томаньяса портфель. Нажөвитны сы вылө деньга. Од трудовеньяс вылө, няньысь да турунысь кындзи, юклісны тшөтш и деньга. Сы вылө мам нббывліс көмьяс, паськөм, а вот портфель вылө эз лишавлы. Этша, тыдалө, мынтывлісны. Сэсся и уджыштлім сөмын төлысь-мөд. А нывкаяс и сыысь на этша. Ми ещө потшсывлім. Но тайө гожем вылас ме кути ыджыдджык надея. Со и локти, гөра-көдза помасьтөдз на, колхоз правление дөрө.

Весьшөрө майшассьөма. Илья Егорович, колхозса председатель, зэв рад лоис. Весиг киасис. Мортые радейтліс отсасысьясөбс — челядьөс, пöрысь войтырөс.

— Зөр көдзны, сеялка вылө пуксыыв, — шуис сійө. — Висьмөма көдзысьыс, а вежнысө некодөн.

Радысла тасасьліс горшөй. Төкөтө эг йөктышт. Майбыр, сөмын ислась трактор бөрө пысалөм көдзан машина вылын, тешит окотатө, а рытнас гижасны кык трудовень. Оз кө ещө на унджык. Гөра-көдзайд өд медся дона уджьясысь өти.

Трактор вылад исласьны зонпосни радейтлім. Воас сійө грездса муяс вылө — ми сэнөсь нин. Гөрысьсө лук турунөн гөститөдам, ырөшөн юктөдам, ва ваялам — медым сөмын пуксьөдлас кабинаас. А со, көдзысьө пуктісны...

— Ог босьт! Абу на көдзысь кодь. Нянь куд дорас мед ещө во-мөд вартас. Вөрзьөдас гөгсө либө усьө агасьяс улө, а мем — өтвечай, — рочалыштөмөн кезнитчис тракторист. — Ог босьт и пом! Судө веськала...

Чужөм вылө ылькнитіс вир. Көдзавліс мышкуөй. Став надеясө, сьөлөм пессымөн көсиймсө быттьө кокыштіс чипан. «Оз на лыддыны мортөн. А дядьөыс, тыдалө, скөр, — лөгаси тракторист

вылө.— Такөд уна он сёрнит. Татшөмыдлы ми кодыд он туй. Бурджык нин, картупель бөрйыны кө ыстисны. Сөмын янала тшөтшья-яс водзын. Рөбөтник, шуасны, көдзнытө со абу туйөма».

Ми, зонпосни, көдзөмтө унаыс аддзывлім. Сылыс уджөс чытлім медся кокниөн. Сөмын сулалө көдзан машинабөрсә пос вылын, дзоргө отарө-мөдарө, а сюис машинаува розьясті ачыс киссьө.

— Ог босьт. Мөд мортөс вай,— бара пыркнитіс юрнас тракторист.

Но Илья Егорович, тыдалө, став сьөлөмсянныс көсийс отсыштын меным.

— Некодөс мөдөднысө, Иван Матвеевич! Тэ ногөн, скөт карта стрөитөм эндөда? Ыста сэтыс сись кодь багатырөс, медся бур тшупсьыссьө?— эз сетчы председатель.— Ог вермы вөчны тадзи.

— Но, көть нин тыр арлыдаөс,— ас кывьяс вылас сулаліс тракторист.— Мыйкө кө, өд меным ковмас кыв кутны.

Илья Егорович матыстчис трактористлань да тапнитіс сылы пельпомас:

— Гөгөрвоа тэнө, Иван, но — видзөдлы. Зонкаыс пельк. Медся збой вөвьяс вылын кыскавліс юрьяс. Велөдышт. Эн өна тракйы бергөдчигьясад — оз усь. Көть нин талун. Аски кежлө корсьла выль отсасысьөс. Мешөкьяснад, дерт, ковмас вөдитчыны аслыд. Мый вөчан. Оз тырмыны йөзсыс. Бөрыннас артыштам ставсө... А кыв кө нин кутны — өтнам мөда...

— Мед либө пуксьылө,— дыркодь пыксьөм бөрын сетчис тракторист.

Му вылө воөм бөрын Матюш Иван (тадзи йөзсыс шуисны трактористөс) петкөдліс-висьтавліс, мый колө вөчны көдзысьлы. Стрөжитіс, медым бурджыка кутчыси, эг усь.

Иванлөн синьясыс пыр бөрас. Кызди и веськөдлө? Тракторыс тай оз жө кежлась-а? Чужөмыс зумыш. Ог гөгөрво, скөралө либө полө, медым ог усь. Быд здукө дась сувтөдны көрт вөвсө.

Көдзысьылдлөн уджыс и збыльсыс абу сьөкыд вөлөма. Кисьтім машина йөртөдө квайт мешөк зөр, дасысь нин кытшовтім, а эз на быттьө и чинлы. Нем вөчөмысла куті ветлөдлыны машинабөрсә пос вывті, гонняла-видзөда, кызди зөр тусьясыс лэччөны небыд муө.

Матюш Иван өдйө тай өлөдіс. Мыччыліс кабинасянныс нөш кодь кулаксө: сулав пө места вылад. Быть кывзысь. Сувті пос шө-

рас, ёнджыка кутчыси вевтивывса вугъяс. Ливкйодла-ссыла трактор мургём шы улын. Ог жё, дерт, Иванлы кывмён. Мый тоди — ставсё ссыли. Гажтём лои. Дыр видзоди зёр петан розьяссё тупкан-восьтан вороп выло. Орччён сийё, ки улын. Окота лои видлыны — уджалё-ё? Кокныдика кыскышти аслань.

Зяткакылё кайисны вывлань гогыльяса корт агасьяс. Зёр дугдис киссьыны му выло. Одиё бёр нетшышти. Но Иван казялис тайёс. Тан сувтёдис тракторсё.

— Дуран! — скорысь видчыштіс сийё, локтіс да кинас кодзыштіс кушён кольём местасё. — Вётла!

— Видлыны кёсийи, кызди уджалё, — повзыштёмён правдайтчи ме.

— Эн дур! — скорысь стрёжитіс тракторист. — Йёз водзын менё янёдан. Куш местаясас сёмын ёг турун быдмас. А кодзис пё Матюш Иван.

Иван пуксис кабинаас. Бара вёрзёдчим. Но вошти, тыдалё, довериесё, тракторист тшёкыджыка кутіс видзёдлывыны мелань. Весиг повзыла, одиё кыйкнитла увлань — ставыс-ё лючки? И мыжми да яндзим син на син видзёдлыны.

«Мыйла вёлі и кутчысьнысё эсийё воропас, — скорали ас выло. — Шабаш аски. Матюш Иван, дерт, норасяс Илья Егоровичлы. Кодзысьыд пё дурё, челядясьё, му вылад ёг турун кёсийё быдтыны. Кодзис, сідзкё, најёвитчыссис...»

Пужйыд, шулоны, дорыв овло. Час-мёдон агасьяс вель нин паськыда парсалісны-сьодёдісны мусё. Вомённогыс доза на унаысь ковмас кытшовтны, а кузьтаногыс помёдзыс воим. Выль кытшё петтёдз му помъясёдыс ковмис дугёдлыны машинасё кодзёмсьыс, медым прёйдитлём нин местаас зёрыыс эз киссьы мёд-коймёд пёв. Иван лэптыштлас кабинасяныыс кисё — ме нетшышта машинабёрся вугйод. Гольс лыбасны гогыльяса агасьяс — зёр тусьяс дугдёны лэччыны му выло. Иван увлань овтыштас кияснас — бара нетшышта вугйод. Корт гогыльяс бёр чеччыштёны каличьяс вывсьыс, бара котёртёны гёром му вывті, небзьёдёны сийёс. Кык чунь вомлос джуджда бёрёздаясё киссьё зарни рёма зёр. Бара кодзам.

Ок и тэрыба вёлём колё вёрны тайё здукьясас. Син лапнитём дыра сёрмин — чукыльтаніныс кык-куим метр кузьта кольё кодзтём. Сера мёслён мышку выв кодь эськё, гашкё, вёлі тайё муыс гождёмын. Но Матюш Иван ставсё аддзё. Сувтёдлас тракторсё. Кабинасьыс оз нин петав, горёдас:

— Ракаясёс лыддян! Көдзышт кинад.

Эз өтчыдысь лолы татшöмыс. Сэсся пажын кадлань делöйс кутіс ладмыны. И машина дорас велалі. Дзик колана местаын куті дугöдны-заводитны көдзöм. Зэвтчöмысла мудзи весиг. А пельясöй, кыла, сотчöны — пола, мед эськö ог жö вунöдчыв. Абу на и ворсöм кодь вöлöма көдзöмыд. Син да син колö, артыштöм стöчлуна вöрас, пельклун. Эз кут, небось, сывсыны. Немтор сьöкыдыс, дерт, абу, а му помас воигөн пöсьö шыбитлö. Китыр-мöд зöртö койыштны ыджыд сям оз ков, а сувталöмнас поводнöя манитчам. Тайö каднас эськö витысь либö унджыкысь на позис содтöд гөгöртны.

«Аски, тöдöмысь, оз босьт. Көть абу нин некутшöм дурöм, и велалышті, но вермас шуны, мый тэкöд пö норматö он тырт,— воліс юрö повзбöдлана мöвп.— А председательлы, дерт, норасяс. Но и рöббтникöс, шуас, көвъялін...»

Яндзим лöө и мöд удж вылö вöзйысьны. Öд асывнас Илья Егорович шуліс: надея пö кута, а ме сійöс вошті. Öти көдза му вылын и вошті. Гожöмöдзыс, страда кадöдз, ковмас тöv чужьявны».

Ставсьыс мыжалі ачымöс, но таысь эз вöv кокниджык.

«Да-а, ас нажöткаысь таво оз на, тыдалö; вичмы портфель вылö,— морöс кудйысь петіс сьöкыда ышловзьöм.— Сідз нин кө, дзайгысьöмысь жаляддза, оз ньöбны, бара на ковмас пельпом сайö волысавны сера дöра сумка».

Пажнайтім торйөн. Ме эг лысьт сибöдчыны Матюш Иван дорö. Нурьяси борйö лажыньтчöмөн. Унаысьтö мыжмылі да яндыси. Иван эськö чуккстіс жö ас дінас, но ме сідзи и эг смелмöдчы матыстчыны. Код тöдас, гашкö, видны кутас, көритны. Тракторыс кусöдöма, шумыс оз мешайт көть пажын чöжыс, кыв бöрся кыв, көрит. А чöv олöмөн кө сёйны — бурджык нин торйөн. Сэсся мый йылысь эськö мекöд и сёрнитнысö? Сылысь кывзысьсö со кутшöм техника, а ме мый тöда? Ворсöм?

Шойччыштöм бöрын Иван дыр ноксис трактор дорас. Заводнöй ручкасö бергöдлöмысь шорөн лэччö пöсьыс, а көрт вöлыс сöмын несъялö. Меысь отсöгыс чаль чунь мында абу. Заводнöй ручкаыс оз и бергöдчы, быттö тувъялöма. Тракторист разліс свечаяссö, чышкаліс, пöляліс, шонтіс би вылын — весьшөрö. Асывнас сöмын чуркмуни-заведитчис, а öні со ыръянитö.

— Пöсялас моторыс — шабаш. Став вирöс тшыкөдö,— Иван скöраліс и морткөд моз сёрнитіс тракторыскөд, но сійö эз кывзысь.

Важыд тай важ и эм. Со, гөгөр ротлөма-дөмлөма көрт дөмасөн. Кыдзкө тай гөрө-көдзө на. Кыдзкө? Со тай мортыс кисьтө пөсьсө.

— Паньөдыштны, тыдалө, ковмас,— гыжйыштіс юрсө тракторист. Сэссия сійө выльысь разьліс свечаяссө, сөян паньнас кисьталіс свеча розьясас пань тырөн сөстөм бензин, бара весаліс свечаяссө, бөр гартіс местаас да кутчысис заводной ручкаас.

Отчыд и тракнитіс став вынсьыс. Ыджыд горөн эрөстіс мотор. Заводной ручкаыс кучкис бөрвыв да мортыд мач моз швачкысис бок вылас мулань, кутчысис морөсас. Сійө жө здуко бензинөн киськассөм мотор бокин ыпнитіс би.

— Өзйис!— мый вынысь горөдсис менам. Сэссия кодкө быттьө йөткыштіс, чеччышті трактор дінө да содз тырөн куті коявны ыргысь би вылас пызь кодь небыд му.

Көть паськыда ыпнитліс, кыкнад өдйө кусөдім бисө. Сэссия Иван тракторсө кусөдлытөг рузумөн чышкаліс моторсө. Киясыс сылөн сырмисны, ёна, тыдалө, повзыліс. Сэк кості ме кисьталі көдзан машина йөртөдө зөр мешөкъяс. Көть зөрийд и абу рудзөг, гырысьджыкъяссө лэпталі джынъялөмөн.

— Но-о, тэ тай мужик нин вөлөмыд,— тайө луннас медводдзасысь нюмдіс Иван. Чышкасиг-ноксигас абу и аддзылөма менсьым мырсьөмөс.— Молодеч, мый эн повзы. Өзйылім өд!..

Ме сөмын өвтышті киөн. Өд эг и удитлы вежөртлыны, кызди ставыс артмис. Өти здукөн. Өзйыліс — кусі. А повзылі — сотчас кө тракторыс?

Рытөдзыс көдзим ещө өти ыджыдкодь му. Кузьөс. Сәні кокниджык — бергавнысө ковмыліс гежөдджыка. Шабашитім, кор шонді вөлі матыстчө нин вөртас дінө. Мудзсьөма. Весиг гөлөсөй сибдаліс.

— Мудзин ёна?— юаліс тракторист. Сылөн гөлөсын вөлі төждлун.

— Эг ёнасө,— сосси ме.

Иван думыштчыліс да юаліс:

— Аски локтан?.. Лок инө,— юрөн гогнитөмөс аддзөм бөрын корис сійө.

Гортө мунігөн ыркөдчи көдзыд ваа Нөмыд юын. Ужынтөг и унмовси. Сьөкыд вөлі луныс. Но мөд асывнас садьми водз.

Иван Матвеевичкөд көдзим став муяссө. Сөйны кутім, позьө шуны, өти ноппысь. Мый сылөн — сійө и менам. Бур морт вөлөма. Весиг рульсө кутіс сетлыны гараж дорө локтігъясө. Уна висьтавліс ас йывсьыс. Ичөт дырсянныс кольлөма батьтөгыс. Быдмөма бур

йӱзлӱн нянь-сов вылын. Гожӱмъясын видзлӱма мӱсъясӱс. Сӱсся велӱдчӱма трактористӱдз. Бур войтыр жӱ туйдӱмаӱс.

— Быдман — велӱдчы трактористӱ, — унаыс шулувлӱс меным Иван Матвеевич. — Кӱть уджыс миян буса и абу кокни, но пыр нин лоӱ шуйга киад кутанторйид. Ӑд быдтам нянь.

Тӱлка мӱвпъяс висътавлӱс меным, дас куим арӱса зонкалы, тракторист.

Тӱдлытӱг коли гожӱм. Воис ар. Сӱки тыдовтчис, мый менам нажӱвйтсӱма тшӱтшпъяяс пӱвстыс да весиг гырысӱджык чойясыс медся уна трудодень. Сӱӱдз ӱтитӱм. Колхоз сетис нянь — рудзӱг, ид, шобдӱ. Кӱсйисны юкны и турун. Сюруклы. Воис и деньга.

Урожай лун пасйим самӱвар дорын. Кампетӱн-преникӱн юим пӱсчӱ чай. Сӱсся мам сеталис козинъяс. Чойяслы — платтбӱяс, кӱмъяс, а меным — дыр виччысянатор — кык томана сӱд портфель. Уна во котрала сйӱн школаӱ.

Кык томана важ портфель, тӱ казгыштӱн менам челяддырся шуда вояс йылыс, уськӱдӱн тӱд вылӱ олӱмӱ туй индъсысӱс! Найӱ ставныс вӱлины бур сӱлӱма, уджач войтырӱн и бур вылӱ велӱдлысны миянӱс, челядбӱс.

КУПАЛЬНИЧА

Календарь вылын июль. Тӱлыс сайӱ нин кӱзаятӱ гожӱм, а сӱлӱн восьласыс быттӱ оз на и тыдав. Боръяс вылын пидзӱсӱдз турун, а вӱрын — тшак ни вотӱс. Дзоридзалӱ на пув. Важӱн нин гӱрддзасӱма, но вотӱм на чӱд. Весиг Катид шорсайса Нӱвина вылын абу на кисьмӱма оз — зонпоснилӱн медся радейтана вотӱс.

Гожӱмыс кыдзкӱ аслыс ногӱн, тӱдлытӱг пуксылыс купальнича лун бӱрын. Сӱтчӱдз мамъяс эз тшӱктывлыны чегъявны корӱс, ытшкыны боръясыс турун. Курыдӱс на пӱ кӱзаяслы бадь да пипу коръяс, сира, оз туйны пывсян корӱс вылӱ кыдз росъяс. А турунъяслӱн эз на во кӱйдысыс. А водз кӱ тшукӱдан боръясӱ да ичӱтик вӱрса видзъясӱ коса, косьмӱм бӱрас туруныс оз усь кӱйдысыс. А таdzi видзъясӱн вӱдитчӱмыс найӱ регид изӱрмасны. Медым куран пиньяс улыс быд гожӱм чукӱрмис скӱтлы унджык кӱрым,

дерт, та вѳсна мамъяс эз сетлыны вѳля аспом скѳтлы водз дасьтыны турун.

Купальнича лун вѳлі праздник кодъѳн. Но пуксъыліс сійѳ кызкѳ тѳдлытѳг, кольліс лѳня, кыздз шуласны, суртѳг-винатѳг, пызан чегмѳн сѳян дасьтытѳг.

Мам чечывліс шондїкѳд тшѳтш. Вѳснѳдліс нянь пѳв вылѳ тѳрмѳн шаньга куяс. Миян, дерт, оз жѳ узьсы. Чѳла кыйкъялам пѳлатъ юрводзсянь — дульваным петѳ. Удайтчас чѳсмасьыштны ѳдъя пач под вылын пѳжалѳм банїѳм картофеля шаньгаясѳн. Ок и чѳскыд! Нылыштїгас куньсьылѳны синъяс.

Лун шѳр бѳрын, кор шондыс бергѳдчѳ нин рытыввылѳ, грездын заводитѳны тшынасьны витнан пывсяныс. Сѳк костї ми, зонпосни, семьяын быдѳнлы морт-ѳтиѳн вѳчалам купальнича корѳсьяс.

Рытгорув, кор шондї кутас воны вѳртас весьтѳ, пывсянъяс лѳбны дасьѳсь. Гѳрдѳдз доналѳм из гор вылѳ кѳш джын и койыштан, а кос жарыс сїдзи и чїшкалѳ пельяс.

Пывсянын ымралѳ чѳскыд купальнича кѳр. Лолыштан, тырлѳны сїѳѳн тыяс, кыптылѳ морѳс. Дыр оз вун татшѳм пывсяныс.

Тулыс. Ыбъяс да эрдъяс сѳмын на шыбитїсны ас вывсьыс еджыд эшкынѳ, бузгѳны берегъяссьыс петѳм ичѳтик шоръяс, грымакылѳны Шожымка ю кузя кылалысь гырысь йїяс, а ми, зонкаяс, корсям нин купайтчан места. Тулыснад, майбыр, лым ваыд быд гѳптын тырыс. Мукѳдлаас лѳ весиг голяѳдз.

Пѳрччысян — ваѳ буз. Ызям-купайтчам. Веськодъ тай, кѳтъ кѳдзыд ваысь топавлѳны сѳнъяс, ыркмунѳ сьѳлѳм. ѳта-мѳд водзын петкѳдлам збѳйлун, варччан сям. Быдѳн крепитчѳны, кѳсїѳны овны ваын медбѳрѳдз — петны вермысьѳн.

ѳтчыд татшѳм купайтчѳм бѳрас ме чорыда висьми. Вежон чѳж тупляси вольпасъ вылын. Сѳсся жарыс личалїс, но висьмис кучик. Мышку пасьта кисьтїс пупыш, петалїсны чирейяс, воссялісны дойяс. Узьѳм ни олѳм.

Мам мавтліс мышкуѳс быдсяма мазьяснас. Эз отсав весиг орчча сиктса вѳралысьѳн вайѳм ош гос. Дыр майшаси тайѳ висьѳмнас.

Воис купальнича лун. Рытнас медся водз лѳччѳдїсны менѳ пывсянѳ да купальничаѳн швачѳдїсны-корѳсялісны, гашкѳ, час.

Сїѳѳ войсѳ узи садьмывтѳг. А лун-мѳд мысти мышкысь бырисны мыльяс, косьмисны дойяс, бурдїс кучик.

Колисны вояс. Оз быд гожѳм ѳнї удайтчывлы пывсьыны купальничаа корѳсьѳн. Но тайѳ войвывса шондї югѳръяс рѳма мича дзо

ридызьясылон дзоньвидзалун сетысь выныс вёлёма помтём. Кынмав-
ла, көтасьла аръясын вотчиг-вөралігъясö, но оз көлась некутшом
простуда. Збыль, тыдалö, шуломаясь пöчьяс: «Купальнича, чизыр
вой тöлысь повтöг, чукортö вынъяссö сөстөм сынöда ыбьяс вылысь,
а сылön дзоридзьясыс босьтöны мичлунсö войвывса ярьюгыд шонди-
лысь».

Тайö, тöдöмысь, сідзи и эм. Öд купальнича коръяссьö, кутö ту-
ны-быдмыны муртса на сылыштö лым. Оз пов, майбыр, көдзыдсыс.
Со и бурдöдö быдсама пöлөс простуда висьомъяссö.

ЛАСИЧА

Öти пöраö миян некыдз эз овмöдчы кань. Быдтам ичотсяныс,
лелькуйтам. Верстяммас, сöмын на заводитас кыйны шыръясöс,
мыйыськö висьмö да кулö.

Тёткалысь, кор сійөс тöлын ыстылісны колхозсян лэдзны сор-
товка, кык ыджыд кань вайöдлім. Помыс öти. Сöмын йортлім гөбө-
чö — висьминсы.

Воссыліс, чайта, тайö кадас шыръяслы да крысаяслы празд-
ник, ыджыд пир. Йирöны кышöдзыс картофель, джынъявлöны га-
ланкаяс, пежösьтöны йөв тыра кринчаяс. Гөбөчын эг кутöй лысьтны
видзны нянь. Сөйöны, пышйöдлöны, эз этшайсь кольлыны тшыгйөн.

Веськыд мат лоис весиг скötлы. Мам лэччодас налы гидö ведра
помöй — удзöдöны. Мөс ныр улысь пышйöдлöны медся чөскыдторь-
яссö. Наянөсь. Оз, небось, повны весиг көлач кодь крукыла сюръяса
люкасысь межысь. Веськыда сакасьöны нырас, вöтлöны вор дін-
сыс. Ыжъяс омөльтчисны, лыясыс кучик улас гольвидзöны.

Дивö босьтö — мегарин гожöмын миян, зонпоснилы, туй оз сет,
люкавны кыйöдö, а картаын полö весиг крысаясысь, сетö удзöдны
асьсö, ыжъясöс. Мам лэччодас скötлы помöй, а ме, кок улöдз пася,
кыйöдча лясни розьöд, повзьöдла крысаясöс. Пельөсса розьысь петас
öти, дзик кань ыджда, да кок шыөн локтö вор динö. Мөс чущъялö,
а ыжъяс — сюв-сяв гузьмунöны стен боклань. Кышнитла — ыжъяс
повзьöны, а крысаяслы веськодь. Немтор пö миянкöд, эгатшөм тэрыб
жокаяскöд, тэ он вöч.

Яндысьтөм синъяс. Пуктавлі налькъяс, капканъяс — эз отсав. Гашкө, кылөны капканъяссыс сiм дуксө, казялөны дзедаса налькъяс.

Отчид тадзи дыркодь кыйкъяли. «Вугырөн, ичөтик гостор сама-лөмөн, гашкө, видлыны кыйсыны?» — мөвпала.

Друг пемыд пельөссиян вор дiнө ньөв моз визьнитiс ичөтик зверь. Лымъеджид. Сөмын синъясыс быттө кык дрөб тусь, съдөсь. Сийө варс-курччис сьылөдыс медся ыджид крысасө да петалан рөзьөдыс пыртiс сийөс гид джодж улө.

— Кутшөм повтөм, пельк да вына адззывлытөм на зверь! — висьталi сы йылысь мамлы.

— Вөрса кань, сiдзкө, локтөма, — нюмдiс сийө. — Ласича тайө. Пармаысь, тыдалө, бырөма көрымыс, воис кө гидө. Медъя, медья! Тэ, пиө, эн повзьөд сийөс. Капканъястө, налькъястө босьтав, мед көть кыйсигас оз жө шед сэтчө.

Помөйтө скөтлы ог на вөли вермы лэччөдлыны, но сы пыдди луннас скөтөс кутi сөдны, гашкө, дасысь. Мед сөмын ылөдлыны крысаясөс, сетны ласичалы кыйсян кад. И адззывлi өд! Уна крысаөс кутiс менам синъяс водзын тайө пельк зверыс.

«Вот эськө поздысяс кө миян гидө ласичаыс?» — юрө воывлiс завидьтана мөвп. Гусьөн кутi петкөдлыны да шыблавны гид джоджө, пельөсьясас ичөтик яй торъяс. Но ласича эз ыштыв на вылө. Кыйсис ачыс.

«Со өд, ещө кутшөм тшап, — быттө лөгасьла ме, кор еджид пася зверь юрсө лэдзлытөг котөртлiс яй торъяс дiнтi. — Пуктө пыдди сөмын ассьыс кыйдөссө».

Бежон-мөд мысти ласича кытчөкө мунiс. Немтор, тыдалө, лои сылы вөчны миянын.

Еджид зверөс асланыс гидьясысь бөрынджык адззывлөмаөсь и суседьяс. Сiдзкө, сийө төвсө кыйсис и мукөд ордын, грездын вайис пөльза быдөнлы, мездiс войтырсө шыръясысь, крысаясысь.

Бөрти мунiгөн кө өни аддза ласичалысь кок туйяссө, бур квийөн казтышта еджид пася ичөтик, пельк зверөс да сетча бокыв. Мед ветлөдлө аслас туйөд, корсьө кынөмпөтсө, бырөдө шыръясөс.

ОШЪЯС

Став кӧдзаяс да град выв пуктасъяс грездын войдӧр вӧдитлісны бур потшӧсъяс сайын. Скӧт эз писътливлы сэтчӧ. Та вӧсна пемӧсъяс олісны-йирсисны пастуктӧг. Асывнас лӧдзам гидъясысь, а рытнас — сӧмын йӧртан удж. Некутшӧм маитчӧм. Гожӧмбыд эг тӧдлӧй скӧтӧн ноксӧм. Асьныс локтӧны гортӧ.

Но аръявыв мӧсъяс велавлісны тшак дінӧ. Турун чӧскыдтӧммӧ да йирсӧм пыдди найӧ «вотчӧны». Мунасны ылӧджык да, он кӧ вайӧд, сәні и узымӧдчасны.

Тайӧ вӧвлины шудтӧм рытъяс. Ӧд йӧвтӧм ужыныд — челядьлы тшыгйӧн водӧм кодъ. Сы вӧсна мӧсъясӧс корсьлім став грездӧн, гырысыяс и поснияс. Ми, зонпосни, полім ошъясысь да ветлӧдлім йӧр помъясса эрдъяс вылын, а верстыӧ йӧз — вӧрті, шор йывъясті, йӧнӧдъясті.

Ӧтчыд, питшӧгас нянь торйӧн, мам кытшовтӧма став шорбокъясса видзъяс, но мӧсъяс абу сюрӧмаӧсь.

Рыт. Пемдӧма нин. Туйыс мамӧс вайӧдӧма зӧр му вылӧ. Сәтысь сійӧ и аддзас мӧсъясӧс. Йирсӧны, яндысьтӧмъясыд, оз тӧдны горт.

— На, Сюрук, на, вердысьӧй, на, — нянь торсӧ чургӧдӧмӧн кутӧма матыстчыны мам.

Мӧсъясыд, локтӧм пыдди, ләтиктӧмаӧсь вӧрлань. Мамӧ, джӧмдалігтырйи — на бӧрся. Но он на косӧд — вельмӧмаӧсь, тыдалӧ. Му помас мӧсъясӧс корсьысь ныр на ныр паныдасяе орчча сиктса вӧрались Илля Ванькӧд.

— Но, Любава, м-мез-дін менӧ ыджыд страстысь, смерть гыжйысь, — мыкталӧмӧн кутас аттьӧавны Илля Ваньыд мамӧс. — Рыт-горувсӧ кытшовті ӧзим муяс. Пемдандорыс сәтчӧ петавлӧны кӧчъяс. Локта гортӧ, а туй бокрын этайӧяс — куим ош. Кӧлысь налӧн тайӧ каднас, стадитчӧны. Ёна и повзи. Мый эськӧ кӧч зарадъяснад вӧчи! Налы сійӧ оз мӧрччы. Сідзи и сулалі, кын нисьӧ сыв. Аттьӧ, ош гыжъяс улысь мездӧмсыд... Мӧсъясгӧ, шуан, корсян? Аддзылі найӧс Пронь Нӧвина дорысь. Нырийӧді грездланьыд. Ӧні, кӧнкӧ, гортадӧсь нин.

Тайӧ воясас ошъяс шӧйтисны-вердчисны миян грезддорса вӧръясын гожӧмбыд. Но сюсь зверьяс некор эз веськӧдчывны йӧз синъяс улӧ. На йылысь висьталісны сӧмын кок туйясыс, эрдъяс вылысь кульӧм эжа, ӧтка-ӧтка пузувтӧм кодзувкоткаръяс да понъяслӧн, вой-

быдъясөн вөрлань увтöмыс. Мөсьяс гожөмбыдъясөн олісны пастук-төг. Но ошъяс эз вөчлыны йөзлы шог.

Колисны уна вояс. Ме ачым лои вөр-ва радейтысьөн. Арьясын тшөкыда ветлывла пармаө. Унджыкысьсө — өтнам, кыз шуласны, зычиттөг-сёрниттөг. Но ошъясөс аддзвыны удайтчыліс сөмын кык-куимысь. Өтчыдысьсө, медводдзаысь на — воськов дас вит сайысь, пиянаөс.

Юрси вөрзыштис шапка улын. Өд сы мында страстьяс висьтавлісны на йылысь! Көть пельпом сайын вөлі ружье, но сійө весиг эз усълы дум вылө. Пармаса көзяин видзөдліс ме вылө смоль сьөд синъяснас, чушнитис, воча-воча чаж-шарснитис гыжъяснас. Сэсея өдйө бергөдчис быдтасъясланьыс да пач чышкан лыс кодь лапанас мортөтикысь шлапнитис налы боканыс. Ошпиян маच्याс моз тутисны понөльяс пөвстө. Сы бөрын мамыс тыр төждлуна синъясөн ещө өтчид видзөдліс мелань, кызкө аслысног рукөстис — эн пө лысыт вөрзбөдны менсым муса челядьөс, — да кыкысь чеччыштөмөн воши синъяс водзысь. Ме садь быртөдз повзылі пияна ошкысь, а сійө страститчис меысь.

Бөръяджык аддзысьлөмъяс лоисны ёна ылісянджык. Зверьяс, көть вөліны кык-куимөн жө, гырысьсөс, сөмын вуджөртисны синъяс водзын.

Тайө вунөдлөм нин вөвлөмторьясыс воисны вежөрө, кор кывлі норасьөмъяс, мый ошъяс медся өпаснөй, уна вред вайысь зверьяс. Найө пө мырддялөны вотчысьяслысь падъянъяссө, парсалөны йөзөс, джагөдлөны скөтөс, куталөны сьөла-тарөс, көчьясөс.

Да, ош — миян вөрьясын медся вына зверьясысь өти. Но өбидиттөм, дойдтөм, сійө оз лөсьөдчы синъяс улас весиг вотчысьлы.

Өні йөзлөн киясын лоисны бур ружьяс, вынйөра техника. Дерт, абу сьөкыд өбидитны ошъясөс. Жаль, но кын сьөлөма татшөм войтырыс паныдасьлөны на. Найө мырддялөны зверьяслысь пиянсө да гортса пемөсөс моз видзөны гиданыс. Бөръя кадө тайө лоис тшөкыда аддзывланторйөн. «Мамыс, коньөрлөн, ловъя кө на, сідзи и пышйис, нуис сьөлөмас ыджыд дойсө! — домөда ошпиөс аддзөм бөрын волө юрө мөвп. — Пармаса көзяин, а морт водзын страк вөсна эновтис весиг ассыс муса челядьсө, ассыс вир чутъяссө».

Ошъяс йылысь небылича висьтавлысь, ме ногөн — пармаө гежөда волывлысь морт. Сійө оз төд вөр-васө, сэтчөс зверь-пөткалысь оласногсө, полө быд сьөд мырйысь. Со и лөсьөдлө быдсеяма страксө, повзөдлө тшөтш мукөдъясөс. Эскыны-ө сэтшөмьясыслы?..

Тулыссяныыс на лосьодалі кыснанъяс, кузь шатин. Гожся каникулъяс дырйи, мися, Генякөд войколөн ветлам кыснасыштны сир-ёкышён озыр Шожымка ю дорё. Геня — менам сусед. Тшөтшгьяось пöшти. Отлаын вöравлим, ёртасьлим и. Мортыс эськö асланьысджык синö, но тайö оз на висьтав сы йылысь, мый ськөд оз позь другасыны, ветлыны вöравны.

Пуксис нин гожом, а кыснасыны сідзи эг и слöймöй ветлыны. Ставыс кöсийсыбмөн и коли. Доза дыр ковмис ноксыны асланым град йöрын. Сэсся потш-майөгъяс кералі да дзоньталі потшöсьяс. Наян кöзаясысь, пьськөс ыжъясысь кöдзаяс да пуктасъяс видзысь бур пастукөс — джуджыд потшöс сувтöді. Сэсся колхозын силос вылö петісны. Ми, зонпосни, гу дорас уль веж турунсö телегаяс вылын вöвъясөн кыскалім.

Отчыд, удж помалом бöрын, ме дінö матыстчис колхозса бригадир.

— Лун-мөд мысти Шожымкаө ытшкыны мөдөдчам, — шуис бригадир. — Ті эськө Геня другыдкөд аски кайліныд сэтчө, вöчыштінныд ю вомöныс пос, медым мөдар бечевникъяссö ытшкыны позис вуджавны. Кыкнас кö сьöкыд, босьтлөй со ещö Егор Коляөс. Куим друг, чайта, регыдөн и эштöданныд. Кыйсыштаннуд и... Сёрнитчим?

Рад лои меным. Колялы и. Висьталім Генялы.

— Позьö и ветлыны, — веськодя шыасис Геня да эз зэв бурысь видзөдлы Коля вылö: «А тэ пö мыйла тшөтш кövъясин, егерь пи?»

Туйö петны шуим сійö жö рытнас. Миян лэдзасиг, вöвъясөс йорталігкості Коля лосьөдыштис ноптор, кыснанъяс. Сэсся миян грездö локтім. Туйыс Шожымкаас миян грезд пыр и мунö. Ми регыд жö нопторъяс чукөртім. Ме босьті пöрт, пань, кружка. Истөг кудйö — совтор. Эг вунөд и кыснанъяс да кузь шатин. Коля шатинсö босьтіс жö. Ылын пö эськö кыскынысö, но важ кос шатиннад вуграсыны-кыснасынытö кокни, ворсөм кодь.

Петі керкаысь, чукөсті Геняөс. Коля вирич дорö лажынтчөмөн и виччысис. Чукөстлі эськө нурьясыштны, но эз и пырав. Ме пö пөт, гортын сёйышти.

— Мый нö, ва дорсыс нбöрйыс оз сюр? — сералö ми вылын Геня. — Дас верст сайö, вөрö, нуанныд зіб. Ой, ой! — серам петкөдлысь-

яс. Но, чери кыйысыя даи сѡмын. Паськыд дора идзас шляпа оз тырмы вот, кутшѡмѡс картина вылысь аддзвылан.

— А тѧ вѡралысь кодъ дзик. Нопгя, пиццаля. Ургясѡс кыйны быттѡ мѡдѡдчѡмыд. Оз ѡд позь гожѡмын вѡрѡд тадзсѡ ветлыны,— збоя вочавидзис Генялы Коля.

— Э-э, понтѡг да пиццальтѡг кѡч люкалас, ош парсалас. Тайѡ — оборона вылѡ, а крукыля бѡжаыс — тѡварыш пыдди лѡѡ,— эз сетчы, кыв вылас сулаліс Геня.— Сьѡд вѡр шѡрѡ мѡдѡдчам. А пышгьялысь шыш кѡ вѡр керкаад воас? Тшуп, егерь пи, нырад — быд пиццаля морт абу на вѡр-ва куштысь. А миян сійѡ абу гѡль...

— Вензянныд нем абусыс! Мѡдїмѡй,— суйси сѡрниѡ ме.— Ас кокнас понйыс ветлѡдлас. Сыкѡд, и збыль, гажаджык. А пышгьялысьясыд, стѡча шуан, ружьеа йѡз дїнад оз лысьтны матыстчыны.

Кѡтъ кадыс вѡлі рыт горув нин — шондї сулаліс вылын на. Сылѡн югѡргьясыс сотїсны пельпомгьяс, мыш, сьылїѡс. Номгьяс вѡтчїсны кымѡр мында. Горшѡсь. Сатшїѡдлісны ем кодъ лѧчыд ныргьяснысѡ чужѡмѡ, зынгїсны пельяс водзын. Налѡн курччалѡмысь пыктїсны весиг синдоргьяс, вевтгытѡм сьылї. Вєськыд мат даи сѡмын. Коля, видзѡда, матайтчѡма жѡ. А Геня бара вѡлѡма сюсьджык. Босьтѡма еджыд чышгьян. Мыйѡн кежим векныдик ордым вылѡ, чышгьянасыс пѡчѡ моз. Ном-гебйыс сы дорѡ эз кутны сїбавны да ми вылѡ содтѡд на кымѡр кодъ кельѡб уськѡдчїс.

Абу зѡв ошйысянатор мунны гожѡмын вѡрса туй вывтї да ещѡ ношїѡн. Гортад, пельпомгьяс сайѡ волысалигѡн, сїѡ кажитчѡ кокниѡн, а час кымын мунѡм бѡрын мешайтчѡ нин, кѡтъ шыбит.


Жарысла, кажитчѡ, жуялѡмаѡсь весиг козгьяс. Найѡ чургѡдѡмаѡсь туйлань лапгьяснысѡ, быттѡ корѡны юктѡдны, норасѡны кос поводдя вылас.

Туй вомѡн, бѡжсѡ вылѡ чургѡдѡмѡн, котѡртїс гѡрд ур. Сїѡ адзис миянѡс, сувгыштліс, ас ногыс чиргыштїс-видчыштїс повзѡдѡмысь да чеччыштїс медматысса пу вылѡ. Биа нѡв моз визгнитїс пу йылѡдзгис. Ланьтѡдчїс, дзєбсис. Но сюсь вѡралан понйысь он мын. Генялѡн Шарикыс, кѡтъ эз аддзгив урсѡ, кок туй дук кузгьяс пыр и воис кыскѡ.

Пармасѡ шызѡдїс сылѡн ѡсь гѡлѡсыс. Чеччалѡ пу улын, чеггьялѡ пингьяснас медся улїса кос увгьяссѡ. Тадзи вѡчѡны вывтї горш да велѡдтѡм понгьяс.

— Шойччыштам инѡ,— сувтовкерис Геня да пѡрччїс нопсѡ.

Ми чѡвтїм жѡ нопгьяснымѡс, лажынгьтчїм небыд ош нитш вылѡ.



Сійо кӱдзыдкодь, ыркӱдӱ. Разялӱм дӱрӱм кизьясӱс, чегьялыштӱм кызд росьяс, повзӱдлам-швачкӱдам номьясӱс. А Шарик — виньдалӱ-увтӱ.

— Вывтӱ жӱ нин ӱна, Шаричокӱй, яйыс тӱд колӱ. Увт, увт. Час, видзӱдлам, кытчӱ дзѳбсис урыс,— пон дӱнас шыасис сълӱн кӱзяиныс.

Геня перйис козьянсьыс черсӱ, матыстчис коз пу дӱнӱ, лӱсыштӱс кырсьсӱ да мый вынсьыс клӱн-клӱн кучкис чер тышнас лӱсасас.

Ур ӱдӱбӱн чеччыштӱс орчӱн сулалысь ыджыд кызд вылӱ, котӱртӱс увьяс кузяыс пу мӱдарас да сувтӱс. Водзӱ палӱднысӱ вӱлӱ некытчӱ. Пуясыс сулалӱсны ылын.

Шариклы быттӱ тальччисны бӱж вылас. «И-и-и!» — ливкӱйдлыштӱ. Кисьтны-увтны кутӱс.

Геня матыстчис ноп дорас, пунктӱс черсӱ муӱ да перйис зѳпсьыс патрон.

— Лья инӱ, лья, Шаричокӱ, медым арӱдзыс вир дуксӱ он ву нӱд,— босьтӱс киас пищальсӱ.

Вывтӱ жаль меным лоис ки пыдӱс ылын моз, восьсаинын пукалысь ичӱтик гӱрд ур. И дорйысьнысӱ сылы некызд, и дзѳбсьынысӱ некытчӱ. Чеччыштас — оз во орчча пу вылӱдз. Усьсӱ муӱ, веськалас горш понлы вомас. Пукавны кутас тадзи — косьыштасны дрӱбйӱн. Мездыны колӱ урсӱ Шарик вомысь. Та вылӱ торйӱн нин ыджыд кӱсйӱм вӱлӱ сы вӱсна, мый эг радейт, мустӱмтӱ тайӱ понсӱ. Сійӱ весиг челядь вылӱ скӱралӱс. Орчча керкаӱй, а прӱйдитӱгьясӱ, куйлӱ кӱ мудӱд вылас, быть чеччылас да увтӱдыштас. Быттӱ видзӱ ыджыд озырлун.

«Оз, оз позь, медым дорйысьны вермытӱм ур веськалӱс горш Шариклы пиньяс улас. А Генялӱн пищальыс — со киас нин, он и тӱдлы, косьӱбтас». Тувки гыррдза помӱн Колялы. Сійӱ скӱрмис жӱ.

— Висьтала паплы,— мырддяс ружьетӱ,— стрӱжитӱс Коля.

— Мый нин, лӱдз курччис,— серӱктыштӱс Геня.— Пос вӱчысьяс, чери кыйысьяс. Дурыштнытӱ нин оз позь, пыр и — висьтала, висьтала. Ог лый, ог. Арнас, гашкӱ, Шариклы жӱ сюрӱ...

Та бӱрын дырсӱ эз нин пукавсьы. Нопьясим да вӱла ордым кузя мӱдӱдчим водзӱ. Но горш Шарик эз кӱсйы энотны вом чӱскӱдсӱ. Кольчис увтны. Гӱлӱсыс ӱдва нин кутӱс кывны, но пон увтӱс яра, воддза мозыс тшӱкыда.

— Шарик аддзӱмтортӱ оз энот,— ошйысьыштӱмӱн ли, жальпырысь ли, мый эз удайтчы гӱститӱдны понсӱ, нюркнитӱс Геня.

— Откодъось понъя-көзяина,— воча кыв пыдди серөкті ме. Коля пыльснитіс жө. Тыдалө сы вылө, кызди здук сайын öзйыліс ур вылө Генялөн синмыс да мый öдъяө бөр кусі лёк көсйöмыс.

Водзö туйсö таялім сёрниттөг. Геня, дерт, гөгөрвотөг эз ов, мый сылы паныд ми сувтім кыкөн. А ми сійöс дивитім ичөтик вөрса зверь вылө ковтөг кисö лэптыны көсйылöмысь. Ыджыдтор тай — аддзыны да лыйны гожеся уртö. Яйсö горш понлы вомас, а кучиксö — коз пу лап вылө. Мед видлө, кыйсьö сёр арын. Сэки, кор урыс көмасяс, оз на быд понлы и сюр.

Шожымка ю дорö воим вылын кодь шондйөн на. Вöралан керкаө колялім нопъяс, черъяс. Босътім сöмын кыснанъяс.

— Талун ог нин пöрдчöй,— медводдзаөн бурпырысь шыясис Геня.— Рытъя кыа вылас кыснасьыштам. Мыйкө кө шедö, пуам юква и — шойччыны.

— Кыснасьыштам и эм,— сöглас сеті ме.— Телепит нин. Потш кодь сизим-көкъямыс путö аски здукөн пöрöдам да ю вомöныс нюжöдам. Тэрмасътөг кык-куим час удж.

Коля сöгласитчис жö. Геня корсис да кералис кузь кодь пипу шатин, волис кырсьсö. Видлі. Нюдз, но ме серти куим пöv сьöкыд.

— Лун-мөд косьмас — лөö добра,— шуи,— а öни, дерт, сьöкыд-джык.

— Олас,— öвтыштіс кинас Геня.

Юын ыркыд ваас дыркодь купайтчим. Сэссия ме вуджоді көлуй-öс да шатинöс мөдар берегас, көмаси-пасьтаси да сэтчö и кольччи, а Геня да Коля кутісны кыснасьны öти берегсянь. Дерт, ыджыдкодь костөн öта-мөдсяньным сувталім. Кыснасям, каям ньöжйөнник визув паныдсö. Недыр мысти ме лэпті тув кыка сирöс. Сэссия курчис мөд, ичөтджык. Шондй лэччигас нин мойвиис коймөд кыйдöс — ки пыдöс пасьта ёкыш.

Коля лэптис жö öти ёкыш да сирпи. А Генялөн дженьыдджык да сьöкыд шатиннас оз артмы кыйсьöмыс. Ветлөдлө-кышакылө джуджыд пырей пövстті дзик ва дортыс да повзьөдлө-вөтлө черияссö. Найö бөрвыв, Колялань чепөсйöны либö менам береглань ызмунасны. Мөд чериыс, сирыс, тыдалө, Геняөн повзьөдöмаыс и көласис вугырö. Бузмуни сы кокъяс дорысь да пöшти пыр и тракнитчис кыснанöй.

— А-а, чөр-ту-у! Номъяс вильөдöны и!— дөзмис Геня да гартіс зібъяс кыснан көвсö.— Тіян, тыдалө, кыснанъясыд бурджыкөсь. Курччö. Кыйсьыштöй, а ме муна да пуся. Вөр керкаысь горсö лом-

тыла, мед узьны лоо шоныдджык. Мый пуам? Шона?— сингыассо читкыртліс Геня.

— Мыйла шона? Юква, чоскыдос. На, кутав,— оти борся модос шыблалі ю вомон чериясос. Тыдало, ыджыдджык вынон. Сир-ёкышь-яе шнёпкысисны ыло берег вылас, джуджыд турун повсто. Генялы дыркодь ковмис корсьны-чукортны найос. Сетис ассьыс черияссо и Коля.

Колим кыкөн. Ми дыркодь на кыснасим, но сэсся эз шед ни оти лов. А борья помас весиг крукассис кыснаной. Дыр сюродчи — весьшорё. Аски выло надеяон сидзи и коли кыйсян снасьтос берег вылас. Он од ород, аски сунсьыла да сюрёда. Сэсся корси ляпкыдин, вуджи юсо. Колякод локтим вор керкао. Думысь пось чоскыд юква дорё.

Но Геня понсо сывъяломон шкоргис-узис джоджо вольсалом турун вылын. Локтома од понйыс. Оз тай энот козяинсо!

Юква порт удитома нин кодзавны. Гурсниті паньон. Юрьяс да божьяс мыччысьлысны. Ещю гурсниті — портйын чери абу, пачдорса джаджйын тасьтас абу жо.

— А поттом горш жо эськё вёлома,— норасышти Колялы.— Вит лов пулома да ставсо вильодома! Понсо на, гашкё, чосмодис.

Вочны немтор. Гуркыштим-панялыштим кодзыд юквасо — сълом эз бурмыв. Сидзи тшыгйон сорон и водім.

Асывнас садьми водз. Кисьті кольом юквасо чуманё понлы, биаси да кути пуны проса рок. Ывла би вылад пуом проса рокыд, мос выйыштан да, ёна на и чоскыда панявсьо.

Садьмисны и мукод узысьяс.

— Торыт дыр эн воёй да унмовсьсома,— бурон пыродчо сёрнио Геня.— Эг и кывлы, кор локтинныд.

— Чоскыд сеян борад, пот кынёмнад узьсьо,— чиктыліс Коля.

— Пось юквайд чоскыд и эм,— ошкыштіс Геня.— Сомын тай дыр эн воёй да дырджык, тыдало, би вылас портйыс видзис. Нырчис, рабаліс став чериыс, юкваас гудрассис... А талун бара юква?— Лэп-тыштлис портлысь вевтсо:— Но-о, проса рок. Сейсис тай, сидкё, чоскыд юквайд... Рок!..

Рок эськё, но Геня эз жо этшаджыкысь паньышт. Ньюсис на, а сэсся кык кружка сётора чай юис.

Сейом-нурьясьом борын лэччим Шожымка берего. Матысьиндзи породім восныдик сизим пожом, ваялім берег выло.

Друг юр вывтi лэбис энъ горда да неылö и пуксис, вöрса ты вылö.

Геняöс быттö вежисны. Сийö ыстысис гырк висьмöм вылö да котöртiс вöрлань, кöни керасим. Сэни сылөн куйлис ружьеыс.

— Сюсялö,— шуи ме Колялы.— Видзöд, оз-ö вудж эсийö эрдсö.

Кыйöдчам. Недыр мысти Геня збыльысь мышкыртчöмөн котöртiс векныидик эрд вомөн вöрса тылань.

— Лыйны кöсийö позыввса уткасö,— пöся шöпнитiс Коля.— Ог сетöй.

Син лапнитигкостi, видзöда, сийö котöртö нин ылын. Ме уськöдчи сы бöрся. Эг и сүöd. Водзын, кыла, бертчöны нин, кашкöны. Коля, кöть ичöтджык тушаа, но со, мырддис Генялысь пищальсö да буз шыбитiс вöрса тыö.

— Корсь öни, сунлась бурпöt.

Геня эськö уськöдчылис косьö кок увсьыс сюрöм беддьөн, но ме сувтi сылы паныд.

— Ачыл мыжа.

Кыв ни джын шутöг ми бергöдчим Колякöд да муним пос динö. А Геня мыйкö керасис, тыдалö, увъя зиб, медым самавны вöйтöм ружьесö. Тайö лунö сийö миян динö эз нин волы. Мый вöчас сийö мянкöд, кыклы паныд. Тывъялис, тыдалö, ассьыс öберенасö, чукöс-тiс понсö да лэччисны гортаныс.

Поссö ми Колякöд помалим. Ме пöрччысьли да вомöнавли ваö лэ-дзалöм пожöм потшъяс, лэпталi помъяссö мöдар берег вылас. Көр-тавлим потшъяс ньöрийөн. Весиг перилöяс вöчим. Любöй пöч пос выв-тiыс вуджас повтöг.

Бур пöt на кыснасим. Уна чери эз сюр, а раз-мöдтö пуны гортö лэччöдiм.

Тайö лунъясöдзыс Колякöд пöшти тöдтöмось вöлим, а сесся ёр-тасим. Арьясын ми унаысь ветльвлим öтлаын вöравны. Матыстiс мянöс öта-мöд динö тайö поскыс, сiдзи жö, кыдзи ми йитим Шожым-ка юлысь берегъяссö.

МЕДВОДДА КОСА ТУЙ

Ы джыд праздник — сиктса челядьлы турун пуктан кад. Мыйта удайтчылö купайтчыны сөдз Эжваын, ордъясьны юр кыскалігөн вöвъяс вылын. Тöв ныр моз панласьлім пажын кадö, Серкоясöс юктавны лэччöдлігөн да шонді пуксигөн нин конюшняö найöс вайöдігөн. Но ме эг сöмын сы вöсна виччысь гожöм пуксьöмсö. Окота лои пöрнöй йöзкөд ылыс видзьяс вылö ветлыны, ассыым вын-эбöс муртавны гөрбушөн ытшкигөн.

— Кутшöм тэысь ытшкысь? Во-мöд, чайта, ковмас на нянь куд дінад ытшкыны!— дöзмöмөн öвтыштіс кинас колхозса бригадир.

— Гортын кольöм во нин мамökөд рад ытшкылі,— ылöдлі бригадирöс, көть боръясысь öтдор некытчö на косаöс эг тшукöдлы. «Велала»,— думайта.

— Гортад öд абу норма, а видлы мужикъяс бöрся кузь лунтыр шенасьны.

Но век жö мортыс көсьысис босьтны бригадаас:

— Он кө öд кут вермыны, Марья баблы пусьыны отсаян, либö зорöд кутан талавны...

Гортысь петан рытö дыр лöсьöді ноп. Наперво тетрадь лист вылö гижалі, мый сьöрысь босьтны. Пань ли кружка кө кольö — дас вит верст сайсяньыд он котöртлы.


Картоннöй көрöбкаö кыснанъяс тэчи. Чая ю сир-ёкышөн озыр, и ытшкөм бöрад, майбыр, көть войбыд кынась-вугрась.

Асывнас чукөрмим колхоз правление дінö морт кызь: и верстё мужикъяс, и олөмаджык нывбабаяс, и пöрысьяс.

«Тайöясысь öд ог жö янав!— думыштсис менам.— Ытшкысьяс, öбедöдз кө кыскасны и бур? Ме моз жö окотасö тешитöны».

Ми, том йöз да челядь, водзö петім, котөрөн сорөн, ворсігтырйи мунам, туй бокъясысь оз да чöд сёям. Но кузь, кадийсь да нюрзёбм туй вылад ме öдйö жуялі да регыд медбөръяяс лыдас лои, öдва кыся. Нопйöй сьökтаммис, гезйысь вöчөм көвьясыс быттьö пуртөн вундїсны пельпомъясöс. Шорөн киссис пöсь. Көтасьöмысла дөрөмöй сибдаліс яй бердö. Кымын вылөджык кайис шонді, сымын сьökыдджык лои восьлавны. Некор пöтлытöм лөдз-ном сатшйöдлісны ёсь ныръяснысö ньылöмсьыс да жарсьыс сотчысь сьыліö, чужөмö. Веськыд мат дай сöмын. Көть туй шöрас пуксьы да бөрд, а воддаяс век ылысмысны и ылысмысны.

«Кор нин бара помасяс тайö мустөм кузь туйыс?— жуис юрын



сөмын өти мөвп.— Окота тешита, номъяслы вердча, а ме кодыс
гожйөдчөны да купайтчөны».

Верст дас мунөм бөрын здук кезлө шойччыштны пуксылим.
Ме весиг йөв бутылка ректыны удити. И водзө, водзө кыссисны чук-
лялысь ордым вывти кузь вөнъ моз нюжөдчөм сьөкыд нопъяса йөз.

Коркө лун шөр бөрын нин петим коскөдз пырейон эжсьөм век-
ныдик бечевник вылө. Кузьчышъян моз чукльөдлис-мукльөдлис сьод
вөрөн да крут кыркөтшьясөн топөдөм Чаю ю.

— Но, ен ськөд,— воим жө кызкө-мыйкө,— ыджыда ышлов-
зис кутшөмкө пөч.

Ми, том йөз, өдйө мездысим мешөкьясысь, пөрчысим да буз-
баз уськөдчим юө. Ключ-көдзыд ва шымыртлис сьөлөм, сувтөдлис
лов шы. Шум-зыкысь падмылөм лэбачьяс дугдылисны дзользьөмысь,
тыдалө, ас ногыс шензьөны: «Кытысь усины тайө аслысьяма шума
котырысь?»

Ыркалөм бөрын топыда сөйсис. Кодсюрө узисны чөскыд дука
турун пиө нөрөвтчөмөн. Пөрысьджыкьясыд тай прөст здукө кужөны
вын-эбөссө чукөртыштны, муртса кө пуксывны удайтчас — ойбырт-
ласны нин.

«Мед узьөны,— радлышти,— оз-ө көть час-мөд шойччыштны сю-
рышт.— Но здук мысти өти-мөд лөпаткаөн мөдисны гольскыны.—
Шойчыссис тай, тыдалө? И кытчө тэрмасьөны, луныс өд оз на пож-
йө пыр?»

— А тэа-меа йөзсысь бөкө сувтлам,— чукөстис менө ас динас
бригадир.— Видзөдла, кутшөмджык тэ косарыс.

Ме копыртчышти да раз-мөд и удити өвтыштны гөрбушөн, кызд
сийө воропөдзыс сатшис вутш коласө. Одва и перйыныс верми.

— Э-э, ытшкылөмөн висьгасян, а абу на тай ки пырыд прөйдит-
лөма тайө уджыс,— көритыштит Михаил Петрович.— Со, видзөд...

Шаг-мөд оськовтөм бөрын сийө улөдз копыртчис, мөдис отарө-мө-
дарө швичкыны-өвтчыны, быттьө ворсис. Лэчыд коса улас туруныс
сувтсөн кольө.

— Вот тайө да-а!— быдсөн чуйми ме.

— Öни выльысь босьтчыв... Улөджык, улөджык копыртчы, эн
пов, оз чег коскыд... Коса йывтө пуыскөд өтвесьтын кут... Сидз.

Вынөс лэдзөмөн өвтышти. Лэчыд коса чивснитис турун йывьяс.
Өдөбсьыс гөгөрпөв бергөдчи. Төдлытөг мыни кыысь воропыс да косаө,
гашкө, кызь оськов сайө лэбовтис.

— Кутшөм вына!— довкйөдлис юрнас бригадир.— Тадзнад и

дойдны кодоскө верман... Воросө крепыда кут да ыджыд вын эн лэдз. Но, но, өні артмөджык нин. Вынтө, вынтө эн лэдз, ас сьөктанас нуас.

Час кымын мырсьөм бөрын быттьө мыйкө и артмыштны мөдіс, но Михаил Петровичлы ме вөсна унаыс ковмыліс дугдивны уджсьыс. Кужтөгьд менам то вутш юр нөбөдяс, то му кодзувкоткар бритыштчө, а лэчтасьны ог куж.

Копырөн уджалөмысь велавтөгьд юрөй висьмис, мудзөмысла сойяс эз кутны куснясьны, а коскөй сэтшөма юкаліс, быттьө сө килограмма мешөкъяс лунтыр кыскалі. Син водзын виж кругъяс гөвкъялөны, лолөй эз кут шедны, пиньөс мурч курччөмөн нин өвтча, а висьтавыны та йылысь ог лысьт.

— Кутшөм ляб морт,— вермас шуны, а лябнад кодлы окота лоны. Но Михаил Петрович ачыс казяліс менсьым жуяммөмс.

— Шойчыштам,— шуис сійө, да лажыньтчис вөр бердын куйлысь вуджөр вылө.

— А рытыс дыр на оз во?— юала.

— Мый тэ, час-мөд на и уджалам да?— нюмдіс бригадир.— Мудзин?

— Эг на эськө ёнасө да,— сосси ме.— Кадыс ньөжйө жө колө,— а ачым думайта: «Тырмас-ө эбөсөй рытөдзыс?»

— Гөгөрвоа... Менө тэ кодьөн жө бать видз вылө нуөдіс,— ас йывсьыс гарыштіс Михаил Петрович.— Рытнас өдва и гортө вои... Зэв зіль мортыс вөлі удж вылад. Ачыс оз мудз да и йөзыслысь эз веритлы. Эз радейтлы дышгъястө батьө, тодмышкалас вөлі.

Лөсьыд туплясьны гож сайын, лолоавны ныртө гильөдысь ныв пу сир, льөм, сэтөр да быд сикас дзоридзьяса турун дука сөстөм сынөдөн. Михаил Петрович лэчыда зудъяліс косаөс, ружөктыштөмөн чеччис да мөдөдчис вель покосөн. Но мем дыш вөлі вөрзөдчыны. «Ок эськө купайтчыштны кө өні Эжва берегын,— юрө воисны мөвпъяс.— И мыйла мем колө тан мырсьынысө?.. Тырмас. Лун-мөд, кытчөдз сөян оз быр, кыснася, а сөсся гортө. Гашкө, ноптыр чери на шедас... Ачым кыйи, ошйысьышта гортын... Мед ыджыдъяс ытшкөны колөкө, а ме ас окотаысь локті. Дышөдіс — бөр лэчча, некод кутны оз вермы, а туйсө, майбыр, гортланьыд аддза. Дас арсянь ытшкөмөн висьтасьө, а, гашкө, и унджык вөлі да оз помнит? Но и мед: менам со киясөй нин гаддялөмабсь... Коркө быдма да сэк өна мөда уджавны, а өні чери кыйны лэччыла... Оз кө гортө мөдөдны, лун-мөд мысти куртны да чөвтны ковмас. Куртнытө эськө и өдйө жө дыщөдө, но

абу татшом сьокыд, а зорөдтө талялігад кыд, майбыр, оз гаддьос-сьы...

Ме звирк чеччышти кок йылө, бөрвыв видзөдлытөг матыстчи ноп динө, перий кыснанъяс да керышти кузь вöсньыдик зиб. Кырьсө пуртөн вöлаліг казявлі, кызд Михаил Петрович раз-мөд видзөдліс меланьö, но немтор эз шу.

— Біджыд тай, менам өд каникул, чери кыя, көть купайтча, а окотита кө — уджала. Гожөмыс кузь на, гашкө, и куртны машина вылын Няшайн мөда... Косьмас да добра-а лоө,— любуйтчышти, кор кыснан зібйөн Чая ю берөгө лэччи.

Ни сир, ни ёкыш, мыйлакө, эз кутчысьны.

«Шонді лэччигас кыскасьышта, а öні позьö и шойччыштны,— мөвпала,— ёна жö жуямми!» Сёйышти. Войдөр вояс юр кыскалігөн кык-куимысь жö лунтырнад вöлі сёйыштам. Вот кутшөм вöлөн таво удайтчас юръяс кыскавны? Эк, Серко кө эз кув, эськө өдвакө кодкө сійөс и таво паныны вермис? — быдсөн шөгөдіс тайö мөвпсыс.

Зэртөм тулыс да кос гожөм ради колхозлөн чукөрмис зэв этша көрым, а локтан тулысыс ёна нюжаліс. Курасисны зорөд пыдөсьяс, ветлісны керкаысь керкаө, чукөртчисны кодлысь пуд, кодлысь кыкөс, вердчисны шырөм ньөрийөн, но век жö ускөттө суис. Тшыгысла сэк жö и Серкоёй юр дойөн висьмис да кулі... Сьөлөмөс кырыштіс дой.

«А быдөн кө ме моз дышөдчыны мөдасны, туруныс бара кузь төвбыд оз тырмы? — тайö мөвпыс юрө быттө нөшкөн кучкис, весиг синваёй кутіс доршасьны. — Вөзйыси, кевмыси, а кутшөм вöсньыд сьувйөй вöлөма, кык час эг и уджав, а лигышмуні... Көть мый, а мөда ытшкыны». Зумыда чеччышти кокъяс вылө, босьті косаөс да матыстчи Михаил Петрович динө.

— Мун горөд Марья тьөтөс да ужын пуёй,— ас ногыс гөгөрвоис бригадир.

— Ог, Михаил Петрович, ме мөда ытшкыны, мыйта верма. Мам тай шуө, пуд турун кө пö чукөрмө — и сійө водзө.

— Но, ачыл төдан,— нюмдіс бригадир,— велавтөгылд өд зэв сьөкыд да сійөн жö шуа-а.

Біркөдчыны, дерт, куимысь на сунгысьлі Чаяө, но шабашиті йөз-ыскөд жö, кор шондыс вөр сайö узьны гөгыльтчис.

— Мед көдзальыштас,— нурбылыті зэв пөсь шылд паныштөм бөрын, да ачым — эг төдлы, кызд унмовссьөма.

— Төрыт сідз эг и вермы садьмөдны,— жальпырысь шуис Ми-

хаил Петрович да тасьтiо пунктiс ыджыд яй тор.— Ёна сёй, мед вын-
ссыд он пет.

Кодюрö саравны ме вылын пондiсны, но бригадир пыр и öлöдiс:

— Коркö быдөн сы кодьыс вöлiнныд... Ме тай весиг муртса
вольпасьöдз вöли, а öни со мудзöмсö ог тöд, пыр этша кажитчö.

Сийö луныс, дерт, öдва жö коли, но топыда ужнайттöг эг нин
вод. Лун-мöд мысти чöвтан удж лои, и ытшким сöмын асья да рытья
лысва вылын. Удайтчылис и кыснасьны. Ноп тыр черитö, дерт, эг вай
гортö, но некымынысь пумöнтö лэччöдi. И видз вылын унаысь чös-
масьлим свежöй сир-ёкышön. Тöлысь быднад дзик чиган кодьöдз
гожъяли, вынöй содiс, кажитчö, весиг — быдмыштi. Медся долыд
вöли сыысь, мый йöзлы яндысьтöг верми висьтавыны:

— Гөрбушön ытшкыны велалi.

А тайö öд вöли менам медводдза коса туй. Олöмад коркö ставыс
овлö медводдзаысь. Сийö паметяд кольöджык.

УНМОВСЬТÖМ ÖШИНЬЯС

Володя Канев асывводзсянь ноксис аслас машина дiнын совхоз-
лөн отделениеса гаражын, весиг пажнайтнысö эз ветлы гортас.
Уджалис тэрмасьöмön, но быд пöрйö вылысь видлалiс крепи-
тöм детальяссö: оз-ö вөрны? Тыдалö, кöсйис, медым эськö машина-
ыс эз узьтöд кöнкö кузь вöлök вылын, а лючки журьялис быдсяма
туйяс вывтi. Но эз вöv долыд шофёрлөн сьөлöм вылас. Сийö тшöкыда
ышловзьялис, дугдывлис уджысь. Синъясыс сэки аддзытöма видзö-
дiсны ылö-ылö, мөвпön. Бура дыр тадз думыштчылöм бöрын Володя
зия босьтчылис гольскыны гайкаяс гартан ключön.

Эз вöv окота сёрнитны и Сергей Васькöд, кодi сэн жö орччön
мавтiс ассьыс машинасö.

Мöдыс эськö унаысь пуктылис кутшöмкö мог, мед пырны сёр-
ниö, но Володя воча кыв пыдди сöмын мыйкö нурбыльтас либö öв-
тыштас кинас.

«Да-а-а,— ыджыда ышловзис Володя,— эг чайтлы, мый татшöм
крута ставыс бергöдчас...»

...Каневлөн суседкаыс, Якё Марья, корис вайны заптылём пес. Эз вермы шофёр откажитны отка порысь нывбабалы, муніс удж бёрас контораас, кёсйис висьтасыны управляющойлы, но некодос эз су и мёдодчис юасьтөг: «Пенсионеркаыдлы отсыштёмсьыд оз мёдны видчыны,— такёдіс асьсё.— Уна вылө кык час ветла...» Но артмис эз мёвпыштём ногыс — локтігас машинаыс зурасис тыдавтём мырйё да жугалі. Ковмис сиктөдз тракторла котөртлыны.

Мёд луннас чукөртчыліс рабочком. Ёна видісны шофёрөс асны-ралөмысь, а ёнджыкась, дерт, машина жугөдөмысь.

— Дзоньталан машинатө да сдайтны ковмас. Вуджөда слесарё,— помаліс асьыс сёрнисё фермаса управляющой Вячеслав Петрович Огнев.— Ог эскы ме тэныд.

Сыкөд сөгласё воисны отделинеса механик Педьё Егор да рабочкомса членьяс. Шуисны вештивны Володяёс кум төлысь кежлө слесарё.

— Сідзи и лоас,— управляющой чеччис пызан сайысь, матыстчис Володя дінө да пунктис кисё сылы пельпом вылас.

— Мед лоас сідз! Сөмын машинатө, Канев ёрт, ас тшөт вылад ковмас дзоньтавны... Ас тшөт вылад... Кылан? Шыблөс деньга миян абу. А сэсса ставыс ас саяд: старайтчы, судзөд дөверие и бөр пуксьодам машина вылө...

Некымын лун да вой мёвпаліс лоөмтор йывсьыс Володя, лыддис асьсё мыжаён, но управляющойлөн кывьясыс парскисны сьёлөмас.

«Өні, синьяс улас кө веськалі, быд воськов кутас кыйөдны. Дөвери-и-йө, тьпу! А кызд на сійөс судзөдан? Абу өд сійө шапка»,— мөвпнас вензис управляющойкөд зон.

Веськыда кө шуны, зон эз на аддзыв олөмсё. Школа бөрас велөдчис шофёрө да со, төлысь и уджыштіс. «Дө-ве-ри-йө!.. Судзөда, быть судзөда, но ог сылысь, мукөдлысь, коді мортөс гөгөрвоны кужө,— Володя ки мышнас личкыштіс морөс зеп весьтсё.— Сьөрын... Гортө мунігөн сета».

Дум вылас уси, кызди төрыт вой шөрөдз гижис шыөдчөмсё: то чернилаыс перө помсьыс войтыштас, то гижигас бумагаыс розяссьө, то шыпас кытчөкө кольөма, то гижөдыс вывті скөрөн либө нөрөн кажитчас да курыда нюммуніс: «Кора мездыны удж вылысь, аслам көсйөм серти... Хм, лөсьыда артмө. Аслам көсйөм серти!.. Э-эк, сідзи кө эськө вөлі збыль вылас!»— топавліс Володялөн сьёлөмыс.

— Мыйкө тай дзикөдз нормин?— юалис кияссө чышкалігмоз Сергей Вась.

— А мыйысь мем радлынысө? Лёсьода вот машинаос, мед выль көзяиныс эз кут лёкөн казътывны, и кыськө мөд удж корсьла.

— Збыльысь шуан?!— бытьтө радлыштөмөн моз артмис Вась-лөн юалөмыс.— Сідзкө, ме өтнамөн кольла? Ок, сэки синтөм гуть-ясыыд спас оз ло: өти пес вайны чукөстас, мөд — турун, коймөдлы — кирпич, лыа либө сөй ковмас... Он жө өд вөрззы некытчө шоныд позйысь?

— Кодлы шоныд, а кодлы и...— Володя пуктис машиналөн мотор вылө ключсө.— Эг өти лун да вой мөвпав. Мөдлаын, чайта, лёк-джыкыс оз ло. Муна.

— Тэныд повны нинөмысь: правоыд — сьбөрад, вылысь улөджык он усь. Мун и эм, машинаыд важиндзи жө: өтилаті дзоньталан — мөдлаті жугалө, коймөдлаті — чегө. Ме кө тэ местаын, тайө тачка вылас өти лун эг уджав. Сэсся тэнад — челядь ни семья. А кодарлань нө эськө думсьыд сетчан?

— Машина кө оз сюр — стрөбитчаниө...

— О-о, денгәтө, вокө, содз тырнад кутан кульны!

— Ог кузь рубьяс бөрся вөтлысь!— дөзмыштіс Володя.— Уджалөмыс эз артмы тәні...

— Гөгөрвоа... Огнев синъяс улө кө веськалін — бурөн он мын. Но эн маитчы. Юрыд кө, шуөны, эм — сийөсыд пыр сюрас... А овнытө, вокө, веськыда шуа, абу на велалөмыд: быд няргөм оз ков пыдди пуктыны... Уна-ө Марьяыд сетис? Вит шайт! А воштін?.. Вот и артышт, бур туйөд верст сайө гуркнитлөмысь — вит шайт, и кызь вит верст кадйөсь вөр туйті шердйысьсөмысь — вит шайт жө...

— Тэ ногөн, пөчыслысь кучиксө колі кульны? Ог на тшыгъяв, мед быд жель бергөдөмысь сьбөм пычкыны. Эг босът денгәсө.

— Йөй! Мирыдлысь, шуөны, сунисөн, а тэд дөрөм тыр.

— Эг на велавлы сәтшөм пөслөвичаяс кузяыс овнысө, том на буди?— Володя мудера читкыртліс синъяссө.

— Вот, вот, велөдчыны колө том мортлы. Пөслөвичаястө, вокө, юра йөз думыштлөмны... Мед лоө миян костын,— Вась лөнбөдыштіс гөлөссө,— мирыдлы честяд некор он во, а сибдас кө кытчөкө бөжыд, көть виньгырт — оз отсавны, а тэ вылын жө вашъявны мөдасны.

Сергей Васьос фермаын лыддылісны бур уджалысьсөн: мортые оз ышмы винаөн, позьтөмторйысь киөдыс эз кутлыны, кужө йөз-

көд, начальствокөд сёрнитны, а мыйкө кө оз кажитчы — щөтитчө чин вылө видзөдтөг, и пырджык сы ног лоө. «Принципиальной», — шуасны. Почётной грамотаяснас көть стенъяссө кышас. Деньгайдлысь серсө төдө — сідз-тадз оз шыблась. Кодсюрө, дерт, дивитоны: горшджык пө. Жмитун кодь. Но унджыкыс шуисны эськө: «Топы-да олысь морт, быдтор артыштысь».

Володя өдторчыштіс Васькаысь, но эз кулитлыв сійөс йөз водзын ни отарө, ни мөдарө: «Кызди кужө, сідз мед и оло» — шулывліс аслыс, но өні биөн моз сотыштісны Васьлөн кывъясыс.

— А ме мөдарө думайта. Не бур йөзыс кө, тшыг пөраө, гашкө, Көдзаягө нуисны. Мыджлісны сьөкыд кадө и, мыйөн верма, водзөс мынта. Дон босьттөг, кылан, дон босьттөг!

— Но, но, но, но!.. — повзёмөн мөдіс бөрыньтчыны Сергей Вась.— Тэнад делө сійө, тэнад делө... Кызд кужан,— джын гөлөсөн броткигтырйи варгыльтіс аслас машина дінас.

Недыр мысти гаражө пырис управляющөй.

Володя тэрмасьмөн чышкаліс сьодасьөм кияссө, перйис шыөдчөмсө да чургөдіс управляющөйлы.

— Пышъян? Мыжмин и пышъян? — здук кежлө бумага вылө синъяссө чөвтлөм бөрын коса юаліс Огнев.— Колөма жө эськө кылыштыны нель лунъя простойсыс да! — сэсся өвтыштіс кинас, сюйис нель пельө куснялөм тетрадь листсө морөс зептас да, няйтөссьөминъясө гөгөртышталігтырйи, матыстчис Вась дінө.

— Кызд делөясыд, Василей Сергеевич, мырсян?

— Старайтча, Вячеслав Петрович. Тормозной колодкаяс веж-лалі, мавтчи. Во джын видзөдлытөг позьө журъявны.

— Тэ молодец, тшөктөм-индөм он виччысь, ставсө ачyd ад-дзан, артыштан,— Огнев видзөдліс часі вылас.— Вит час нин со...

— Пөра, тай, гортө,— окотапырысь варовитіс Васька.— Эг и төдлы, кызди луныс коли.

— Уджалігад кольө кадыд... Мог суис, Василей Сергеевич... Аски лөсьөдчы водзджык, соляркала журкнитлан Центральной усадьбаөдз.

«Куим час бөрө-водзө, а удждон — лунтыръя. Выходной кузя, гашкө, и унджык на гижасны,— ас кежас артыштіс шофёр, но эз тэрмась воча кыв сетны: Вась войдөр думыштас гөгөрбок да вөлісь кывтө шуас, а шуас кө — вундас:— Делөыс ме сайын, машина — өти. Ог кө мун — водзө вылө лыддысьныджык мөдасны».

— Аски? Вы-ход-нө-яс?! — быттө садьмис Васька.

— Комсомолечьяс кык тракторён куйёд модасны разодны, а горючой абу.

— Колё... Ой, ой! Коскё кызди лыйыштис. Лунтыр лыйлө. Висьём, тыдалө, көсйө топодны. Ог вермы, Вячеслав Петрович, висьодча.

— Мудеритан жё эськё да?— падъяломён моз юалис управляющой.

— Көть аски жё справка... сёмокасты, но оз уджав больничасы... Көть уджалысь мортдылы кув. Понедельникё инө, ог кө быттьо бурд,— гыжйыштис балябөжсё Васька.

— Оз справка ков, а горючой.

— Механиктё ыстыв, а мукөдлы машина ог дөверит.

— Командировкао удитис мунны,— шогё уси управляющой.

— Висигтыр ме некытчо ог вөрззы.

— Мудеритан, Василей, мудеритан,— Огнев первойысь шыасис Васька динө сийөс вичавтөг.— Синьяс сертиыд аддза... Надейтчи ме тэ вылө, йозлы пример вылө сувтөдлі, а тэ отчюд пикё воомысь он көсйи мездыны.

— Он жё бара тиянлы честяд волы! Быд пон кок чеганино ме кола!

Володя эз аддзыв управляющойлысь чужөмсө, но кыліс, кызди сийө мазутось гураньяса джоджөд веськыда шлапиктис өдзөслань, кокьясас быттьо пуд джынъя гираяс өшалисны...

Коркө вой шөр гөгөр нин Володя пөдлалис мотор вывсьыс капотсө, пуксис кабинаас да личкыштис стартёр вылө. Мотор раз-мөд несйыштис, гуркмуні да шумтөг мөдіс уджавны.

— Но, ставыс лючки,— чышкыштис соснас пөсялөм чужөмсө зон.

«Код төдас, кутшөм киё на веськалан?— Володя ёртыскөд моз сёрнитліс машинаыскөд.— Ме эськө тэнө дыр на уджөді... Но ерөмакань, ог-ө нин вежөгты?— өдийө петис кабинасыс, крапнитис өдзөссө.— Но, другө, өні сэсса пыр кежлө нин янсөдчам. Кор сэсса удайтчылас пуксывны руль сайө, небыд пуклөс вылө?»

Медым дзикөдз эз нормы сьөлөмыс, котөрөн петис гаражысь.

Лөня узис сикт. Контора динті мунігөн Володя аддзис управляющойлөн жырьсыс биа өшиньсө.

«Пыр на пукалө? Кор и узьнысө удитлө?— но лөглуныс, пыр жө пөдтіс тайө жалитана мөвпьяссө.— Мед пукыштас, гашкө, на-

радъяс гижö, вöв-додъясöн кöсйö вайöдны соляркасö». Володя весиг чиктыліс тайö мөвпсыс.

Сикт шөрö воигөн сылы воча мигнитисны Огневлөн керкаысь унмовсьтöм на öшиньясыс. Öти пыр ывла пемыдас видзöдис стеклö бердö ляскысьöм ичöтик чужöм.

«Ичöтик пиыс оз на узь. Виччысьö, кöнкö, батьсö,— Володялысь сёлöмсö öтшöтш песовтлісны и мелілун, и жалитöм. Радейтіс сійö ичöt челядьöс. А Огневыс эськö мыйöн мыжа, шофёр кö ыръянитö? Ми ас вöсна сöмын думайтам и то пöраясөн сьöкыд овывлö, а сы вылын быдса отделение кутчысьö,— визьнитіс Володялөн юрын мөвп.— Отсалісны сьöкыд кадö... Мыйöн верма, век водзöс мынта... Дон босьттöг,— воис вежöрас Васылы шулöм кывъяс.— Ошйысьöм лоис сöмын, а збыль вылас... Батьö кулöм бöрын, позö шуны, мирнас отсалісны, совхоз велöдис, мортөн вöчис, а ме?.. Кутшöм векныда, вөлöм, вежöртсьö олöмсö... Йöз пикö воöмаöсь, корсьöны петан туй, а ме кöсья уськөдчыны небыд вольпась вылö, сайöдчыны шоньд эшкынöн. Артмö, Вась моз жö радла лёктор вылас»,— Володялы шуштöм лои тайö мөвпгъясыс, весиг йирмөг босьтліс, зывökөн ачыс аслыс кутліс кажитчыны.

Володя крута бергöдчис да ыджыд воськовъясөн мөдис шавксьöдны контораланьыс.

Управляющöй пукаліс аслас пызан сайын юрсö ки пыдöсьяснас топöдöмөн да чорыда думайтіс. Öдзöс шы кылöм бöрын дрөгнитіс да лэптис гөрдöдыштöм синъяссö.

— Ме вая соляркатö, Вячеслав Петрович,— негораа, но кывмөн шуис зон.

Огнев чеччыліс улöс вывсыс, бөр пуксис да перйис пызан йöрсыс путевöй лист. Сэсся, быттьö, кватитчис да юаліс:

— А машинаыд нö?.. Босьтлан Кызродевлысь?

— Ог. Асөн. Дась сійö... Бöчкаясөн вая...

Управляющöйлөн гижигас сырмыштіс кыис.

Путёвка сеттöдз Огнев видзöдліс зонлөн чужöм вылö. Володя сулаліс зумыша, но синъясас тöдчис — кöсйö мыйкö юавны. Огнев мыччис Володялы путёвкасö. Кызöктіс, перйис пызан йöрсьыс том шофёрлысь шыöдчöмсö.

— Этійö бумагаяснад... Эн дур, зонмö. Ышö-пашöнад олöмад лад оз босьт. Ставсö колö артыштны. Нэмнад, пиö, уна шыбöльö верман веськавлыны. Овлö сэтшöмыс, но колö сяммыны и петны сэтысь...

Володя босьтис шыёдчёмсö, скойс зептас.

Унмовсьом сикт кузя мунисны кык морт. Öтиыс, бөрьяыс — кузьджык тушаа, кокныд вöраса, мöдыс, водзаяс — латшкöс-джык. Сийö восьлалис съöкыдпырысь нин, чотыштис. Но кыкнанныслөн тöдчис збодерлун, быттö эштöдöмаöсь кутшöмкö помасьлытöм удж. Ылынкодь, водзын налы югнитисны унмовсьтöм öшиньяс. Тöв-ся ывла вылыс быттö таысь шоналыштис, кöдзыд сынöдыс небзьыштис.

ГИТАРА

Пöльяслөн пöльяссянь на миянöдз воис роч тöв коллялан праздник. Мичаа вöччöм йöз жуöны сикт кузя. Сьылöны, йöктöны, гажöдчöны, нимкодьясьöны ловзьысь ывла вывнас. А кызди жö: öд лои вуджöма кöдзыд тöв. Воис тулыс. Он и тöдлы, локтас сырчик да кузь бöжнас шлопнитас-чегас Эжва вылысь йи.

«Цоп, цоп, цоп», — сөникасьöм лым резигтырйи тöвзьöны дорöм кокъяса чож вöвьяс. Уна рöма лентаясөн мичаа вöччöдöм мегырьяс вылын эзысь шыөн зильгöны кöлököльчикьяс. Сиктса медбур мастерьяслөн киподтуйыс — кöшöвки додьясын исласьöны медтом войтыр — мам-батьяслөн шудыс да радлуныс, лелькуйтанторьясыс. Челядь! Найö гигзьöны, сьылöны вөр-ва йылысь, руч-кöчлөн олөм-вылөм йылысь гажа сьыланкывьяс, а мөвпьяснас вотöны нин дзоридзьас да кыöны аслыныс, ичöтджык чой-вокныслы юркытшьяс.

— Э-эй! Видзчысьöй! Кежöй! Сетöй тулыслы туй! — горзисны шöвк тугьяса вөньөн йиасöм, зуалөм кудель тошка ямщикьяс.

Кызди шоныд зэр бöрын тшак, öти лунөн быдмисны-сувтисны сиктса улича бокьясö сёян-юанөн, кöм-паськөмөн вузасян киоскьяс да лэбувьяс. Найöс восьтöма-лöсьöдöма буретш войтырлөн шойччан-гажöдчан местаясö. Öти киоскысь ньöбасьыштöм бöрын быть тшукан мöдö. Бара колö лэптивны паськөмыдлысь шуйга пöласö. Унасö он и ньöбась, но челядьныслы кампеттöг, кöлачьястöг оз и воськовтчы водзö некодлөн. Оз падмöд тьöt-дядьясöс и кузькодь öчередьяс, гöснеч вöсна лöб и сулыштны.

Бандзибьяснысö кумач-гöрд краскаоñ мавтöм нывьяс чышья-

насьомаось пѳчыя ногѳн. Найѳ чѳсмѳдлѳны шойччысь войтырѳс пѳсь блин-шаньгаѳн, юкталѳны паськыда нималана тульскѳй самѳварьясын кыз пу шомѳн пузьѳдѳм чайѳн.

То ѳтилаын, то мѳдлаын чукѳртчалѳны сывны-йѳктыны радейтосьяс. Сѳні и тані нязгѳны кромка гудѳкьяс, бриньгѳны балалайкаяс. Быдѳн мыйѳнкѳ кѳйѳ петкѳдлыны асьыс сямсѳ, кутны позьтѳм удаллунсѳ.

Геня, сиктса кузнечлѳн дас куим арѳса зонка, сѳні жѳ, йѳз пиас бергаліс. Но сійѳс эз ышѳдны ни журьялысь вѳлаяс, ни пѳсь блиншаньгаяс, кѳть пѳжасьяслѳн важѳнкодъ нин кывлытѳм кѳрсьыс петіс дульваыс. Геня эз ышты ни гаж вылѳ, ни чѳсмасянторьяс вылѳ. Сійѳ, кутшѳмкѳ пыдї надеяѳн и полѳмѳн тшѳтш, видзѳдлывліс квайт сыв судта йизьѳдѳм сюрья йылѳ, кѳні ѳшаліс (та йылысь водзджык нин юѳртлісны репродукторьяс) гитара. Геня бура ворсіс школьнѳй гитараѳн, асьыс сямсѳ петкѳдлывліс весиг мам-батлы сиѳм школаса концертьяс вылын. А вот аслас абу. Но со тай, ѳшѳдѳмаось. И лѳѳ шуда морт, кодї судзѳдас сійѳс. Кодлыкѳ. Кысь нин татшѳм шудыс Генялы? А делѳыс эськѳ абу и шудын. Вын-ѳбѳс са-йын гитараыс.

Геня кольѳм восянь нин кыкысь-куимысь панліс сѳрни мамыскѳд, медым сійѳ нѳбас гитара. Но тайѳ сѳрниясыс водзѳ вылѳ кѳс-йысьѳмѳн и кольлісны. Анна чойыслы нѳбисны сапѳг, Вераыс лѳсьѳдчѳ пырны школаѳ. Мыйсюрѳ нѳбисны нин, но этша на тай, кѳм и паськѳм пѳ на ковмас. Сідзкѳ, сѳмын сылы, мамыслѳн медся ичѳт нылыслы, Генялѳн чойлы, мамыслѳн тѳлысья удждоныс оз тырмы. И чайтѳ он ю сакартѳг. Гѳгѳрвоѳ Геня и лишалѳмсѳ, и тырмытѳмлунсѳ. Сідз со ѳнѳдз на нѳѳтѳм и лѳи Генялы гитараыс. Мун да и дзайгысь. Кузь-ѳ шебрасыс, сідзи и лѳѳ ветттысьсны.

Генякѳд ѳти класса велѳдчысь, но ыджыдджык арлыда, зумыдджык, беринѳсь чужѳма Вася джѳм сувтѳдіс зонкаѳс.

— Аддза — Геня ветлѳдчѳ. Некодѳс оз аддзы. Зумыш. Мѳвпас вѳйѳма... Мый нѳ сюрья йылас кыйкьялан? Гитара ковмис? Вельшѳрѳ, зон! Ме водзджык нин гижси. Мун ветлы жѳ, гижалѳны на. Ичѳт чойыдлы, гашкѳ, акань судзѳдан. Нимкодъ сылы лѳѳ, вок пѳ вайис. Шуда кѳ, дерт... А збыль вылас шудыд, другѳ, со кѳні,— Вася кабыртліс чуньяссѳ, гоз-мѳдысь кусынтліс сойяссѳ,— аддзылїн!

Зонлѳн вѳсньыдик пинжак улас гѳрбасьлісны зумыд мускульясыс.

— Со көні шудыс! Турник вылын тэ дас витысь кыпөдчылан, а ме верма и кызысь, көсья кө. Гитараыс, сідзкө, менам. Верма и козынавны, тэнад лоө. Бөрас сёрнитчам — вежам батыдлөн ружье вылө. Тэд сійөн вөрын ветлыны водз на, а меным — буретш.

Генялөн гудыртчис сьөлөмыс. Батыс кулөм бөрын сылы, гашкө, өтитор и коли вөралысь-фронтөвиксянь казытыланторйыс — пищаль, а Вася со сійөс быдса во нин дзурө. Весиг мамыскөд волісны. Ньобны! Оз вөлі ёнасө и донъясьны бур ружье вылад, но Генялөн мамыс эз вузав. Аслам пө мужик рөд быдмө, коркө, гашкө, и баты ордым кузяыс прөйдитчылас. Сійөн ньобасьөм-вузасьөмыс и пома-сис. Но Вася со абу на воштөма надеясө. Лыйтөм сьөласө со куштө... А лыас өд!

Геня нэрдзык Васяысь. Эз на пановтлыв сійөс ни турник вылын, ни лыжиөн котралөмын. Турник дорө физкультура урок вылын матыстчас медводдзаөн. Кыпөдчылас дас витысь — чеччыштас. «Суөдөй», — шуас. Неважөн Геня суөдіс Васяөс. Медбөръя вынъяс-сьыс... Но Вася, шойчөма нин, матыстчыліс мөдысь да кыпөдчыліс дас квайтысь. Геня дорті мунігөн сөмын шпыньмунліс. Учитель, дерт, ошкис Васяөс. Вына пө зонмыс. Тшөктө босьтны пример.

Лыжиөн котралігөн Геня тэрыб. Пыр водзын. Вася оз жө кольччы, сы бөрын мунө. Тэрмөдлө на, но оз орды. Геня мудзыштас, а Вася тайөс и кыйөдө — туй помас сө метр ылнаын ордыөдас. Воө медводдзаөн. Сідзкө, чемпион!

Некор паныны вермытөм зонкөд паныдасьөмыс, сьлөн ошйы-сьөмыс, меддонатор йывсьыс казытыштөмыс жугыльмөдыштіс Геняөс. Сійө торйөдчис Васяысь. Ветлөдлігас паныдасьліс на и ёртъясыскөд. Найө нуөдчисны видзөдлыны гира лэпталысьясөс, корисны чөсмасьыштны блин-шаньгаөн, но зонлы эз вөв сэтчөдз. Сійө сөмын өвтыштліс кияснас. Пөт пө ме...

...Репродукторъясын ори музыка. Мыйкө клотшмуні, сьаргыштіс.

— Оні, ёртъяс, аддзыланнды медпельк йөзөс. Йизьөдөм сюръя дорын тіяны петкөдласны вын-эбөс да пельклун... Медводдзаыслы усьө медся ыджыд приз — гитара. Мукөдыслы — гын сапөг гоз, аканьяс, чачаяс... Тэрмасьөй вольөм сюръя дінө. Ышөдөй ёртъяс-нытө!

Бара кутіс юргыны музыка. Ворсөм-гажөдчөмъяс эз торксьыны, но ундзык йөзыс чукөртчисны йизьөдөм сюръя гөгөр.

Серам да шутылялём шы улын куим-нэль морт яналёмён петисны кытшысь.

Со ошйысьёмён моз сюръя дінө матыстчис Вася. Йёзлы вынсё петкөдлём могысь нэль-ө-витысь пуксьөдчыліс кок пөвъяс вылас, некымынысь чеччыштліс вылө-вылө, ворсыштіс зумыд мускулъяснас да, пинжаксө пөрччөм бёрын, сывъяліс сюръясө.

Воддзаяскөд некыз эз позь откодявны тайё зонкасө. Быд зыбнитчөмын-сывйыштчөмын Вася пыр лоліс вылынджык и вылынджк. Кык, нэль, квайт, дас метр...

Йёз дугдісны шмонитны. Кылісны нин велөдөмъяс, ышөдана горөдлөмъяс: «Видзышт вынъястө! Эн тэрмась!.. Зэвтчыв! Матын нин! Молодеч! Зіль, зіль!..»

Некод эз көсйы падмөдны зонмөс. Быдөн, думсьыс, виччысисны сійөс восьса сывйөн, гитараён. Шуда морт, призыскөд и шливкмунас эськө йөзлөн кияс вылө. Кутасны ошкыны вына зонмөс, качайтны сійөс... Со пө том йөзыс. Оз янөдны бать-мамнысө. Сюсьөсь, вынаөсь...

А Вася пыр вывлань каттысьө, дзик нин йылас. Оз тэрмась. Шойччыштіс. Бара пескылясьө-зыбайтчө, пыр вылөджык и вылөджык. Төдчө, эм на выныс. Со сійө видзөдліс вывлань, ещө отчыв сывйыштчис да нюжөдіс кисө...

Быттё мыні зэвтөм пружина. Пуксьылём чөв-лөньсө поткөдісны ыджыда ышловзёмъяс.

Вильсмуні, исковтис сюръя кузя Вася да некод вылө видзөдлытөг усйысис йөз чукөрысь. А гитара сідзи и колис бовъявны сюръя йылө.

— Вывті жө и вылын,— зонмөс жалитігмоз гыжйыштіс баябөжсө өти мужичөй.— Татшөм пельк зон кө эз судзөд — сэсся некодлы... Бөрийөмаөсь тай сюръясө...

Но нинөм вылө видзөдтөг, өчередьлөн бөжыс эз чин, а кажитчө, нюжаліс. Гижсисны выльяс и выльяс. Унджыксө, дерт, кыкис удаллуныс, кодъясөс кө — мед сөмын ышөдыштны пельк йөзөс, петкөдлыны войтырыслысь серам. Сэтшөмъясыс зэв тэрыба кутласны каттысьсны вывлань, но оз на отвесьтась кокныс видзөдысьяс юр весьтөдз, бөр нин шливкнитасны му вылө. А гитара өшалө, бовъялө төв йылын, виччысьө медся пельк мортөс.

— Геннадий Канев! — чукөстіс судья.

Геня чур-чермунлі, но эз вөрззы места вывсьыс. Тадзсө, тыр нимнас сійөс эз на и шулы некод. Кодөскө, буди, мөдөс корөны?..

— Абу тані? Сі-ідз... Водзё... — судья видзёдліс тетрадяс.

— Эм, — ёдва кывмён шыясис Геня. — Менё кө быттьё...

— Мый нё, либё, чёв олан? Тэнё, тэнё!.. Эн пов, збойджыка!..

Сьёкыда шедіс Генялы вылнаыс. Сюръя джынъяс на сылён дзикёдз дубаліс сойыс. Тайкё усяс. Апыштлас сынёдсё. Сывышт-час ётчыд, мёдысь, коймёдысь. Бара лигышмунё. Весиг кольмис юрыс.

Ньёжйё, зэв ньёжйё мунё кадыс. Помтём джуджыдён кутіс кажитчыны сюръяыс.

«Эновтчыны эськё думыштёмторсьыс, — мёвпыштіс Геня. — Ог эськё ёна янав и Вася водзын. Чуткынысё немторйён. Эз жё судзёд гитарасё... Оз на тай ставыс артмы, мый көсьян. Зіля со ме физ-культура урокъяс вылын. Котрала-чеччала тшёпгьяс моз, унаысь на пелькджыка. Переменяяс дырйи ог вешйыв турник дорысь, а тёлкыс?.. Васяёс он на тай пановт ёти көсьёмнад. Классын абу бёрын, но абу и водзын. Сідз, шёрвыя морт... Со ёні быри жё вынёй, а Вася вылнаёдз кыпёдчывны — ой, ой, мыйта на колё!.. Бурджык нин, корсьны ёртъясёс да чёсмасьыштны ётилаын блин-шаньгаён, кампетён юны пёсь чай. Эг ёд сирассы тайё сюръяас... Некодлы пё тай та вылнасыс нинём не судзёдлыны, сёрнитёны йёзыс.

Генялы сэтшём окота лои муртса личёдны сойяссё, исковтны увлань. Но сэки дум вылас уси радейтана ворсанторйыс, коді ёшаліс сюръя йылын. Зонка быттьё повзис усьёмысь. Сойясыс да кокъясыс ёнджыка топёдчисны кыз сюръя бердас. Зон тшётш и бандзибнас сибёдчис сюръяё. Оз кыв весиг йиыслысь кёдзыдсё. Пыдісянь лолыштіс ётчыд, мёдысь. Лигышмём сойясас ылькнитіс пёсь вир. Сөнъясыс пёлтычыштісны. Кыськё бара воис вын.

Геня кыйкнитліс вывлань. Гитараёдз ылын на... Зыбнитчис. Мёдысь. Коймёдысь. Этшаникаён. Ки-кокъясыс кывзысьёны на. Выныс эмышт, содіс и көсьёмыс.

«Шудыд, другё, мускулъясын!» — визьнитіс зонкалён юрас Васялён ёнтайя ошйысян кывъясыс. Геня курччис парьяссё:

«Вына тэ, Вася, кыв шутёг вына, но ме водзсасышта на тэ-кёд, — аслыс шуис Геня, кунис синъяссё да бара кутіс каттысьсны пыр вывлань и вывлань. Сійё ставсё вунёдіс — и гитара йылысь, и празник йылысь, и блин-шаньга йылысь — песіс асьыс мускуль-яссё, ловсё. Ачыс асыскёд венласис. Вунёдны, вуджны көсьис му-дзёмсё. Кыдзи коркё... Ёд буретш татшём көсьёмён сійё суодіс Васяёс турник вылын. Син доръясас сэки кутісны жё гёвкъявны

виж кытшгъяс, дас куимысь кыпӧдчылӧм бӧрын на. Лыбӧдчыліс ещӧ кыкысь, да мед нин лыддясны, ещӧ — джывыйӧ. Учитель сэки ошкис Геняӧс, но Вася эз сетчы. Кыпӧдчыліс шойчыштӧм бӧрас дас квайтись да бара петіс водзӧ. Мун да суӧд верстыӧджыкъястӧ...

Каттысьӧ Геня вывлань. «Кор и воас тайӧ мустӧм сюръя йылыс?» — мӧвпаліс зонка. Сылӧн косымисны паръясыс, вом пытшкӧсыс. Этша сынӧдыс. Юрыс дугдіс кольмыны — а сӧмын жувтӧ. Кикокъясыс, кажитчӧ, асьныс уджалӧны. Дубалӧмаӧсь жӧ. Оз нин ёнтыны. Геня заводитіс кайны шойччытӧг, но кутшӧм ньӧжйӧ. Весът джудждасӧ зыбнитӧ, гашкӧ, нельсысь.

Друг зонлы пельпомас кодкӧ быттӧ небыдика кучкис. Восьтіс сингьяссӧ — орччӧн бовъялӧ гитара. Судзӧдчы да босът...

Тайӧ пальӧдіс зонкаӧс. Дубалӧм сойясас бара ылькнитіс пӧсвир, но сыкӧд тшӧтш кутіс кывны и став мудзяс. Тасасис горшыс.

Геня видзӧдліс увлань. Йӧз чукӧрлысь сійӧ эз кыв горзӧмъяс. Аддзис сӧмын налысь кияснаныс ышӧдана ӧвтчӧмсӧ.

«Водз на, водз! — йӧзлысь ӧвтчӧмсӧ гӧгӧрвоис Геня. Сійӧ ньӧжйӧ кыпӧдіс юрсӧ: гитара воропӧдз судзӧдчымӧн на... Вася, тыдалӧ, тэрмасыштіс. Сійӧн и ворссис... Но кытысь ӧні чукӧртны вынъяс?»

Тадзи коли здук. Быттӧ веськалыштіс лов шы. Геня зыбнитчис, но вылӧджык пыдди лои весиг улынджык — вильдыштіс. Шашаритчис кияснас и кокъяснас. Бара ёна кутіс пессыны сьӧлӧмыс.

«Орӧм гезтӧ дженьдӧдтӧг он на йит», — дум вылас воис бабсяныс на кывлӧм шусьӧг. Генялӧн вазисны сингьясыс. «А сэтшӧм кӧ ме вынтӧм да ляб, сідзкӧ, мыйла и вийсынысӧ? — ас вылас нин скӧрмис Геня. — Выныс, сідзкӧ, рок пӧрт пыдӧсын на? — ас вылас скӧраліс зонка. Но сюръясӧ сійӧ сывйыштӧма крепыда, оз лэдзчысь. — А Вася, дерт, ӧні кыйӧдчӧ... Тешитчӧ. Ӧд ог кӧ судзӧд гитарасӧ, сы водзын ме сідзи и коля слабджыкӧн...»

Кыз мырдӧн быттӧ тшӧктӧмӧн, Геня бара кутіс каттысьны вывлань. Ньӧжйӧ. Вывті ньӧжйӧ. Оз видзӧд гитара вылӧ, а сьӧлӧмнас кылӧ сійӧс. Кайӧ пыр водзӧ и водзӧ.

Генялӧн дзикӧдз быри выныс. Эбӧссӧ чукӧртны некысь нин:

«Мый лоанаыс — лоӧ! — Зонка ещӧ зыбнитчис да восьтіс сингьяссӧ. Гитаралӧн вӧсньыдик воропыс — дзик орччӧн. — Ӧні ме нам нин, судзӧда, киӧс нюжӧда и — судзӧда. Сідзкӧ, бара суӧді вынӧн Васяӧс! А гитараыс? Тані тай и воссис став кӧсиймӧй. Сійӧ и ӧзтіс менӧ, чукӧртіс вынъясӧс...»

Көдзыдысла турдөм ки пөвнас Геня шашаритчис гитара вo-ропö.

Брунмуні ори ён шөрт. Геня исковтис йөз кияс вылө. Тубраснас и петкөдісны сійөс кытшысь, Найө жө разисны көртөдьяссө...

— Сизим струнаа гитара!— радысла гораа шусис зонкалөн.—
Өні ворсыштам!

— Ворсышт, ворсышт!— өтпырйө корисны уна гөлөсьяс.

Геня эз дыр көсйысь. Бур пөт гажөдіс йөзөс. Сэсся гитаралөн мыла шыыс кыліс нин көшөвка додь вывсянь. Геня ворсіс сьөлөм бурмытөдзыс.

Эзысь гөлөсьяса уна көлөкөльчикьяскөд рытивбыд варовитис гитара, гажөдіс сиктса медтом войтырөс — челядьбс.

ОПОНЬ ДЕДЛӨН БЫДТАС ЪЯС

Вурдысь Паш

Арся ыджыд празник, Великой Октябрь медся дыр — быдса вежон — пасйоны челядь. Веня другкөд лэччылім школаө да ветлім демонстрация вылө. Сійө нуис флаг, а ме — вождыльсь портрет. Нитш-чөв сулалім стройын, кор сёрнитісны трибуна выв-сянь видз-му овмөс вөдитысьяс, учителясь, мукөд войтыр. И ставыс, артмө сёрниас, чукөстчөны миян дінө: корөны, медым ми, челядь, төдім няньлысь дон, бура велөдчим, лоим олөма нин йөзөс бур вежысьясөн.

Көть школаын учителясь быд лун дольöны, медым ми эг ды-шөдчөй, велөдчим бура, но демонстрация вылын унджык вельтор-сө висьталісны. Кывзам, кызди корөны миянөс, мед эськө лым улө эз усь ни өти шеп, ни өти ытшкытөм бор да вөрса видз, да кутшөм-кө нин и кыв кутөм кылам. Со ошкөны миянөс, бара жө челядьбс, гожөмын колхозлы зіля отсасьөмысь. А любөыс таысь, мый ми — мамъяслөн татшөм авья челядь. Көть ошкөны нимьясь казтышт-төг, өтметкаясь артышттөг, но пельпомьясь сайын быттьө бордьясь быдмөны. Аддзи, кызд Веня кыпөдыштіс кумач флагсө, кор ош-кыштісны миянлысь школанымөс. Сэки и ме лэптыштлі жө порт-

рет. Кута киос. Быттьо военной стройын сулала — чургөдышти водзлань морбос. Физкультура урок вылын «смирнотө» гордлывлө учительницаным да, небось, гөгөрвоам, кызд асьнымос колө кутны стройын, кор мунө кыв кутана сёрни.

Демонстрация вылысь лэччим школаөдз сьылөмөн, идралім флагъяс, лозунгъяс, портретъяс.

— Быдса вежон верманныд шойччыны! — ыджыд козин моз вөзйис миянлы велөдысьным, Екатерина Дмитриевна. — Бура и шойччөй, эн жө вунөдөй и лыддысьыштны, примеръяс да задача-яс вылө пуксьывны...

Помасисны бурсиөмъясыс и школаын.

— А өни — сельпо магазинө няньла котөртлам да талун жө вөрө утөвтам! — школа диньсь кайигөн өвтыштіс кинас Веня. — Дед пывсянын узям, а аски — Чая кузя подөн лэччам. Сьолаяс кыям.

Ноп тыр нянь лавкаысь ылі грездасаясыдлы сетисны.

Гортө локтім лун шөр бөрын, но эг кутөй нюжмасыны: көрыш нянь, шьдөс, выйтор, пөрт да пань и — туйынөсь нин.

Кок шегйөдз лым да Опонь дедрөн пывсянөдзыс югыдөн на и воим. Ме кыйи өти сьола, а Опонь дедрөн, бур вөралысьыдлөн внуюкыс, Веня — весиг кыкөс.

Ломтім пөрысь вөралысьылысь пывсянсө — вөр керкаысь изья гор. Кор өти пач тырыс ваймис, лөдсалім горсө да өшөдім сы водзө бипурөн ёна кодь нин сьөдөдөм кык литр төрмөна пөрт. Ваыс пузис да шөна сэтчө кык содз кисьтім. Проса рокыд мөс выйнад — ок и чөскыд, а сьолаыд — гортын ошйысянтор.

— А мый эськө өни кутам вөчны? — мудера нюммунис Веня.

— Со тай, жваркйө-пуө рокным. Сөям да водам, ог кө вөрас ещө пыралөй, — зэв збыльысь вочавидзи ме.

— Пессө дедрысь ломтім? — юалис Веня да ачыс жө вочавидзис: — Ломтім. Сидзкө, колө та местаө выльөс дасытыны... Вөралысьяслөн, дед висьтавліс, тайө гижтөм закон. Эн вунөд сы йылысь некор.

— Но, шуан жө мыйкө! Тэнад дедьд и меным — дед, позьө шуны, мый кыкнанным ми Опонь дедрөн быдтасъяс. Велөдө мортыд миянөс вөравны, — тшукисны Венялөн кывъясыс. — Пестөг сійөс ог кольөй, унджык на заптам, мыйта сотім. Со, эсийө джыввийө косьмөм кыз козсө пөрөдам, чинталам, поткөдлам да куим та мында лаө.

— Бара на эн гөгөрво, — көритыштіс Веня. — Оз сөмын менам

дед тані узылы. Волёны и мукодъяс. А аски кё кодкё сёрмас? Уль пескыд оз кут ломтысьны. Со эсійё кык вёсныдык кос пуяссё пёрдам, чинталам да поткөдлам. Тырмас кыкысь узыны, а сійё дядьбыс, коді мян бёрын локтас, узыём бёрас бара пессё дасьтас. Пармаын гусясьёмыд мортёс грабитём кодь жё. Дед на меным висьтавліс: кодкё пё менсьым кыкысь-куимысь нин пескёс ломтыліс, а водзёссё пё эз запты. Сэссия коть пё мудз, көтасьёма, но быть пес колё пилитны-поткөдлыны да, кодзула войын нин, шонтыны пывсянёс, пусьыны.

Рок пусигкості ми и дасьтім пестё. Сэссия бура ужнайтім да шоныд пывсянын сэтшём бура узим да чёскыд вётъяс вөталім...

Асъя дорыс, садьмим да видзёдам, поводдяыс торксыштёма. Усис небыд лым. Татшём луннад пөткаясыд дзёбсьёны, оз шыась чипсан вылө сьёла. Но дас верст сайё кайёма нин да, Венякөд шуим лэччыны гортё Чая ю бокті.

* * *

Сійё войнас Вурдысь Пашлөн эз узысьы. Дядьбөйд быгласис вольпасяс, унаысь петавліс кильчө вылас. Асъядорыс тай недыр кезлө ойбыртліс жё, но югдытөдзыс на бөр садьмис.

— Турун зорөдъяс видзөдлыны ветла,— пызан саяс пуксылём бёрын шуис гөтырыслы Паш.— Зэрласис да медым эськё оз жө тшык турунным. Видзөдла, ставыс-ө тыр-бур.

Паш зудьялыштіс черсё, пасьталіс важиник сукмансё, вөнясис кузь гезйөн, суйис питшөгас нянь-тубрас да петіс керкасьыс.

Ывла вылын вөлі лөзъяугыд на. Усис лым. Сійёс нөбөдіс-гартіс вына кодь төв.

— Поводдяыс — добра-а-а,— аслыс кывмөн дөвөля мургыштіс Паш.— Некутшём кок туй оз коль, ставсё дзёб-тыртё.

Грезд помын векныдык вөла туй пыртөдіс вөрө. Коть и кадйось кодь вөр туйыд, но өтяга мортыд да ещө тэрмасьёмнад дас версттө регыдөн и шавксьөдіс. Петіс ичөтик Чая юбокса бечевник вылө. Тыдовтчисны медводдза зорөдъяс. Паськыдджыкинъясын да нырдъяс вылын зымвидзисны куим-нэль доддя колхозной зорөдъяс, а векныдінъясын да вөр дорьясын куткырвидзисны доддя, додь джынъя — аспомъяс.

Мунігмозыс Паш быд зорөдө пельпомөдзыс суйліс кисё, кыс-кыштавліс син ёрмөн кос веж турун, матыстлывліс ныр дінас.

— Ак, коть чай пыдди заварит, сэтшөм чөскыд көрөн өвтө. Бур гожомнад чөскыд, пөтөса көрым заптөмаёсь сюрукъяслы,— бурлунөн нургис-сёрнитис Паш.

Коркө и аслас зорөд динас воис. Додюла жө. Вөр пытшкын, бокөвөй синъяс улысь сайөдыштөма. Йөз петтөдзыс на пуктыліс. Том туруныд вата кодь небыд. вежсьыс веж, коть ыжъяслы, коть куканьяслы. Зорөд дорас дядьбыд дыр кодь ноксис. Сюрөдліс пыкөдъяссө, вылысь пыкліс. Пыркөдіс веркөссьыс лымсө, разис зорөд вылыссө. Кывзысьыштис, думыштчыліс. Гөгөр вөлі чөв-лөнъ. Поводьяыс дурмыштис. Пондіс ёна турөбавны.

— Татшөм лөк лунө некод тани оз ветлөдды,— кывъясөн петис Пашлөн мөвпыс.— Нөб турун кө нистышта колхозной зорөдсьыс — оз чин и некод оз төдлы, а Гаченлы жө — вежон чөж кежлө тырмас. Чая ю мөдарсьыс кө вайышта, коть и төдчыны мөдас, ме вылө оз кужны думыштны. Медым йөраясөс мыжалөны. Бара жө, кылыштас кө туруной — тулыснас вузала. Корсьысьны мөдасны — бур турунсьыд кык шайт да джынйөн сетасны. А тулысьыс кө нюжалас, сәки куим шайтөн позьө кулыштны.

Сёрнитис таdzi ас кежсьыс Паш, но өтувъя зорөд дорө мунны эз тәрмась. Поліс. И вөлі мыйысь...

Во кык сайын миян грездса рынышысь арнас, лымъяён нин, воши мешөк шобді. Корсьысьяс пыр и аддзисны кузь киясатө. Рыныш дорсянь сабсь кок туйяс вайөдісны Савать Пашлөн керка динө. Паш эськө пондыліс жө соссьыны, гашкө пө, вурдысь новліс, а ме вылө грекуйтанныд. Но кор прамөя топөдісны, вурдысьыд пө мешөкнас оз вермы нуны, петкөдлісны кок туйяссө, вурдысьыд пө гын сапөгөн тэнад пөсийлө локтөма,— висьтасис. Сәки быть нин висьтась...

Пашөс видісны, янөдісны да лун шөр лунө йөз син водзын бөр тшөктісны нуны местаас гусялөмторсө.

— Сәсся немтор ог вөрзьөд,— эскөдіс сійө.— Му вылысь шеп ләпта — чумалиас сутшка.

Бур сьөлөма уджач войтыр эскисны сылы да эз мыждыны. Тайөн делөбыс и помасис, но Вурдысь ним, син саяс, дерт, сылы көвьясис.

Воліс, тыдалө, тайө серпасыс Вурдысь Пашлы юрас, падмөдліс сійөс бара гусясьны көсийомысь. Но луныс сэтшөм вөлі гудыр, лымъяліс. Сәсся өд вөрсә видз вылыд абу грездшөрсә амбар. Көді

пö и ветлас татшöм ылас татшöм лёк поводдянас, да öвтыштіс кинас.

Паш орчöн пöрöдіс ю вомöн кык кыз — артмис пос. Омöля и лайкъялö вуджигас. Котөрөн муніс медся матысса зорöд дінö, кывзысьыштіс да зіля кутіс нистысьны. Нистысяс, нистысяс — кывзысьö, полö жö йöзасьöмысь. Нöбъясис — нуис. Воліс мöдла, коймöдла... Öти нöб көсйис нуны, а нельöдöс нин тэчö. «Медбөръяös», — шуис думсьыс. Унджык нистысьсöма. Туруныс зорöдас лөняліс да кыскасьыныджык кутіс. Со и горшасьсöма. Нöбйыс пывсян ыджа лоис да муртса-муртса и лэптис мыш вылас.

«Сё лешакö: тайö турунөн грыжа најöвита, — гораа ёртчыштіс Паш, но нöбсö эз шыбит, эз кондысь, а воськов бөрся воськов лэччис береглянь. «Кызкö кө эськö поскöдыс вуджа, шыбита да лым вывтіыс кыска»...

Тадзи, ас вылас скöралöмөн, но зэв видзчысьöмөн Паш тувчис пос вылö: «Сöмын эськö мед вуджны, сöмын мед эз бергöдчы юр», — жуис вежöрас öти мöвп.

Со нин ю шөр. Ньöжйö, зэв видзчысьöмөн восьлалö перевединаяс вывті Паш. Но дзикöдз лигышмунісны кокъясыс. Синъяс водзас кутісны гөвкъявны виж чутъяс. Вöсньыдик гез гырöдз вундіс ки мышсö. Сойыс дубаліс, но нöбсö эз шыбит. Эз сы вылö нисты та мында турунсö. Мурч-курчöма паръяссö восьлалö пыр водзö и водзö. Берегыс со нин синкымъяс увтіс тыдалö. Воас ю мöдарас — туруныс сылөн.

Друг кодкö быттö кутыштіс сійöс бөрöдыс. Тайö нöбйыс крукасис вылітіджык керыштöм увйö. Пашлөн йöжөн сувтліс юрсйыс: «Кутісны тай! Но мокасьтö, кутісны, бара йöзаси! — мыйлакö визьнитіс юрас Пашлөн, быттö став талунъя полöмыслы да ас вöснаыс майшасьöмыслы быть колö вöлі помассыны тадзи, мый сійöс быть кодкö кутас.

Сьöкыд турун нöб грышмуні-уси пос вылö. Паш лягуша моз кияснас шенасьöмөн чатөрөн зымкнитчис аслас пос вылö, качліс вывлань, тупыльтчис юö. Сы бөрся быгыльтчис и нöбйыс, ва веркöсын нин вöтöдіс Пашös да ещö öтчыд зымкнитіс мышкас. Вурдысь юр вывтіыс сунгысис ваö.

— Кар-ра-у-у-ул! Вö-öя! — лёк горшөн горöдіс Паш, көр сійö бөр мыччысис ю веркöсын.

Повзьöм вывсьыс сійö шашаритчис турунö, но гöгрös нöблы

этша вöлі делöйс вöйысьöдз. Сійö мач моз бергöдчис, да Пашлөн юрыс мöдысь вошлі Чая юö.

Код төдас, мыйöдз эськö вермис вайöдны тайö горшасьöмыс Вурдысь Пашöс, эг кө сы шөрö водзö веськалöй ми.

Веня тувкис менам киö пельпом вывсьыс нетшыштöм пищальсö, котöртліс медматысса зорöд дорö, кодöс гожöмнас ачыс талаявліс, кодöс öні, мыйлакö, нистöмаось, перйис сэтысь медся кузь да кокныд пыкöдсö и здук мысти вöлі нин Чая берег вылын. Зонка тульс-шыбитіс потшлысь вöсни помсö ваö да мый вынсьыс горöдіс вöйысьлы:

— Кутчысь! Кутчысь потш помас!

Вурдысь Паш öдйö тай шашаритчис мыччöм потш помад, эз тай ков мöдысь тшöктöм.

— Л-лэдз, лэдз нöбтö!— горöдіс Веня.— Менö тшöтш кöдзыд ваас купайтан...

— Оз мы-ынь,— никöстіс дядьö,— кыскы нин беегланьыс.

Татшöмтортö аддзывлытöгыд ме шöйöвошлі, ог төд, мый вöчны, а Веня ньöжйөнникөн матыстіс нöбъя, вöйысь дядьöös берегланьыс.

— Ы-ы-ы-ы-ык! Кöдзы-ыд!— ыкöстіс дядьö, кор ки пöвнас шашаритчис дзик ва дорын сулалысь баддьö, сувтіс кокъяс вылас. Ваыс öні сылы вöлі сöмын пидзöсöдзыс.

— Но-о, төдса тай вöлöма!— нимкодпырысь горöдіс Веня.— Павел Савватьевич. Лок кай берег вылас, вайлы китö.

Венякöд кыкөн отсалім кавшасьны Пашлы бечевник вылö. И сэки сійö төдіс мянöс.

«Паси-паси-паси, господи... Веня, Опонь друглөн нукыс вöлöма, дона пиыс, менö смертысь мездысьы-ы-ыс...

— Этша ли мый турунтö мöскыдлы заптін?— наяна юаліс Веня.

— Тырмас, майбыр, тырмас. Этайö и эсійö зорöдыс менам. Öтлаöдча со вöлі... Вöвнад, төкөтьö кө шондöдыштлас, он вудж... Со и лöк кыскавны нöбйөн.

— Ачым тайö зорöдсö талаявлі, но тэ сэки тані эн курт, ни эн чöвт. Гусясян, Павел, гусясян,— скöрмис Веня,— но гусясьöмыд бурöдз оз вайöд. Öтчид нянь гусявлін, а öні со и турун. Кор нö эськö лöк талы помыс? Колхоз правлениеын буди, став йöз водзын висьтасян?

— Смекайтчан, Венямин,— ыдждöдлыштіс Веняöс Паш.— Спа-

ситомсыд пасибö, а та йылысь некодлы эн висьтав. Нэм ог вунöд тайöс... Тэнö на наградита... Опонасейлөн со пищальсылөн нимыс сöмын кольöма, лютки-летки, а ме тэныд аски жö выльöс ньöба...

— Оз ков меным тэнад пищальыд. Некор миян тэкöд сёрнитнысö, туйным кузь на. А тэкöд йöзлысь кöясö йирысь санкöд мед дöваөн кольöм бабаяс сёрнитасны, кодъяс эсийö бечевниксö гөрбушнас пöрöдисны.

Тайö сьöкыд кывъяссö шуём бöрын Вения волысалис ружьесö пельпом саяс да скöра чöвтис Пашлы:

— Дедрөн вөр керкаас котöрт. Турдан. Рытнас и талун асывнас ломтылим. Жар, öдийö шоналан, косьман, а сэсся турунсö, мый гусявлін, бөр местаас новлы. Эг тэнад мöслы, а колхозной скöтлы тайö зорöдсö чöвтлим. А уджалöмсыд донсö колхозысь кор...

Мыйкö мында ылыстчыштöм бöрын Вения видзöдліс бөрвыв, серöктіс да тувкис меным бокö:

— Кöч моз Пашыд котöртö. Оз турды... Шонтысяс-косьтысяс шоныд вөр керкаын да весиг насмукаыс оз босьт... Кыдз вот сöмын йöзыслы та йылысь висьтавны? Тайö ручыд асьнымöс жö и коляс бöбөн.

— Сідзкö, либö лэччöдам?— зэв збыльысь шуи ме.

— Турун нöбнас, коді кöнкö эсийö чукыляс нин кывтö. Эк тэ, чекист.

— Збыль öд, нинöм эз артмы. Лэдзим, а сэсся соссьысяс,— шогалышти ме.— Вот лючки кö вуджис, сэки эськö: стой, руки верк! Пошол, пошол!

— Пошол-пошол,— нерышти менö Вения,— эсы ыджда нöбнас? Öни мун да и ошйысь бур йöз водзас. Медаль сетасны.

Вуні миян и вöралöмыд. Восьлалам, быттö мыйкö воштим.

«А кызди эськö тайöс донъяліс Опонь дед. Öд, позьö шуны, ми — сылөн быдтасъяс»,— мөвпышти ме да гораа шуи:

— Опонь дедлы висьталам...

Тшап петук

Ми, чоя-вокаяс, быдмылим ичöt, но гажа грездын. Прöст рытьясö быд керкаысь ворсны петавлісны кык-куим зонка да нывка. Луныввлань бана керкаяс öти радөн сулалöны нöрыс вылын, быттö шоныд муясö лэбысь дзодзөгъяс. Гожöмын грезд гөгөр лöня шувгис

веж корьяса кыддза-пипуа рас. Дженъдик муяс заводитчылісны
өшинь увьяссиянь, а мөдар помнаыс — вөрсянь. Парма шөрын,
эрдтор вылын, позьö шуны, олім.

Тайö муяс письыс нянджыкось вөліны сөмын лунвывлань ба-
наясыс. Сэні быдмыліс морт судта рудзөг. Картасайясса градъяс
вылын картофель кынмывліс августшөрся калина войясө. Муяссө
лелькуйтисны-вөдитисны нывбабаяс, челядь. Верстьö мужичөйяс,
Опонь дедьыс өтдор — эз вөвны. Ставнысө найөс ньылыштис война.

Му дорын ноксьөмысь кындзи, йөз видзлісны быдсяма скөтсө.
Асывьясын быд гидьыс петавлісны мөс, көзаяс, ыжъяс, чипанъяс.
Спокойд, дерт, эз сюрлы весиг миянлы, зонпоснилы. Но колькыйд,
йөлыд, яйыд, көть этшаник — пыр вөлі аспом.

Гортса пемөсьяс пиысь ме медся ёна радейтли Кальсы нима чи-
панөс. Сійö, шуоны вөлі, мекөд өти воө чужлөма — тыртис квайтөд
арөс. Чипанлы креста ныр вөснаыс сетлөмаөсь татшөм нимсө. Сійö
биттьö уркай позйын чужлөма. Кольк пытшкас, тыдалө, доймылөма.

Ыджыд төждлун Кальсы вайліс гожөмын. Эновтас өтувья поз,
вөчө выльөс, дзевасө. Колькъялө картофель град вылө, зорөдъяс улө,
весиг вөрө. Вөрыс миян вөлі матын, пывсян дорсянь и заводитчыліс.

Мукөд чипанъяс ышмыласны жө, мөдласны колькъявны гуся
позйө, но ме пыр и аддза бокө нуөм кольксө, пукта важ позъяс. Быть
сэссия мөд лун сэтчө пуксьыв.

Чипанъяслысь гуся поз аддзөм — мем праздник. Мамөлөн видз
вывсыс воигкежлө залавка вылө сувтөда колькъяс тыра тасыти.

Мөд асывнас мам сетө премия. Сійö быдөнлы пуө өти колькйөн,
а мем — кыкөс. Сюсь пины пө талун — премия. Ми, дерт, чөсмөдчам
сійөн чойяскөд. Юкам премияөс куим пельө. Отлаын пируйтам. Ме
гөститөда ыджыдджык чойясөс чипан колькйөн, а найö менө —
чөдъя-озъя йөлөн.

Кальсы колькъясысь, дерт, премияыд этша вичмывліс. Вывти
нин мудер вөлі. Со сійö вердчө-кокасыө. Мукөд чипанъяс дорын кор-
сыө нидзувьясөс, вөтлысыө гут-гагъяс бөрся. А пельклуныс! Суөдас
гутйөс, бобулөс — щолк ньылыштө. Дөвөлен. Пөлнөдлө юрсө, выль-
ясөс кыйөдө. Кватитча — саймовтчөма нин кытчөкө. Быттьö тешит-
чө ме вылын. Вежон-мөд мысти Кальсы кутас чиргыны-клуткыны.
Көсийö пуксьыны пөжсьыны.

Мам видзыштас чипанөс пемьидинын, пуксьөдлас гыр пытшкө,
йөртлас гөбөчө, көдзыдинө. Немтор оз отсав. Кальсылөн воөма семья
лөсьөдан кад.

Отчид Кальсы воши дзикодз. Абу вежон, мёд, коймёд. Ми мы-жалам варышгъясос. Найо мянлы вочлісны уна пакосът. Сюсьосъ, наяносъ, чипангъясла волывлөны, кор ми абу гортыносъ.

Вошом чипанос дугдим нин корсыны. А оти асылө сийо шытөг-висьтасътөг воома кильчө вылө. Абу отнас. Сьорсыыс вайодөма сизим чипанпиос. Дерт, конкө, вөрын пөжөма. «Воим,— клуткө,— тшыгосъ».

Радлуннымлы абу помыс. Вердим Кальсыос медся чоскыдторьяснас — картупель печеньон, гоститөдим проса рокон.

Чипан семьялы воис төждысына быдтысян кад. Кальсы дугдис стадитчыны чойясыскөд. Сийо вердчис торйон: некодос сибөдтөг, повтөг. Омөльтчис быдөн — лыыс да гөныс коли. Но скөр мам некор эз сетлывлы өбидаө ассыыс быдтасьяссө. Котөртө кө мати пон, кыйөд-чөмөн-дзөбсясьөмөн кысьсө кань — Кальсы чилөстас, сувтөдас гөнгъяссө, быттө сийос пөльтисны, да уськөдчө кортөм гөсть вылө. Кык-куим керка сайөдз вөтлас. Суседлөн Лыско понйысь ми, зонпосни, вөлі полам, а Кальсы — оз. Мыш вылас чеччалө, кокалө да кокалө, нетшкө понлысь гөнсө. Пон — люв-ляв, бөжсө лэдзөмөн усйысьө. Отчид-мөдысь, а сы бөрын бокөвөй пон да кань вунөдоны мян керка динлань туйнысө.

Воис ар. Мукөд чипангъяслөн, коть ме тшөтш лун-лун чередити, постырсъид кык-куим чипанон колисны, а Кальсылөн — менам дөзьөриттөг — сизим. Колькьястө бөрийтөгид квайт чипанпиыслөн өдийо нюжалисны сорсыясныс, кызджыкөсь да кузджыкөсь лоисны кокьясныс, бөжныс люньмунөма, перөясыс коса модаөн увлань кусыньтчөны.

— Оти кындзи, ставыс петукьяс,— майшасис мам.

Мем, дерт, долыд. Уна петукнад гажа лоө. Сьывны кутасны, патефон оз ков. Сэсся сиктын быдөн видзөны петукьясөс, мян сомын абу. Кык во дорыв найос нулис варыш. Квайтсыд таво, гашкө, петукасям.

Оти асылө мам зэв долыд чужөмөн пырис керкаө.

— Но мокасьтө, Кальсы коми петукөс быдтө,— висьталіс сийө.

— Ко-о-ми-и-и? — нюжөдис Сань чой да пыльс серөктіс.

Сийө мян велөдчис нельбөд классын да сюсь нин вөлі: — Овлөны мөй коми да роч петукьяс? А, гашкө, тшөтш и мукөд кывъя петукьяс эмөсь? Ой! Ой! — гигзис-сералис чой.

Ме, дерт, эг на куж весиг сёрнитны рочөн, но петіс жө серамөй. Коми петук пө со...

— Ог тѳд, эмѳсь-ѳ ещѳ кутшѳмкѳ мѳд кыла петукъяс, а комиыд, буракѳ, эм,— серѳктѳ жѳ мам.— Со нѳ, со, кывзы,— лѳптѳ чуньсѳ мам.

— Кука-рек-ку-у!— ливкѳдлѳсны петукъяс.

— Ки-ку-руль-лю-у-у!— зѳв ясыда, кѳлѳкѳльчик моз кылѳс на пѳвстын ѳти гѳлѳс.

— Музыкальнѳй петук,— радлыштѳс чѳйѳй.— Тѳвѳйѳдамѳй.

Кевмысян синъясѳн ми видзѳдлѳм мам вылѳ.

— Но инѳ,— сетчис сѳйѳ.— Чекверик бѳж-сю, дерт, сѳяс, но ку-рѳгъяслы лѳѳ тѳварыш, кѳзяин, найѳс видзысь-чередитысь.

Коли тѳв. Пуксис тулыс. Петук быдмис, сѳвмис. Ыджыд сорсыс сотчис биѳн. Бѳжыс кокъяс улѳдзыс, бытгѳѳ гѳрбуш косаяс. Ветлѳд-лѳгас зяткѳ шпорыяснас. Кѳндозмѳрлѳн кодъ гѳныс волялѳ зарниѳн. Гѳлѳсыс вынсялѳс, лои ѳна мичаджыкѳн, кузьджыкѳн.

Миян, чѳя-вокалѳн, петук лоис ошѳйысянторѳйѳн, а мам майшасис.

— Тѳвѳйѳдѳм-видзим, но эг петукасьсѳй,— довкѳйѳдлѳс сѳйѳ юрнас.

Водз асылын петук медводз петѳ карта ѳшиньѳд. Сѳйѳ жбыркнитас потшѳс вылѳ, клопайтыштас вына бордъяснас, пѳв-мѳдысь чукѳстчылас мича гѳлѳснас, чеччыштас му вылѳ да юрсѳ тшапа пѳлыньтѳмѳн гонгѳ-мунѳ сикт шѳрлань. Йѳз чипанъяс дорѳ. А асланым нѳльѳн найѳ. Лунтыр кежлѳ кольѳны кѳзяинтѳмѳсь, гажтѳмтчѳны да йѳз ѳшинь улѳ жѳ мунѳны. Овлѳ и бокѳвѳй пѳсѳйылѳ колькъясласны. Мун да и кор сѳсся — тѳянѳ пѳ чипан кольксѳ вайис.

Тшап Петрѳван, тадз сѳйѳс нимтѳсны грездын,— оз тѳд яндзим. Сѳйѳ-юѳ гортын, узьлѳ миян зѳб вылын, а видзѳ-чередитѳ йѳзлысь чипанъясѳс.

Мем, майбыр, сюрлѳ майшасьѳм-тѳждысьѳмыд. Босьта рос, вѳтла петукѳс йѳз ѳшинь улысь гортлань, а кватитча да, сѳйѳ бара нин тѳвзѳѳ пѳдругаяс дѳнас.

Йѳз чипанъяс вылѳ эг кут вермыны видзѳдны: «Найѳ, найѳ мыжаѳсь! Ылѳдлѳны миянлысь Петрѳваннымѳс. Мичлун ни рожа, а сѳтчѳ жѳ. Матвей гѳтырлѳн Сьѳдкаыс лысѳм рака кодъ, а Петрѳван оз и вешѳйивлы сы дѳнысь. Ректан кокнас кѳ гудѳйыштас нидзув, озѳ убѳлит кокыштны ачыс. «Тук, тук, тук»,— коткѳ, корѳ асьсыс мисьтѳм пѳвсѳ.

Бур ещѳ, тайѳ Сьѳдкаыс некор оз быдтысьлыс. Сѳки зськѳ Петрѳванным Матвей гѳтыр ордѳ, гашкѳ, и овмѳдчис. А ѳнѳ бурпѳт бурлачитас да шондѳ лѳччигѳн нин локтѳ гортѳ. Полѳ жѳ, тыдалѳ, ме-дым оз мырддѳыны зѳб вывсьыс местасѳ. Оз ѳд кѳнкѳ дорын узьлы,

а зіб шорас. Отарсяньыс кыкөн, и мөдарсяньыс кыкөн шонтёны бокъ-яссө. Мам кө сетыштас чипанъяслы сёян коляс либө рысь, Петрөван медся водзын уськөдчө. Чипанъяс өтчюд удитёны кокыштны, а Петрөван — витысь, медся гырысь крөшкияссө. Пөдругаяссө вердигас тшыгъялө. Со и удзөдө чойяссө, мамсө. Полө, тыдалө, медым оз чир мича гөлөсыс, пыр югъялас зарни рөма гөныс.

Ёна и скөрмывла, но дзикөдз лөгасыны ог вермы: грездын квайт петук, а медся мичаыс, ыджыдыс, збойыс да гора гөлөсаыс — миян. Петукъяс воласны косьө, миян өтнас сувтө куимкөд паныд. Ошый-сянтор. Оз радейт сөмын ассыным чипанъясөс.

Коді төдас, кузь-ө эськө вөлі петуклөн нэмыс? Төвланьыс вермис сійө веськавны шыдө. Но өти асылө крута бергөдчис Петрөванлөн олөмыс.

Водз садьмысь шонді удитөма нин бырөдны ру. Скөтөн йирөм луд вылын, быттьө пужъялөма, эзысьөн дзирдаліс лысва.

Ме петі звөз помө, виччыся Сюрукөс лэдзөм, медым колльөдны сійөс грезд помөдз. Тайө менам медся кыв кутана да пыдди пуктана быдлунъя удж.

Со гид өшиньөд жбырк чеччыштис петук. Кыдзи и пыр, сійө чеччыштис потшөс вылө, швуч-швачкерис вына бордьяснас, шызьөдыштис ёсь гөлөснас ывла вывсө да сы бөрын мөдөдчис суседъяслань.

«Бара служба вылас мөдөдчис», — скөралышти ме.

Кальсы аслас семьяыскөд петис гид өдзөсөд да веськөдчис град йөрлань. Сэні тырмөны нидзувъяс, гагъяс — вердчынысө кокниджык.

— Кук-ку, пук-ті, — көнкө пывсян сайын шыасис көк.

— Көкилей-чоилей, кымын во ме ола? — юалі ме көклысь да куті лыддыны вояс.

Но көк друг тшөкмуні да лэбис коз йылысь. Сійө жө здукө град йөр весьтын визьнитис руд вуджөр. Ёна повзьөмөн чилөстис Кальсы. Сэні кутисны кывны борд шыяс — пансис кось.

Видзөда — дженьыдика лэбышталөмөн шум-зык вылө өдөба көртис Петрөван. Вынсялісны коткөм-шпорөдчөм шыяс. Сэссия картупель коръяс пөвстысь кыпөдчис ыджыд варыш. Сійө, тыдалө, зев тшыг, эз көйы энөвтчыны кыйдөсьыс — усьласис вылісянь. Кальсы да Петрөван водзасисны мусянь. Сынөдын гөвкъяліс варышлөн да чипанъяслөн гөн. Петук вылө чеччыштлөмөн сатшкысьлас ён нырнас варышлы бокас. Вөрса лэбач кыйөдө сизьдыштны сылы юрас. Некод оз көйы сетчыны. Руд рөзбойник вына, но кыктө өд сьөкыд венны. Найө косясьөны, ловнысө жалиттөг.

Сайкалыштөм бөрүн ме горзигтырйи уськөдчи отсөг вылө. Сөмын сәки энотчис варыш. Сийө качөдчис вывлань да здук мысти воши вортас сайө.

Тайө кадсяныс Петрөванөс быттьө вежисны. Сийө здук кежлө котөртлас суседъяслөн чипанъяс дорө да вайөдө найөс өшинь улө. Ассыс Сьөдкасө, дерт, воддза мозыс жө радейтлис, вердлис чөскыд номыръясөн. Но мыйсюрө вичмылис и Кальсылөн ичөт пиянлы.

Та бөрүн ми, чоя-вокаяс, ещө на ёна кутім радейтны Петрөванымөс. Мам кө сетас меным небыд көлөб, джынсө верда петуклы. Сэсся куті казавны, Петрөван эз ло сәтшөм горшөн. Кыдзи и пыр, сёян вор дінад котөртө медводдзаён, но оз зіль өдйөджык тыртны ассыс зобсө. Кокыштас крөшки-мөд — вешйө бокө.

«Тук, тук, тук!» — чуксалө мамсө, чой-вокъяссө, а ачыс тшапа пöлынтьас юрсө да ветлөдлө чипанъяс гөгөр. Сөмын сэк, кор ставөн пөтасны, кокалыштас коляссө. А варышъяс сэсся дугдिसны гусьясны грездысь. Повзисны, тыдалө, көзяина чипан котырысь.

Бөрдысь көч

Гожөм пом. Пув вотан кад. Вөр пытшкө ылалөм ичөтик грездад, көть кодарө сетчы, быдлаын падъяныд тырө, но ми, челядь котыр, медвойдөр уськөдчылім Гумладор ягө. Тайө вөлі пожөмакыддза ыджыдкодь вөр ді. Отар-мөдарас — муяс. Яг шөртіыс визувтө көдзыд, зэв сөдз ваа ичөтик шор. Сылөн берегъясыс крутөсь, джуджыдөсь. Увтасын быдмысь нэмөвөйся коз-пожөмъяслөн туганъяс вылас кө видзөдлан кыркөтш вывсыяныс, юртө на лөб копыртыштны. Сы джуджта берегыс.

Матын вотчан местаным, йөр пытшкын и эм, но өткөн-өткөн сәтчө эг ветлывлөй. Став посни ныв-зонкасө чукөртам. Көкъямысөн, өкмысөн мунам. Гажа. Босътлывлім аскөдным и креста волыса гача-сарапана войтырөс, ичөтджык чой-вокнымөс. Өд найө, көть мяян серти этшаджык, но сөйөны жө. Сідзкө и мед тшөтш вотчөны. Дозмукъяссө налы, дерт, ичөтджыкөс жө сетлывлім.

Вотчөны тусь-нывъяс да сөшайтъяс, оз дышөдчыны. Медводдза тусьсө көрзинаө пунктігөн, кыдзи Опонь баб велөдліс, шуасын на: «Дозлы тылны да не төлны!» Тайө кывъяссө кө пө шуан, дозйыд быть тырас. И тырлывліс. А тыра дознад локны любө быдөнлы.

Зілісны ставөн. Чукөраинсөд ичөтджыкъяс коді пуфсөн, коді

водомён пувсё өктё-варшалё. И вомнысё оз удзодны: китыр — вомас, кык китыр — дозъяс. Кисьмём гырысь съдгёрд пувыйд өд, ок — чөскыд!

Ягсё «джынъялём» бёрын, ветлім кө өтчыд, сысысь эг энотчы-лөй вотос быртөдзыс.

Гырысьяс миянөс эз пайклыны. Налы вотчынысё некор, а сюр-лө кө здук, ылөджык ветласны. Челядълөн вотчанинө эз пырлыны. Мед нин, көнкө шуасны, матысьсё челядь вотчоны.

Сійө воясас грездаяс пөвстысь быдөн уна картопель пуктывлісны. Арнас гөбөчаныс төрмөн. А сысысь кындзи ещө галанка, кушман, сёркни да капуста на водитлісны. Уна град выв пуктас чукөрмывлө, но изсьө тай во чөжнад. Мөсьяс — корсө, аслыным — нурсө... Ставыс сөйсө, нинөм оз шыбитсы. Арын — мамъяслөн ыджыд төжд: кыт-чө воштыны, бурджыка меститны ыджыд урожайсө? Ичөт, төвъян вежөсувса гөбөчө ставыс оз төр. Со и кодъявлөмаөсь ывла гуяс. Гумладорса яг вылө, нөрыс йылас. Оз кынмы сәні, ни ва оз босьт. Тулыснас, пуктысьны көйдыс торйөдөм бёрын, картопельсө сәтысь ләптылісны, вайлісны тыртөммөм гөбөчө. А гусө восьсөн кольлісны. Косьтыштасны-төлдөыштасны. Розь весьтсө пасьясны көстерөн сувтөдөм лэбын кодь вожа майөгъясөн и — ставыс. Йөр пытшкын, бур потшөс сайын татшөм гуясыс. На дорө скөт оз письт, а йөз аддзасны пасйөдъяссө, оз усны гуас. А ми, челядь, оз тшөктыны да, на динө эг матыстчывлөй.

Өтчыд, вотчөм бёрын, ме дзык гу дінас петі. Ведроай тыр нин. Пукті сійөс зэръясөн шыльөдөм лыа вылас. Вугйыс гораа клёнмуні ведроа дорышас.

«Тар-а-та-ра-та!» — ыджыд шыөн кодкө кутіс ризъявны-шлопкыны тыртөм гу пыдөсын, быттө барабанөн брунгөны.

Төкөтбө эг усь веськыда гу вом вылас. Слөйми шыбитчыны бокыв. Кольта моз шляпкыси лыа вылө. Сьөлөм вот-вот потө виччысь-төг тадзи повзёмсьыс. Юрсійөй сувтис, мыш кузя кодзувкотъяс визнитісны.

— А-а-а! Ве-ня-ва-нь-а-а! — горөді мый вынысь. — Сөйис! Сөйис!

Ошкысь кындзи татшөм гора кок шыыс некодлөн эз вермы лоны, да уси кө гуас — збылысь сөйис. Өкмыс арөса зонкатө нө мый! Крутш-кратш, и — абу. Сәки ме медся ёна полі ошьясысь. Гу пыдөс-сяньыд, усян кө, этша нин горзан.

— Ве-е-ня-а-а! Ло-о-ок! — бара на горөді мый вынысь. — Ва-а-ня-а-а!..

Тыдало, ошкыд повзис жо горзомысь: гу пыдосын шлопком-котралом лонис. А, гашко, бор кокъяс вылас нин сулало, пуксьыло-чечыло, медым одобон петны гусьыс? Ёсь гыжъя лапанас кватитны мено, нуны да сейны. Ачым, йойыд, весиг ог путьмы пышйыны, сулала да горза сомын.

— Мый но равзан? — котортигмозыс юалис Модя.

— Босът энджык беды да лок оййоджык! — тэрмодла сийос. — Картупель гуын — ош.

Кор ставон матыстчисны, ме нетшышти жо гу вылысь майог, кокныдджыкос.

— Абу жо од о-ош? — чуймылис Модя. — Кодко-мыйко, буди!..

— Абу, дерт, воны видзодлы! — кора сийос.

— Но Модя оз лок. Дзикодзсо некод оз матыстчы. Оломыс быдонлы дона. А меным од аслам — дона жо, и тшотш вешйышти на-лань.

— Кытысь тани ошкыслы? — оз эскы Модя.

— Ачыл либо и видзодлы, — тшоктоны меным.

— Ы-ы! Ме видзодла, а ти пышъянныд?

— Ог пышйой...

Мый лоанаыс ло. Вочи ичотик воськов. Ме борын сулалысьяс — тшотш. Быттё налысь кокъяссё менам коко домома... Ещю воськовти — оз на тыдав... Коймодысь, нельодысь воськовта — дась чечыштни борыв...

Смелмодчи сесся, джынвийо пемыд гу пыдосо видзодли. Сэни некод эз тыдав. Быд пельос синмали — тыртём гуыс...

— Некод абу, — шопниті.

Ставон гораа сероктисны. И сэки гогрос керьясысь вочом тшупода пос улысь быйкнитис-петис руд ёкмыль да кутис визлавны-котравны гу пыдості. Быттё барабанон и эм трамгоны-ворсоны. А зверыс сомын и быйкъяло, сомын и быйкъяло — ог вермы гогорвоны, коді, но — абу ош.

— Абу жо тай эсько ош вольома да... Руч ко-а?..

Руч йылысь кылём борын ставон матыстчисны гу дорю, йоткасьоны, вензьоны — быдонлы окота видзодлыны гу пыдосас, а розыыс ичот.

«Ай-ляй, ляй, ляй, ляй! Ай-ляй, ляй, ляй ляй!» — дзик юр весьтсьыс уна йозос аддзюм да гора голосьяе кылём борын кутис лөвтны весьопорюм зверь. Сийо, тыдало, дзикодз жуяммис да пуксис пельосас. Кузь пельяса, руд гона. Пошикто став тушанас.

— Кө-өч! Кө-өч!— нимкодъпырысь горөдіс Модя.— Час ме сійөс кута да петкөда... Валя, вайлы шальтө.

Модя миян пөвстын медея ыджыд. Төвнас сылы тырө дас кык арөс. Сідзкө сійө и юр лэптысьыс. Зон тэрмасьомөн сүйис питшөгас. Валялысь шальсө да бөрөн кутіс лэччыны пос кузя. Көч казяліс сы дінө локтысьсө, быйкнитіс посувса пемыд пельсө.

Модя — гуас нин, ноксьө шальнас. Со плавкнитіс сійөс, копыртчис, нюжөдіс кисө көчлань.

— Чир-рри! Чир-рри! Чир-рри!— налькйө шедөма моз бара бөррдзис зверь.

«А-а-а!— вевттис көчлысь чирзөмсө Модялөн горш тырнас горөдөмыс.— Ой-ей-ой, о-о-ой!»

«Ы-хы-хы-ы,— нориника бөррдзис сылөн ичөт чойыс, Валя,— Сөйисны вокөс гуас, сөйисны-ы-ы!..»

— Эн пов, эн, Валюк,— бурөдісны нывкаөс ськөд орччөн сулалысь пөдругаясыс.— Модяыд ыджыд, а көчыс кань кодь. Повзьөдіс сөмын, тыдалө...

Модя өдйө бөрыньтчис пос улысь, веськөдчис, сүйис чуньсө во-мас да кутіс нөнявны.

— Кай лок, кай!— чукөстіс доймөм зонкаөс Веня.

Но Модя эз тэрмась. Вома сүйөм чуньсьыс, тыдалө, дойыс лөньыштіс. Сійө дугдіс ойзыны, видзөдліс пос улө йөршитчөм көч вылө.

— Курччасян, чорпа пиня лөшка син,— броткыштіс сійө.— Тэнө жө мездөны, а тэ жө и косясян-водзасян...

Модялөн эз петсысы гусьыс, но мөдысь көч дорө, пемыдінас пырнысө, тыдалө, эз жө вөв окота. Чуньыс ёнтө, а ки пөвнад сэтэсь көчөс он кут. Челядь чукөрысь, дерг, яндзим и: «Көч өд пурис-курччаліс, кө-өч!»

Венялөн мөдысь чукөстөм бөрын сійө, чуньсө вомсьыс кыскытөг, ки пөвнас кутчысялөмөн кутіс кайны гу веркөслань. Модялы отсалісны петны. Вирөсь чуньсө казялөм бөрын нывкаяс котөртісны лапкорла. Быд дой, быд гирыштчөм пыр сійөн көртавлім.

— Ена курччис?— сьблөм сетөм могысь юалі ме.

— Эз, нюлыштіс сөмын! Мун сэсся тэ, Ванька Паш дедыд кок пөв, кутась, ассыд оштө лэпты бөжөдыс!— ырыштчис Модя, быттө ме мыйөнкө мыжа сы водзын.

— Ме лэччыла,— вештыштіс менө пельпомөд Веня. Сійө босьтіс киас ичөтик бедьтор да тэрмасьтөг сувтіс пос тшупөд вылө.

Веня лэччис гуё, вётлис кочёс югыд пельёсё да ньёжйоникён, мыйкё меліа шопкөдігтыр, кутіс матыстчыны сы дінё. Зверь пукаліс куткыртчёмён. Кузь пельясыс куйлісны мыш вылас. Зонка ньёжйё, видзчысьёмён нюзёдіс кисё, повтөг босьтіс сійёс пельёдыс да, кисё водзлань чургёдомён, лэптіс пельёсысь.

Коч, дерт, недыр тривкйысьыштис жё, чилзыштис, но, тыдалё, пельыс оз доймы — лёнис. Веня босьтіс Валялысь муын куйлысь шальсё, кагаёс моз тубраліс сійён кочёс, сёмын нырыс тыдыштё, да пелька кайис гуысь.

— Вень, петкөдлы,— корёны,— разьлы, разьлы тубрассё?..

Модя сёмын оз матыстчы. Сылы, төдомысь, завидь, мый эз сяммы кутны кочёс.

— Вень, а тэ мый сійён кутан вёчны? Вай меным сійёс,— кутіс дзайгыны Модя.— Ме сійёс видзны кута курөг позйын.

— Коч абу курөг позйын олысь, абу ворсантор ни... Вёрын сылён оланіныс... Тадзи шуё дедуш. Лэдзам ми сійёс, вот. Медым гуляйтё,— вочавидзис Веня.

— Йё-ой-ой, он жё лэдз кутёмсё!— жальпырысь артмис ставлён отувья ышловзём-горёдём.

Но Веня эз кывзысь.

— Видзөдй, кызди тілзёдас!— Веня пуктіс тубрассё му вылө да нетшыштис шаль помөдыс:— Ысь-сь-сь!

Мездмём коч дыр эз виччысь. Звирк сувтіс кокъяс вылас, куим-ё-нелысь чеччыштис боклань да пуксис бөрья кокъяс вылас, челядь чукорсянь воськов дас сайё. Кузь пельясыс сувтсаёсь, оз весиг вөрзыны. Пукалё, быттё оз гөгөрво, мый сылы вёчнысё, видзөдө йёз вылө сувтса синъяснас. Сёмын сәки, кор Веня клопнитис кияснас, коч быттё садьмис. Чур-чермуні да ыджыда сывкйөдлёмён здук мысти воши синъяс водзысь.

— Котрав вёрын, тэрыб кок!— шудаа вёзйис сылы бөрсяныс Веня.

Вотёс сійё гожём помнас чукөртім уна. Сэсся воис школаё мунан кад. Сідз, төдлытөг и коли кадыс. Бёрдысь коч йылысь вунөдім, но сійё коркө ачыс ас йывсьыс казътыштис. Тулысын...

Школа бёрын ми кино видзөдім. Сёрмыштім. Рытгорув локтам тортё. Туйным — вөр пыр, но унанад гажа. Лэбачьяс дзользёны, Шожымка ю бокын кургёны тарьяс. Со кёнкё матын кылісны төдтём шыяс: «Ту-лу-лу-лу! Ту-лу-лу-лу!..» Найё пыр матысмисны. Дзёбсим коз пу улө, виччысям, кутшём зверь либё пётка мыччысяс?

Регыд и пукуштім — туйнымос вуджис көч, пуксис понольяс дорө, бара некымынысь висьталіс ассьяс «ту-лу-лу» да котөртіс водзө.

— Тайө тай Модяөс курччалысь көчюд вөлөма!— серөктіс Веня.

— Некутшөм тайө абу көч, а ош!— пыльснитіс Модя да мелань индөмөн серам сорөн юаліс:— Ош өд? Сьөлөмыд, көнкө, век на коклябөрад лэччывлө? Ой, ой, горөдіссө кызди! Пыр на помнита: «А-а-а! Ве-ня-ва-нь-а-а! Сөйис! Сөйис!»

Серамыс... А менам думыштсис: «Ловъя-ө эськө вөлі көчыс, эз кө лэдз сійөс Веня?» А өні со чуксалө пөвсө.

Рөдмөны вөрын көчьяс...

Вок пыдди

Арыс сулаліс зэра. Асывводзсянь рытөдз, войбыд бөрдісны өшиньяс. Ывла вылын тырисны канаваяс да гөпьяс. Кизьөрмөма, ньөдздөма му. Но энэжсянь пыр кисьтіс да кисьтіс, быттө ко-сөдіс жар гожөмыслысь водзөс. Тадзи колис сентябрь, октябрь джын. Сэсся көдздөдыштіс. Ывлавывса гөпьяс быттө вевттыысисны стеклөөн. Асывводзьясын колипасьлісны шорьяслөн да Нөмыд юлөн берегьясыс. Энэжын пыр тшөкыдджыка мыччысьлісны еджюд бобувьяс. Он и төдлы, кызд миян войывывса му вылө воас төв.

Тайөс казялөмөн, кузь туйө петісны посни лэбачьяс, энөвтісны чужан местаясө турияс, уткаяс, дзодзөгьяс да лунвылын төвйысь мукөд лэбачьяс. Ыджюд кельбөбьясөн найө шойччисны ыбьяс, вадьяс да ойдлан видзвывса тыяс вылын. Тэрмасисны тыртны зобьяснысө, веськөдыштны мудзнысө, медым нюжмасьтөг лэбны водзө, шоньд море берегьяс дорө.

Лунвылө, рытивывывса кынмывтөм мореяс дорө лэбысь кельбөбьяслөн туйыс муніс миян грезд весьтті. Ми, зонпосни, колльөдлім найөс, видзөдім да өвтчим киясөн, кытчөдз уна дас гөлөсьясөн варовитысь ловъя гез эз вошлы синьяс улысь вөртас сайө.

Татшөм колльөдчөмьясас прөйдитліс лун дас. Сэсся утка-дзодзөгьяс, тыдалө, ставныс нин лэбөмаөсь шоньд местаясө, эз нин петкөдчывны грезд весьтын.

Арыс быттө кватитчис, мый вунөдіс прөщайтчыны жар гожөмыскөд. Кытчөкө вешйисны кымөрьяс. Энэжын лунтырьясөн кутіс дзирдавны шонді.

Өти татшөм асылө ми, челядь, ветлім Шожымка ягө вотны пув.

Лун шөр бөрүн тырём кузов-падъянъясөн ми бөр нин восьлалім вөр-са туй кузя гортлань.

Друг кёнкө веськыдвылын кутісны кывны нора кливксан шыяс.
— Юсьяс лэбёны,— ыджыда ышловзис Веня ёртёй.— Регыд лымъялас. Юсьяс, дед шульвлө, бордъяс выланыс вайёны төв.

Венялөн дедыс төдө быд зверь-пөткалысь оласногсө, приметаяс кузя висьталө поводдя, сёрнитө пөслөвичаясөн. Со и внукуыс велалө-ма. Лэбёны юсьяс да бордъяс выланыс пө вайёны төв. Сідзкө, найө шоныд муясө лэбысь медбөръя пөткаяс.

Юсьяслөн шыыс пыр өтарө матысмис.

— Со нө, со нө!— нимкодя горөдіс Веня:— Öтик, кык, куим...

Юсьяс лэбисны уліті. Кёнкө матын, тыдалө, шойччөмаось. Кутшөм мича, лымъеджыд лэбачьяс! Со найө юр весьтынөсь нин. Но мый тайө? Кельөб помын лэбис ёна ичөтджык кутшөмкө съдруд пөтка.

Гыяс вылө шыбитөм еджыд шарп моз, юсьяс ньөжйө кывтісны юръяс весьтті. Помас, быттё абу тырмөма еджыд сунисыс, шывкъяліс съд туг.

— Дзо-дзөг!— гораа шөпнитіс Веня.— Найө важөн нин лэблісны. Кыдзи тайө веськалөма бокөвөй кельөбө?

Збыльысь, юсьяскөд, наысь кольччытөг, медбөрас лэбис дзодзөг. Кузь туйө петөм юсьясысь сійө пөшти кык пөв ичөтджык, но на өдьяө жө шенасис бордьяснас, лэбис костсө дзугтөг. Туй вылысь босьтөм ичөтджык вына воксө гөгөрвоёмөн, юсь-вожак эз тэрмась. Сійө тшөкыда сетліс бөрас локтысьяслы асьыс гора нор гөлөссө. Сёрниыс воліс и дзодзөгөдз. «Го-го-го,— быд пөрийө вочавидзліс сійө,— вөтча пө, вөтча кольччытөг».

Мудзас кө дзодзөг, чайта, сетас отсөг коран шы. Сэки вожак ещө на ньөжмөдас лэбан өдсө да кутас сюся видзөдны, корсьны шойччан места.

Вөр-валөн аслас законъяс. Ми дыр вензим, кыдзи дзодзөг веськаліс юсьяслөн семьяө, но эг воёй өти кывйө. Дзодзөгъяс пө зэв видзчысьысь пөткаяс, но вермис мам-батьсө суны кутшөмкө неминуча. Öткөн кольөм лэбач аддзис выль чой-вокьясөс, өтлаын быдмис на-көд и со, петөма туйө. Эскысьсө, мый юсьяс лючки-бура вайөдасны руд дзодзөгөс шоныд море дорө. Сэні сійө аддзас асьыс рөдвужсө да, окотитас кө, стадитчас накөд.

Коли кузь төв. Тулысын миян войвылө бөр локтісны быдтысьны юсьяс. Но на пөвстын эз вөв руд дзодзөг. Сійө, дерт, воис бөрсө аслас

рөдвужыскөд, пöлыскөд нин. Кутас быдтысьны. Мөд ногөн эз вермы лоны. Өд став сертиыс төдчис, юсьяс төждысисны дзодзөг вöсна ичөтджык вок вöсна моз жö. Бокөвöй семья сылы вöлі аслас семья кодьон жö. Со кутшом крепыдон овлө вөр-васа олысьяс костын ёрта-сьöмыс.

Тувсов сыланкыв

Сёр арын, кор джудждö лым, ме быд во энотча вöралöмысь. Пон оз кут вермыны öдйö ветлыны парматі. Собалö лыж туй кузя, сöмын мышкыс тыдыштö. Мудзö. Гортö воас да лабич улын ныргорөн шкоргö-узьö. Сэки бура весала ружьеöс да öшöда матичбокса көрт тув вылö.

Коли выль во. Тövзисны-гöгыльтчисны вой мореяслань февральса пургаяс. Водз кутіс садьмыны шонді, пыр дырджык и дырджык öшалö сикт весьтын. Сылөн югөрьясыс нюлöны пöрысьмөм, сьöда-сьöм лым.

Апрель. Косьмыны удитөм мудöдьяс вылын вугралöны шоны-дінын жуялөм уджтöмалысь вöралан поньяс. Небыд лун төв кучкö нырö сісьмөм тьöс, быгалөм идзас да куйöд дукөн. Лун шөр кадö жöлöбьяс помысь надзөн, быттö гусьөн, а лун сьöмöсланьыс пыр öддзалөмөн клёнгö-виялö синва кодь сөдз войтва. Но кызд сöмын шонді исковтас вöртас сайö, чикыш моз кыпöдчö вильыш вой төв. Камгас-кынтас гөгөр сэтшöма, быттö шондыс во гөгөр чөж абу мыч-чысьлöма му весьтас.

Матысмö тувсов вöралан кад. Сикт сайын, гумладорса кыздза вöрын асывьясö водз заводитöны кургыны тарьяс.

Опöнь дед, менам суседöй, петас кильчö вылас да час-мөд куритчö, кывзö пармалысь лов шысö. Пыригас таркöдыштас каллян юрнас кильчö перилö да, быттö норасьмөн, мурöстас:

— Посняммисны öні вöралысьяс, посняммисны. Уткаясöс вöйсöдлöны, истаньясöс шковйöдлöны, либö шапкаясаныс гымгöны-луйлöны. Мир смек! Том дырйи ми пуля-пороктö тулан да ур вылö и видзлім сöмын. Төдлім и дозмөр койтьяс.

Опöнь дед нэм джынсö узьлöма вөр пывсянъясын, нодья би дорын. Сиктын сійö пыдди пуктана морт. Торйөн нин ёна дедöс радейтöны том йöз. Мый он юав — быдтор төдö, и пищальтö лавкаысь бөрьяс медбурсö. Опöнь дед пармаö эз нин ветлөдлы, но сы ордын пукалігьясö пыр пансьывлö вöралөм йылысь сёрни.

Отчыд пукалім дедкөд кильчө вылас, сёрнитім, дерт, вөралөм йылысь жө. Ме висьталі, мися, тар койтанінө вөчи лыс чом.

— Тарыд сійө тар и эм,— өвтыштіс кинас пөрысь морт.— Дозмөр койт вылын тулысыс тырвыйө вощьбө. Жаль, во вит нин эг волы сэтчө. Вот вөлі койтыс. Пөткаыс тулысысь тулысө чукөрмывлө пыр унджык.

Куті юасыны тайө койт йывсьыс.

— Ылын. Километр кызь лоө сэтчөдз. Нуөдлыны ог нин вермы, а өтнадлы оз сюр. Чая ю бокин,— дед думыштчыліс, а сөсся мудера читкыртліс синъяссө.— Эн-ө арнас висьтавлы, сөтысь кыйлөмыд тулан.

Ме гогниті юрөн.

— Аддзылін ю боксьыс пөрысь пожөма нюрсө? Сэні и эм. Но ылын, мися... Таръяс бөрсаяд нин кыйкъяв. Ог вермы тэкөд ветлыны.

Тулан бөрся вөтлысигөн понкөд кыкысь вуджлім тайө нюрсө. Отчыд зверсө весиг горсья кондаө топөдлім, но удитіс. Рыгьядорөдзыс на сөсся вөтлысим. Пемдім. Бур, мый важ вөр керкаө веськалім. Сэні и узим. Висьталі та йылысь Опонь деदлы.

— Ветлы инө, он кө пов. Нюр коксяньыс * матын и эм. Рытив-вылө колө сетчыны,— пөрысь вөралысь бедьнас чертитіс кильчө вылын, джоджас, көні койтөны дозмөръяс, а сөсся китшкис-ссылыштіс койтысь дозмөр моз. Татшөм шыяс пө и кывзы, кор пыран нюр вылас.

Со вөлөма. Ме пырджык козья-кыддза вөръясті ветлөдлі, ягъясті кытшлавлі, а нюръясө эг кежавлы. Сэні, ме чайтөм серти, абуось ни пөтка, ни зверьяс, а со, висьталіс — нюрын пө койтөны дозмөръяс. Татшөм мөвпыс юрө эз волы...

...Югыдөн на мөдөдчи Опонь дөдөн индөм койт вылө. Прөйдиті джын туйсө — кутіс пемдыны. Тэрмаси, но козья-кыддза тилльөн туөм ордым вывті он котөрт. Рытыс талыліс. Дугдіс кывны лэбачьяслөн дзользьөм. Вугралө парма. Гөгөр пельяс чунөдана чөв-лөнъ.

«Мурк, мурк, мурк», — дзуртө кокъяс улын чарөм. Гажтөм. Лым улысь мездмөм мыръяс кыпөдөмаөсь сьөд юръяснысө. Кажитчөны ловьяөсь, весиг вуджрасьөны. Тыдовтчасны шуйгаладорын, а ордым чукуль сайысь друг мыччыясны веськыдладорын. Повзьөдчөны, тайкө — ош. Полі. Сьблөмөй кын. Ружьеөс нуа нин кыын, но муна

* Нюр кок — нюр йывманіныс, вөраин.



гырысь воськовъясьон. Нюр дорас быть колё воёдчыны пемыдён на. Вот эг пет водзджык, мися, кынмытёдз ковмас коллявны войсё, а геждо ветлывлём туйтё пемыдын таявны вёлёма ещё на лёкджык. Пармаад пё мортсьыд вынаыс некод абу, унаысь шулывліс Опонь дед. Но татшём сёрныс, вёлёма, эскёдана сёмын керкаын, лабичын пукалігён, а вёрын со мыръясысь чурдла. Полёмыс венё.

«Кхер-р-р, ке-ке-ке-ке!» — кёнкё водзын веськыдвылын юёртіс вой чегём йылысь ай байдёг.

«Эхв, ту-кы, ту-кы, ту-кы!» — быттё кызёдомысь сёмдём мортлён, кыліс воча горёдём. Сэсся сійё жё, этшсыс петёмён, быттё серёткіс: «Хо-хо-хо-хо-хо!»

Видзчысьтём горёдёмсыс чур-чермуні. Тода нин вёлі, тадзи горёны койтысь ай байдёгъяс, пармаын медся водз садьмысь пёткаяс, но кутісны тіравны ки-кокъяс. Ов пармаын коть нэмтё, но ёдвакё велалан тайё сёлём кёздёдысь шыяс дорас. Та вёсна, тыдалё, и шулёмабсь пёрысь йёз: «Вёрсаыс сералё — вёралысьёс сьылёдё».

Кияс асьныс клотшкылё суйисны ружье ствольясё ош пуляяс. Сулала. Кокъяс дугдісны восьлавны. Гортёдз ылын, и ог тёд, мый виччысьё водзын. Узи эськё ёні шоныд вольпасын. Югдігас позис котёртлыны тар койт вылё. Окотаёс тешита, а таръяс кызди на ещё пуркыйсьёны-косясьёны. Дозмёр койт ковмис. Аддзыла на кё, а муздёмыс, полёмыс со вичмис нин юр выв тыр. Бёр косны?.. «Эк тэ, вёралысьё пуксьысь,— шпыньмунас эськё Опонь дед.— Сідзкё, повзин. Чукчиыд, пиё, рынышъяс дінын оз койт. Сы діно ветлыны — кокъястё колё пёсыштны. И, дерт, повтёмъяслы. Ещё терпение, сям колё. Вёрав нин, шулі тай, рынышъясдорса раскад».

Яндзим лои, быттё збыль шуисны тайё кывъяссё. Коть пидзёсьясой пыр на тіралісны, шуйга ствольсь бёр кыски пуляа патрон да сы местаё суйи гырысь дрёбьяёс. Шутёвті пемыдас, быттё понйёс чуксала. Збодермёдча. Полёмыд, мися, миян...

«Пр-р-рыть, пр-р-р-рыть!» — тринёбтіс юр весьтын вёр каля.

«Фр-р-р-рынз, фр-р-р-рынз!» — нюдз сынёдсё вундіс зумыд бордьяснас мурквечик.

«Цвирк, цвирк, цвирк, хорк, хорк!» — чипсіс-руксіс, чуксалис сійё асьыс пёвсё.

Кёнкё зэв ылын, енэжын бакётістіс енмеж. Унзіля на чушнитіс садьмём тар. Кливкнитіс дон нюрын ректан кока тури.

«Др-р-р-р!» — кос пипу йылын кучкис ёжын кодь нырнас кыр.

«Нюжалас тулысыс», — сьёд сизылысь кузя таргёмсё кылём бё-

рын шульвлёны уна тōдысь сиктса пōчьяс. Абу любō налы кузь ту-
лысыд: скōтлы ковмас унджык турун.

Оддзōдī воськовъясōс. Колō тэрмасьыштны. Сувтō асыв. Регыд
кутас югдыны. Турунвиж рōмаōсь нин лоины кодзувъяс. Оти бōрся
мōд найō вошласисны енэжлōн йирктōм-пыдōстōм саридзас. Ловзис-
садьмис парма. Но вōрын лои быттьōкō ещō на пемыдджык.

Воис пожōма нюр. Ньōжйōник, кывзысьыштōмōн восьлалī гежō-
да быдмысь пожōмъяс косттī. Чōв-лōнь. Дозмōръяс оз сывны.
«А, гашкō, абу и танī койтыс?— падъявны нин кутī.— Этатшōм кузь
туй талаялī, татшōм полōм терпитī и... весьшōрō?» Дыр корсьыси-вет-
лōдлī нюр вывтī. Забеднōйсла доршасьō синва. «Вōрканьлōн кодъ
пельяс да синъяс колōны,— висьтавлīs Опонь дед.— Тōла лунō чук-
чилōн сылōмыс кылō сōмын дас вит-кызь воськов сайысь». Но пō-
рысь вōралысьлōн кывъясыс эз ышōдны менō. Абу жō од пельтōм.
Весиг сьōлаōс, кōть вōсна чипсō, кыксē да унджык воськов сайысь
кыла. Оз эскыссы, медым та ыджа пōтка сылīs сэтшōм гортōма.

Вунōдī став видзчысьōмōс. Котōртла отарō, ветла мōдарō, гōгра-
ла нюр вывтī — оз сывны чукчияс дай пом. «Кодī нō свадьбуйтас
татшōм шляпник пожōмъяса нюрас?»— эз кут эскыссыны меным.

«Кo, кo, кo, кo, кo»,— друг котсьыштīs кōнкō матын кōн доз-
мōр.

Ылкнитīs сōнъясō вир. Весиг пōсялī: со, аддзывтōг-кывлытōг
и казялīsны. Повзьōдī ош моз руза-раза ветлōдлīgōн. Дыр сулалī вōр-
зьōдчывтōг. Некод эз лэб, а энъ дозмōр кызкō аслысногōн, эз пов-
зьōмпырысь, а мелīа пыр коткис и коткис.

Кежыштī бокыв да, кань моз кыйкъялīgтыр, вōчи кытшов.

«Тэк-тэк-тэк»,— быттьō бедьясōн воча-воча кучкалōны, муртса
кылыштīs водзын. Слабитōм вужъя пу тадзи жō ратшкō-норасьō.
Точакылōм орлытōг вуджис дзуртōмō, вежсис: «Зики-зики-зики-зи-
ки»,— быттьō кодкō небыд тōчила вылын лэчтō коса дорыш.

«Чукчи!»— югнитīs юрын мōвл. Та модаōн жō шлочōдīs кывнас
да кирскис Опонь дед. Тīпкыны-пессыны кутīs сьōлōмōй. Жарōдīs.

«Шлочкигас — сулав лов шытō кутōмōн, кирскигас кыкысь-куи-
мысь воськовт. Но, медым сыланкыв помсō нитш ланьтōм бōрын
нин кылīн. Сёрмин — повзьōдан чукчисō»,— воис юрō пōрысь вōра-
лысьлōн велōдōмыс.

Лов шыōс пыкōмысь мōдīs юкавны кōсичаōй, курдīs горшōй.
А чукчи пыр сылīs и сылīs. Помтōг дыр нин кажитчō кыйкъяла-
матыстча. «Абу тайō конда саяс? Абу. Ылын на. Сылōм сертиыс

ылын на колѳ лоны». Мый вынысь чеччыштѳ пѳрѳм пу вомѳн да уси. Кратш — вѳр тырнас чеги кос, чорыд ув. Ог лысьт вѳрзѳдчыны, но чукчи — эз мѳй кывлы? — сьыліс коставлытѳг. Сьыланкыв улас лѳньѳдѳ лов шыѳс, сувтѳ кокъяс вылѳ.

Дзик юр весьтын сьылѳ чукчи, но ог вермы сѳйѳс аддзыны. Сьыланкыв улас чышкыштѳ пинжак сосѳн чужѳм вылысь пѳсьѳс. Дзорга-видзѳда юрѳс чатѳртѳмѳн. Доймыны нин кутѳс сьылѳ дзирѳйѳ. «Водзын на...» Ещѳ вѳчи куим-нѳль гырысь воськов — чукчи, кыла, сьылѳ бѳрын нин. Чеччыштѳ кыз конда сайѳ да сѳсянь кутѳ видзѳдны пуяслѳн йывъяслань. Синпырала быд ув. Косъмѳмысла, кажитчѳ, потласьѳ паръясысь кучикыс. Апала кѳдзыд сынѳдсѳ. Дзѳрѳны кикокъяс. «Шойччыштны колѳ, лолыштны», — мырдѳн тшѳктѳ аслым, лѳдзи мулань синъясѳс, кутчыси пуас, медым юр бергалѳм вѳсна эг усь. Лоис кокниджык.

Ещѳ на югдыштѳс. Петысь шондѳлѳн бритва кодъ югѳръясыс кучкисны сѳ вося пожѳмъяслѳн туганъясас, инмисны ыджыд сьѳд чукчилѳн смоль-сьѳд морѳсас. Ыпнитѳс тошка юр вылас кумач кодъ гѳрд сорсыс. Орчча пу вылас гогъяліс сьылѳн пѳлыс — энъ дозмѳр. Чукчи видзѳдлас аслас пѳдругаыс вылѳ, чатѳртас юрсѳ да ставсѳ вунѳдѳмѳн заводитѳ сьывны. Сѳйѳ нимкодъясис тулысѳн, лѳнь шуда асывнас...

Дыр видзѳдѳ тайѳ пара вылас. Медводдзаысь на дозмѳр койт вылын, но тайѳ пѳткаыслысь сьыланкывсѳ эськѳ тѳдѳ ѳнѳ став лѳбач шыяс пѳвстысь. Сямми кѳ татшѳм матѳдз сибѳдчыны медводдзаысь, сѳдзкѳ, мѳда кужны вѳчны тайѳс мѳдысь, коймѳдысь — пыр, кытчѳдз кута ветлѳдлыны пармаын. Ог вунѳд тайѳс, медводдзаысь кывлѳм тувсов сьыланкывсѳ некѳр. А ѳнѳ... Кѳтъ оз ло весьшѳрѳ талаялѳма та кузьта туйсѳ, венѳма та ыджда полѳм.

Мушка исковтѳс пѳткалѳн пашкыр бѳж вывтѳыс, кежыштѳс бокыв да сувтѳс шуйга борд вечик вылас...

...Ыджыд руд вуджѳр шумтѳг тьовгысис пуяс костысь, вѳчис кытш энъ дозмѳр дѳнтѳ да здук кежлѳ ѳшйыліс сы весьтѳ. Сюзь! Пѳрысь чукчи пыркнитѳс дзор тошнас, нетшыштгчис места вывсьыс. Борд шыяслѳн клопкѳмыс шызьѳдѳс матѳгѳгѳрсѳ. Сюзьлѳн пуркмунѳ гѳныс, кутѳс гѳвкъявны сынѳдын, а руд рѳзбойник ѳтарѳ-мѳдарѳ шыбласитгыр тюрис пуяс сайѳ...

...Пѳрысь чукчи, быттьѳ нинѳм абу и вѳвлѳма, бѳр пуксис важ местаас, швуч-швач керис бордъяснас, пыркнитчис, мыйкѳ броткѳдчыштѳс да регыд мысти вылѳ кыпѳдѳм юрыс бара мѳдѳс лѳтъявны кыз нюдз сьылѳ вылас. Чукчи ставсѳ вунѳдѳмѳн сьыліс водзѳ.

Вөр шызьбма уна пөлөс гөлөсьясөн. Көнкө кургисны тарьяс, вылын асья шондї югөрьясас купайтчис да баксіс енмеж, нюрын клопкөдчисны бордьясананыс ас костаныс косясысь ай байдөгьяс. Муртса кывмөн, ылын дон нюр вылын кливксісны турияс. Но ставсө тайөс веніс чукчилөн гортөм, но вына сыланкывйис. Сэні кыліс радейтчөм, садьмысь оломсө ошкөм. Ставсө вунөдөмөн ме кывзі тайө сыланкывсө, а синьяс водзын пыр на вөлі сійө серпасыс, кызди чукчи мездіс ассыс пөдругасө сюзьлөн ёсь гыжьясысь.

Шондї югөрьяс эз на лэччыны муөдз, энъ дозмөр быттө искөвтіс пу вылысь да өдйө саяліс. Эг удит лапнитны синьясөн, пожөм ув вылысь чечыштис да воши синьяс улысь и чукчи. Пөтка гозья радейтчынысө сэсся кутасны му вылын, тшөтш и чөсмасыштасны кольөм вося юмов сьөдгөрд пувйөн.

Ме перйи ружье ствольясысь патроньяс да чарөм вивті компас кузя веськөдчи гортлань. Пельпомьяс сайө волысалөм ноп вөлі тыртөм. Веськыда висьтала, тыртөм нопья вөралысьыд кажитчө зэв муздөн, зумыш чужөмаөн, а меным сьөлөм вылын тайө асылө вөлі зэв кыпыд. Кокьясысь эг кыв мудзсө.

Сизь поз

Пармашөрсә эрд вылө шылькнитчөм грездса зонкаясыд, ми водз велалім вөравны. Кыйлім и чери — сьөд мышка мыкьясөс, сирьясөс-ёкышьясөс, сутшкасысь йөршьясөс. Пыжтөг, вугыртөг — ботйөн. Эг уна, лэччылөм вылө морт-өти пайөн — пумөн. Чериа вөлі и местаясөн джуджыд Нёмыд ю, но сэтчө эз ков некутшөм пыж. Керыштам шодзьяс * — вит бедь, нюжөдам бот и болскам-вөтлам черисө. Лов дасөдз пыравлө ботьяд. Сійө, важиник нин, кызкодь шөртысь, Веня друглөн вөлі. Стөчджыка кө — Опонь дедлөн. Эз жалитлыв мортыс угодысьсө.

— Эн вөйөй, — сөмын и шуас вөлі, — посниджык челядьуловсө ваас эн келөдөй, прөстудитчасны.

А кыйсьылімсө нывкаяс да зонкаяс өтвыв. Быдөнлы окота адзыны, кызди Черисө кыйёны. Весиг креста волыса гача зонкаяс ми бөрсә вөлі вөтчөны, сэтшөмьясө, дерт, эг босьтлөй. Локтігөн налы кык-куим ёкыш-мык сетлім, медым мамьясныс пуасны юква — и ставыс.

* Шодз — бшласян бедьяс.

Быдмыштім, Венякөд вөралігөн сэтшөм мича вадъяс аддзывлім, но он на сәні ботъясь. Джуджыд. Колө пыж. А сійө эз вөв. Майшасьом, сёрни-басни. Веня и топөдас дедсө. Дас нель ар нин сылы вөлі. Колө пө пыж. Опонь дед, ветлөм-мунөм мортыд быдторсө вөчны кужліс. Сетчас. Көсйыяс отсыштны внукуылы.

Котөрөн воис ме дінө Веня. Дед пө совет вылө корис. Кывсө на эг гөгөрво, но өдйө тай котөртім.

— Пыж, шуанныд, колө,— читкыртліс синъяссө Опонь дед. Ми сөмын юръясөн сөглас довкнитім.

— Ыджыд уджыс...— довкйөдлыштіс дзор юрнас Опонь дед.— Увтөм коз пөвьяс колөны, а кытысь сійөс босьтан... Емва вылын, эськө и пипуысь кодйөны, но ог нин, тыдалө, вермы. Пөда. Сәсся сы вылө, ой, кыз пипу колө бөрийыны... Корсьлөй сывтыръя пу — төлкөладсө петкөдла. Асьныд и вөчанныд. Кузьныръяс эмөсь, чер-пила ләчыдөсь... Но, вөв ни додь — ю дорысь корсьөй, көні көсьянынн кыйсыны, мед места вылас и вөчнысө позис...

Гожөмбыд, арбыд, төлын корсим Венякөд туяна пипусө. Аддзим жө. Шожымка берег вылысь. Быдмөма тай, майбыр. Өтиөн он на и сывйышт. Висьталім Опонь дедлы местасө.

— Тулыснас, сідзкө, нуөдланныд,— көсйысис сійө.

Коли төв. Воис тулыс, но пыжөдз-ө? Гөра-көдза кад. Гожөм пуксигас нин воим пипу дінө.

— Доб-ра-а!— кызөктыштіс Опонь дед.— Сө саяс во, гашкө, туөма-быдмөма. Дерт и төщө, но нинөм. Кокниджык лоө пөрөднытө да кодйыны. Весиг набойки оз ков, сы кызта. Лун джынсө, тыдалө, ковмас жө кокавын-пөрөдны тиян, но өд ас вөля сертиыд. Асьныд асьнытө чуйдінныд, сідзкө, и уджыс мунас споринаджыка.

Төлкуйтыштөм-сёрнитыштөм бөрын медводдзаөн черө босьтчис Веня. Мортыс вына нин — быд куим-нөльысь керыштөм бөрын кыпидөс пасьта, чунь кызта чаг чечыштө. Ме орччөн сулала кык вропа пилаөн. «Пөрөда-а-ам!» — думайта.

Но мый тайө? Юр весьтын кутісны лөкысь тічкыны сизьяс. Кыкөн. Өтиыс гөрд юра-сорса, мөдыс — рудджык. Пыраласны пипу горсьө, ләбалөны миян гөгөр, шызьөдісны став матігөгөр вөрсө.

Видзөда, Опонь дед ичөтик зонка моз кутіс вашъявны. Чатөртчис, синкым весьгас ләптіс ки пыдөссө.

— Вайлы, ноко, Веня пийө, чертө,— мурган гөлөсөн чукөстіс сійө внуко.

Веня нинөм гөгөрвотөг сетис дедыслы кисъыс черсө да видзөдліс жө вывлань:

— Мый нө, дедуш, сизьясыс тадзи шызисны?

— Шызьбөдім тай,— бара вашмуніс Опонь дед да дзевис черсө мешокас.— Сёрмим.

— Черсө, черсө мыйла сюйин мешокад?— ноп вылысас шашаритчис Веня.

— Сёрмим, мися,— чорзыштөм гөлөсөн вочавидзис дедыс.— Овмөдөмаоьс пыж пунытө. Сизьяс, со аддзан, поздысьомаоьс.

— Но и мый?— эз сетчы Веня.— Этша өмөй лыйлам, кор вөралігөн аддзам — пищаль видлалам. Оз тай чинны-бырны.

— Сизь семья, мися, быдтысьоны!— скөрмис Опонь дед.— Тасма эськө тэныд. Эг төдлив...

Сизьястө, көть эг тшөкыда, ми, збыльысь, вөралігөн лыйлывлім. Но та йылысь некодлы эг ошйысьлөй. Сизьыд өд абу пөтка, а сөмын ловья лыян пас. Венялөн со висьтавсис. Ёна и скөрмис внукуыс вылө Опонь дед. Казялі, тшөтш и ме вылө видзөдліс көдзыда.

Тайө пөрийө пипу сідзи и коли сулалысьөн. Опонь дед эз көсйы кывзыны некутшөм пыж йылысь. Волам пө гожөм помланьыс, кор позтырыс лэбас, сизьпиян петасны ас көрым вылас.

Гортө воигөн нин Опонь дедрөн сьөлөмыс бурмыштіс. Сійө висьталіс, мый сизьяс бурдөдөны пуяс, сөйөны висьысь пуяслөн кырсь улысь пучөйясөс. Пөрысь морт ёна стрөжитіс, медым ми, челядь, некор эг лэптөй сизьяс, көкъяс да мукөд посни лэбачьяс вылө киньмөс. Ставыс найө пөльза вайысь бордья ловьяс.

Пөрысь пипуысь ми вөчим пыж аръявылыс нин. Уна и гыч кыйлім борд кодь кокни пыжөн. Сійө, дерт, важөн нин сісьмис. Уна дас во нин абу ловья и Опонь дед, но сылөн көритана кывьясыс өнөдз на вежөрынөсь.

Вотчигьясө унаысь аддзывлі сизь позьястө. Кызджык пипуын и вөсньыдын. Ожын нырнас тай кылө горса путө тайө ичөт лэбачыс. Но некор эг вөрзөддлы налысь позьяссө. А таво гожөм сизь семьяыд менсьым ещө өти удж торкис. Колө вөлі весавны сад йөр улө нейджыд места. Дас пу и кольөма вөлі пөрөдны вужнас. но өти горсья кыз пипуын, казялі, овмөдчөма сизь. Дум вылө уси Опонь дедрөн внук вылас, да и ме вылө тшөтш, скөр видзөдласыс, да эг и перйыв ноппысь черөс. Сизьяс быдтысисны, лэбисны. Пипу пыр на сулалө. А мөд во тулыс кө овмөдчасны? Мед либө кольө тайө пуыс. Улас менам керка-чом, а вылас сизьлөн быдтысянін.

Бөрәлігөн уналаті прійдитлі. Озыр на миян парманым и тшак-вотсён и зверь-пёткаён, но эмось нин сэтшөм пельосьяс, көні он кывлы сизьлысь котшкөмсө, уркайяслысь көлөкөльчикъяс моз дзоль-зьом шыяссө. Татшөм вöрас зэв гажтөм. Окота öдйөджык вуджны тайö овтөм местасө, а мөдысь, дерт, кокъяс сэтчө оз нин нуны. А вөр-вайд гажа олысьясөн, ловъя ловъясөн!

Эндөм зорөд

Тулысыс кытшовтис грезддорса ыбъяс, эрдъяс вылысь нюлис сьодасьом нин лым. Вежон-мөд сайын нин керка вевтъяс вылысь войтваён лэччис төвбыдөн пуктөм еджыд шебрас, уси öклучень да жөлөбъяс помысь төвся шарпыс — кыз, сьөкыд туктаяс. Воисны скворечьяс. Найö лунтыр ноксисны пашкыр кызды вылө öшөдөм скворешняын, лөсьөдисны аслыныс поз.

Сырчик гозъя тшаша ветлөдлісны ва гөпъяс дорын, корсисны сёян, лайкйөдлісны кузь бөжъяснаныс. Синъясыс оз-оз дай доровтчыласны öшинь юрйивъяслань. Сэні найö быдтысьлөны быд тожөм.

Грезддорса раскын асывъясын кургисны таръяс. Найö нимкодясисны водз воөм тулысыслы. Но петис вой төв. Камгис-кынтис мувасө.

Дугдисны поздысян уджысь скворечьяс. Зумышмисны пөчьяс. Некодлы оз во сьөлөм вылас кузь тулыс. Лымъяліс. Виль еджыд эшкын дзебис посни лэбачьяслысь сёянсө — гагъясөс.

Көдзыд поводдя нюжаліс. Лымтөг нин, сійө куйліс сөмын вөрын, лоис ён чарөм. Кынталө и кынталө. Вежон, мөдөс.

Пөчьяс кывлөмабсь сьөд кырлысь кос пуө кузя таргөмсө: «Кузь тулыс лөб, тшыг тулыс! А скөтлөн көрымыс — ичөт йөртөдын».

Медым не воштыны дона кадсө, йөз куралісны зорөд пыдөсьяс, пөшти куш муөн нин кыскалісны дадысөн быгалөм турун, моздор-мөдөн, но век жө пыкөд.

Дыр көдзыдаліс. Но быдторлы волө пом. Бара кутис нюмъявны шонді. Воссис Эжва. Лунвылысь локтисны юсьяс, дзодзөгъяс, уткаяс.

Веня другкөд воштім ун. Водз асылын, школаө мунтөдз, ритьясын рөмдытөдз шөйтлім Нёмыд ю бокъясөд, сы гөгөрсә тыяс дорті. Кыйөдчим уткаяс бөрсә. Но вывті жө нин найö сюсьсөсь. Пемыдөн локтам гортө, а тыртөм лазйөн. Зэв гежөда чөсмөдлім чой-вокъясны-

мөс утка шыдөн. Сюрас кык друглы кулак ыджа жыдач — сійөс он юк. Йёз серам. Мед нин абуыс.

Гортын эз видчывны весьшөрө кокъяс песомыс, но мам вөлі жалитыштлас жё.

— Ассыныс сёйөны бордья-ловьяясыс, тэрыб кокаясыс, — шу-лас сійө.— Йөйяс, кынтөдчанныд, васё, кыномсё кураланныд, ви-сьём корсянныд ки-кокъясаныд.

— Он на тай өлөд окота тешитөмтө. Гусьөн, дзебсясьөмөн — бара вөравны котортам.

Өтчид, вөскресеннё вөлі. Венякөд асывсяныыс рытөдз ветлөд-лим Нёмыд ю бокын. Ваыс туёма нин вөлі. Аддзылим и уткаясөс, но он на сибөдчы. Көсйылі сёлаөс лыйны, но Веня эз сет. Энь пө, горш улыс руд... Сідзи и довгам гортө. Тшыгөсь, мудзөмаөсь.

— Эк, эськө! Шожымка кузя кё кылөдчыны? — быттьө аслыс-моз и шуис ёртөй.— Абу өтка делө, абу өтка...

— Сэтчө пыж колө,— сүйси сёрниас ме,— карбас пыж, медым ытваыс оз пөрөд, а кыс сійөс босьтан?.. Веткинад, пипу пыжнад бадь улө сюяс... Вөям.

— Пыж — оз туй,— дыр чөв олөм бөрын водзө паськөдіс мөв-сө Веня,— а пурйөн — добра-а! Дедушкөд ми кылөдчылим нин. Пыв-сянным өд Ю-Ягысь, Тури нюр бокысь. Дедуш сись кодь пожөмъяс пөрлөдлөма, кырсьөма, косьтөма. Ми сійөс тыкөлаө — буз да буз!.. Паськыд пур артмис, куим судта. Көть йөкты, оз-ө шатовт. Суткиөн и кылөдім. Ме, дерт, окота тешиті, кызди мам мунігөн шуис, а ку-тшөм эськө и окота тешитөм — кык горда лыйи! Оз повны уткаясыд пурсыд. Дзик матысянь шковйөдлі. Мичаа пө вит, сөмын и шөпни-тас дедуш, патронсө ружьеас сүйигөн.

Тайөс висьтавлігөн Венялөн өзйисны синъясыс. Гөгөрвои, око-та сылы, вывті окота прөйдитны тайө ва туйөдыс выльысь, но код-көд? А, гашкө, мекөд?

— А менө эськө босьтін? — юалі.

— Т-тэ-нө? — Веня весиг сувтовкерис. Ме плешнам тангыси сы-лөн пищаль лөжаө.— Босьті эськө, но... мамыд оз лэдз.

— П-пө-жа-луй,— нюрсниті воча,— юасьөмнад некутшөм төлк оз и ло. А Тури нюр дорад эськө юасьтөг жө ветлім.

— Сэні вөр, а тані — ытва,— кыв көрталіс Веня.— Колө и зіб-йөн йөткыштчыны кужны.. Ланьты, кутшөм тэа-меа пур вылын кыв-тысьяс.

Воас кё юрад кутшөмкө мөвп, сьөкыд сійөс энөвтны. Нёмыд

‘бокті локтігөн синъяс гудырмытөдз видзөді вабергачьясас. Аддзылі, кызди визулыс кылөдө-нуө, гартө сунлөдлө быдсяма лөпсө: пөв торьяс, вужьяснас кырөдөм пуяс. Весиг вөтө уськөдчыліс стракыс — шыблөдлө миянлысь ичөтик пурнымөс изйысь-изйө, пуысь-пуө. Та йылысь, дерт, эг висьтав весиг Венялы, но сы динө сираси: «Ветлам да ветлам». Сөгласитчис ёртөй.

Петөмыс бара пышйөм кодь лоис. Шуим, кайлам Опонь дедлөн пывсянөдз, аскинас, сәні узьөм бөрын, кежалам тар койт вылө и — гортө.

Татшөмторсьыд прөст пөраад да ещө тувсов вөралан кадө мамыяс эз кутны. Веня төлка зон нин, төдыштө вөр-васө, а ме — сылөн кок пөв. Нопьясим — мөдөдчим. Ме ещө сутуга да симөм көрт тувьяс дасьтылі, но Веня өвтыштіс кинас: оз пө ков.

Субөта рытын ми вөлім Ю-Ягынөсь нин. Ломтім Опонь дедлысь вөр керкасө да лэччим Шожымка ю дорө. Нёмыдысь сийө паськыджык. Визувтө лөнджыка, вабергачьястөмджык. Шонді лэччитөдзыс на вөр керкаысь босьтөм кык воропа пилаөн жвучнитім-пөрөдім сизим конда. Нюрывв косьмөм пожөмьяс. Сизим воськов кузя чинталім. Пур вылө вөр — дась.

Вөр керкаын горйыс ваймөма, но өгырыс вөлі на. Веня чагйыштіс зап пес, пестыліс выль битор — өдйө и пусис проса рокыд.

Кутшөм чөскыд, вөр керкаад пуөмаыд да ещө свежөй мөс выйөн! Кывтө нылыштан.

Садьмим водз, кынмыны пондім. Шонді олө жө нин. Кутшөм узьөм? Сөйыштім шонтөм коляс рок, юим сәтөра чай и — Шожымка дорө.

Сюсь, вөлөм, ёртөй. Биасим. Сийө кералис льөм пу ньөрьяс, пөжис би вылын. Кыкөн песім да кык пөвета пурлысь Веня көртавліс сөмын нель пельөссө. Пур выліө сөвтім лыс лапьяс. Йөткысим берегысь.

Кывтам, көть сьыв. Пурным, майбыр, ачыс корсьө визув шөрсө. Оз ков веськөдлыны дөза паськыд тувсов ю вылад кык бечевник косттыд кылөдчигад. Морт өти уткаөн лыйим и. Кыкнансө эськө Веня лыйис, но вөралігад — ставыс шөриа.

А уткаясыд, көть и Шожымка вылын, абу жө тшак мында вөлөмаось. Луныс помассыны кутіс, а нинөм сәсся эг и лыйөй. Но сьөлөм вылын долыд. Оз ков мунны подөн: пур кылалө и кылалө, нуө миянөс гортлань. Кыйсям и окота тешитам. Ставыс кө лючкиладнө, вой шөр гөгөрыс воам грезд весьтөдз.

Пур бокъяссө Веня эськө лыскөн вевтталіс, но сюсьджык уткаяс, вөлөм, казялөны неминучатө. Со водзысь лэбисны вит-квайт косысь — гырысь, еджыд сера уткаяс, кежисны вөрлань да, төдөмысь, сэтчө, кутшөмкө тыө и пуксисны. Шуим вөтчывны, кыйөдчыштны.

Сувтїм берегө. Ме видза пур, гез йылын домыштї пуө, Веня дзесьясьбөмөн муніс уткаяслань... Воши мортыд. Час джын, час, гашкө, виччыся — абу мортыд. Коркө воис.

— Лэбисны уткаясыд... А эстөні — тыкөла бокас, дзонь зорөд сулалө. Вөрзөдлытөм... Додь кыка... Курья пырө и... Вот эськө босьтны кө... Абу курас туруныд... Ылын сөмын...

Өтитор адззывны да висьтавны, а дзык мөдтор — кежөдны визув вылысь кутшөмкө вөрса курьяө сьөкыд пур...

Кылөдчим Венаөн индөм местаөдз. Ме — пур вылын, Веня көртө берегтї. Шыбитї сылы гез. Веня шыркнитіс сійөс берегдорса кызкодь ловпуө. Пур бергөдчис, кыз выль гез (турун ваялысьяс сійөс шуөны бөжгезийөн) трич кылө ори, быттьө сунис. Пур гөгөрпөв бергөдчис, кежис визув вылысь, өдөбөн ачыс пырис курьяө, зїммуни берегас да вежынтчис. Ори нырсыс көртөд ньөрйыс.

Ачым гатшаси. Муртса эг усь ваас. Веня шашаритчис орөм гез помө да вайөдыштис пурсө береглань. Ковмис вылысь дзоньтасыны, песны ньөр. Öнї нин кык пөвстөн гартлїм быд пельөс. Сэссия зібьясим зорөд дорөдз. Сөвтчим пөшти шондї лэччытөдз. Уна турун нөбийөн и нөсилаөн кипыралім. А пур вылын зорөдыд быттьө воши. Бура талаялї — ме сы вылө сямма нин — гожөм джынсө зорөд вылын. Морт судта и лоис. Көнда кражьяс, дерт, вөйыштисны, но кокьяс улын вөлї небыд и зумыд. Войсө узим берегын. Югдїс.

— Öнї көть морөөдз! — пөсьсө чышкыштөм бөрын серөктис Вена. — Уткаяс кыйим, пес ваям да ещө и турун...

Зібьясьбөмөн лючки петїм Шожымка вылө. Майбыр вөлөма кывтны турун вылад. Небыд, шоньд. Кынөмыд кө пөт, көть төлысь, көть кыкөс тадз гөвкьяв ва вылын.

— Вень, а Вень? Кытчө нө тайө турунсө кутам воштыны? — юала.

— Колхозлы, — ньоти падьявтөг вочавидзис Вена. — Гөра-көдза кежлө содтөд көрым.

Меным весиг яндзим лои тайө юалөмсыс. Энөвтөм зэрөд, но өд виддзыс и туруныс колхозлөн. Нем думайттөг юавсис, а нимкодь эськө. Серко кө вермис тулысбыд кыскавны плуг да шыльыдджык мышкөн петны видз вылө. Вына вөлыс, медся тэрб, а вот чорыдджык

сы вылын пукавны. Сідзи и сёрнитчим — пурнымос сувтодам ко-
нюшня везьтө...

Мыйыс вөлөм оз овлы кузь да сэтчө жө ещө и төдтөм туяд. Шо-
жымка ю пырис вөрө. Отарас и мөдарас пөшти зібйөн судзмөн ылна-
ын великан-пожөмъяс, дзор козьяс. Ытвайыс кытъяскө кырөдөма
берегсө, нуөма сьорсыыс слабджык вужья пуяс. Вөчө тувсов ва ас-
сыыс уджсө.

— Кут-чы-ысь! — друг орөдс менсым мөвпъясөс Веня.

Сийө жө здукө турун тыра пур зутшкысис мыйөкө, сетчыштліс
бөрлань да төкөтбө эз путкыльтчы. Ме тімбыльтчи Веня вомөн да
не кө сийө, эськө туті бужгыс көдзыд ваас. Веня удитіс кватитны
менө паськөм пөлабд.

— Воим, — аслысмос скөралыштис сийө, — сибдім.

И збыльысь, миянлысь туйнымос пөперегалөма берег вывсыань
усьөм кыз пожөм. Нөрөма дзик ва веркөс вылас. Сьөкыд пур лямө-
діс сийөс, вөйтис, но пожөм-великанлөн вынаөсь на вөлөм вужьясыс,
паськыда шевкнитчөм ув-вожьясыс. Дзикөдз сибдім. Пуыс оз жө ты-
дав ва веркөс вылын.

— Гожйыны ковмас, — курыда серөктис Веня, разис мыш нопсө
да перйис ассыыс кокныдык лэчыд черсө. — Пу шөрас зунгысим.
Ковмас керавны.

А мый и кералан. Пуыс вөйис ваас. Тайө абу ягын керасьөм.
Судзас-ө дженныдык чер воропыд.

— Тэ вот мый. Кут менө гез помөдыс. Ме көртасы коскө да ке-
рала пусө. Кут өна, медым ог усь.

Кызкө-мыйкө Веня лэчис пур дорыш вылөдз. Оти кокнас тувч-
чис кыз пожөм ув вылө, а мөднас сулалө пур дорыш вылын, гөлень
джинйөдзыс ваын. Зэлыда кута гез пом. Веня керасьө: «Булс-болс,
булс-болс». Ваыс резсьө, а дасысь керыштөм бөрын өти-кык чагтор
и кывтө ва вывтгыс. Сунис помөдз көтасис мортыд. Шыбитис турун
вылө черсө.

— Мудзи, шойччышта, — шуис.

Мем лои яндзим көтасьөм ёртысь.

— Лолышт, ме керасьышта, — шуи, пөрччи вылыс паськөмөс
да көртасы гезйөн.

Веня эськө довкнитліс юрнас, но век жө лэдзис отсыштны...

Отчыд и керышти, но, тыдалө, эг прамөя инмы ва пытпса пуас.
Чер вильснитис, мыні воропыс кыысь да шытөг дзумгысис ю лыдөсө.

— У-у, рөбөтник! — пузис Веня. — Кай, кай өдйөджык, кытчөдз эг купайт!

Забеднө, но мөдысь тшөктөм эг виччысь — звирк-кавшаси кос турун вылө.

Бара ковмис лэччыны Венялы. Менам ныжджык черөн йирис зонмыс кык весът кызта пусө джынйөдзыс. Ваыс сэсся вөчис коляс уджсө — пуыс руджкылө чеги, а пурным, быттьө чеп йылысь мынөм пон, мөдис шлыгыны-кывтны водзө. Одва и удити лэптыны Веняөс.

Конюшня динө воим рытъя юктасян кадө. Конюкыс, ылісянь на казялөма, багырөн судзөдис миянлысь гез да сибөдис пурнымөс берегө.

А мый сэсся. Видисны миянөс асныралөмысь, ошкисны колхозса вөвъясөс гөра-көдза кежлө турунөдөмысь. Ми Венякөд, кык друг, сийө гожөмсө бара өтлаын уджалим колхозын, арнас кыкөн вөралим, но пур вывсянь ытва дырйи сэсся уткаясөс эг кыйй, эновтөм зорөдъяс эг кылөдлөй.

ЮРИНДАЛЫСЬ

Важ портфель

3

Купальница

9

Ласича

11

Ошгъяс

13

Пос

15

Медводдза коса туй

22

Унмовсьтӧм ӧшиньяс


27

Гитара

33

Опонь дедрӧн быдтасъяс

39



Для среднего школьного возраста

Алексей Серафимович Одинцов

ПЕРВЫЙ СЛЕД КОСЫ

Рассказы детям

На коми языке

Художник *В. М. Михайлов.*

ИБ № 866

Редактор *Б. А. Попов.*

Художественный редактор *В. Б. Осипов.*

Технический редактор *А. Н. Вишнева.*

Корректор *Э. С. Греггер.*

Сдано в набор 12.02.85. Подписано в печать 19.04.85. Ц01240.
Формат 70×90^{1/16}. Бумага № 1. Гарнитура школьная. Печать
высокая. Усл. печ. л. 5,26; усл. кр.-отт. 5,7; уч. изд. л. 4,26.
Тираж 2000. Заказ № 4141. Цена 15 коп. Коми книжное
издательство, 167610, г. Сыктывкар, ул. Карла Маркса, 229.
Республиканская типография Государственного комитета Коми
АССР по делам издательств, полиграфии и книжной торговли.
167610. Сыктывкар, ул. Первомайская, 70.